

卷二十四至卷二十九

列女門志

烈婦烈女 貞女 孝婦 孝女 義婦

義行志

藝文志

藝文

藝文

雜類志

古蹟 壑墓 寺觀 仙釋 雜識 文徵

卷二十四至卷二十九

列女門志

節婦 烈婦 烈女 貞女 孝婦 孝女 義婦

五行志

藝文志

災祥

占驗

藝文

雜類志

古蹟

瑩墓 寺觀

仙釋

雜識

文徵

溆浦縣志卷二十四

人物志五

列女

節婦

烈婦

貞女

孝婦

義婦

賀氏

張顯球之妻

賀氏

張枏之妻

劉氏

向德明之妻

舒氏

鍾士魁之妻

陳氏

武開中之妻

張氏

舒宗景之妻 並道光十三年旌

蔣氏

張麟某之妻

賀氏

張承鑑

之妻

舒氏

劉肇斌之妻

鍾氏

孫積厚之妻

楊氏

譚模銅之妻

向氏

舒其鎬

之妻

賀氏

梁正紹之妻 並同治六年旌

上

陸氏

舒燾之妻 夫卒守節 子運昌舉人 光緒四年旌

右省志刊載十四人

梁氏 喬蓮 牌字田劉 肇培妻 年二十 向氏 白雲 荆家灣 荆澤 六寡 卒年六十 道光元年旌

光緒四年旌 舒氏 鳳菊 馬田坪 趙道增妻 年二十一 合卷 僅 卒年七十六 舒氏 四十日夫故 卒年六十一 光緒初年旌

舒氏 青雲 曉村劉軒望妻 年二十一 李氏 龍潭 姜祖堯妻 寡 卒年八十二 光緒十五年旌

姑孝並樂濟貧乏 光緒 舒氏 青蘭 寨頭蕭瑞祥妻 年二十三 寡 卒年四十七 光緒二十四年旌

向氏 戊姐 頓萬杰妻 年二十六 寡 易氏 寧馨 龍潭吳顯 補儒學 謝懋蘭 給匾額 旌之

故無姪苦守 卒年 張氏 芳雲 社坪孫大詔妻 年二十 婚 劉 八十三 光緒時旌 未半載夫故 縣令李旌有匾額

氏 龍潭 湛輔臣妻 年三十 寡 光緒六年 易氏 龍潭 唐大桂妻 縣令李大緒題旌貞靜 慈良 匾額

政吳樹梅旌以節 勵松 諶氏 龍潭 唐大敬妻 年二十六 夫丁 筠 匾額 卒年七十六 外艱 以憂傷死於廣西 懷遠 主

簿任所氏攜孤子英賢扶櫬歸里杜門不出 雖至戚罕識其面 旌英賢殤撫姪為嗣 卒年四十五 學政吳樹梅旌以形管揚輝

韓氏 龍潭 湛晴峯妻 年二十二 夫故 遺子紹文娶吳氏 生伯 端 吳亦年二十三 而寡 姑媳相依 矢志守節 韓卒年六

十一 吳現年七十二 學政吳樹梅 吳氏 龍潭 湛模 顏妻 于歸 同旌 以節 勵松 筠 奏蒙 誥封 安人 僅四十日夫故 撫孤

緝光成立 學政吳樹梅 諶氏 龍潭 韓望文妻 年三十 寡 卒年七 梅旌 以節 勵松 筠 諶 十三 督學 吳樹梅旌 以節 勵松 筠

匾 陳氏 登蘭 馬州 鍾允津妻 年二十 寡 卒年七 陳氏 辛 額 十一 學政 吳樹梅旌 以形管 齊輝 匾額

張文正妻 年二十一 寡 卒年八十 舒氏 同雲 朱昌文妻 年二 學政 吳樹梅旌 以形管 齊輝 匾額

贈有抗義 明節 知縣 陳自新 贈有 向氏 萱 玉川 水夏 洪陶妻 松相節操 各匾額 卒年四十九

十九 光緒三十 向氏 易紅 舒國柱妻 年三十 鄒氏 龍潭 原 二年九月旌 寡 光緒三十二年旌

彭培 世妻 年二十八 寡 卒 張氏 文玉 散水 仲舒 達榜妻 年七十四 宣統三年旌 年十七 寡 卒年五十六 王



氏 芸香牛角村田茂植妻年二十八植從軍 楊氏 竹幼藍翎

不返氏以紡績供事畜資卒年六十六 州氏撫孤守節卒年五十九 周氏 舒俊麟繼室年二十寡

卒年七 韓氏 龍潭邑庠生唐大貞繼室年二十七 周氏 潭

十七 韓氏 龍潭邑庠生唐大貞繼室年二十七 周氏 潭

邑庠生唐時霽妻年二 謙氏 龍潭邑庠生夏長泰妻年二十

十九寡卒年七十八 舒氏 桂香河上坡向景元妻年二十 賀氏 歡秀河上坡向望

舒氏 二寡家貧苦守卒年八十二 賀氏 福妻年二十四寡

家赤貧勤紡績 張氏 蘭秀濼寨溪歐陽華德妻 舒氏 河上

卒年八十四 張氏 年二十六寡卒年六十八 舒氏 河上

坡而鎮望妻年二十 周氏 桂秀古瀾舒培國妻年 向氏 秀法

入寡卒年六十八 周氏 桂秀古瀾舒培國妻年 向氏 秀法

塘頭張良謨妻年二十 朱氏 迎鳳塘頭張宗貞妻年 舒氏

寡撫姪守節卒年五十 朱氏 二十四寡卒年六十 舒氏

美惠崑鸞向景菊妻年 夏氏 竹鳳三區劉隆臣妻年 向氏

二十九寡卒年五十五 夏氏 二十九寡卒年四十九 向氏

救貴李遠江妻年二 扶氏 景芳長樂坊向星唐妻年 賀氏

十八寡卒年五十五 扶氏 二十三寡卒年四十七 賀氏

芳秀橋江劉承彪妻年二十 舒氏 月桂長茅周自黃妻年

八寡撫姪守節卒年六十一 舒氏 二十四寡卒年六十二

賀氏 立珍塘頭張思明妻年 向氏 潔音橋江劉承基妻年二

賀氏 二十一寡卒年七十八 向氏 十八寡子二長敬先邑增

生卒年 朱氏 碧黃橋江劉承忠妻年 賀氏 金秀橋江艾先

七十六 朱氏 二十一寡卒年八十 賀氏 北妻年二十七

寡卒年 郭氏 菊秀章池嚴咸妾年十八寡嫡 舒氏 繡雲章

五十五 郭氏 亡撫孤子如己出卒年六十一 舒氏 池嚴先

潛妻年二十九 林氏 桂芳章池嚴先沂妾年 賀氏 佳秀橋

星妻年二十五 李氏 二十鳳章池嚴先沃妻年 張氏 碧翠章

寡卒年七十八 李氏 二十九寡卒年六十四 張氏 池嚴德

材妻年二十九 舒氏 翠音渡頭劉文釗妻年二十三寡撫姪

寡卒年七十五 舒氏 守節家赤貧紡績度日卒年七十八

禹氏 繡鳳八門張鳳熾妻年二十二 朱氏 遺珍八門張啟明

純善好施與 黃氏 春香大灣隄陽縣縣丞匡建侯妻年二十一卒年六十九 寡事翁姑以孝聞卒年六十六

李氏 雲碧大址坊舒世讓妻年二十夫故仰事 奉氏 秀香小 附畜成資紡績鄉里賢之卒年四十二

遠位妻家貧夫故子亡孫亦夭與寡媳舒氏丹鳳 朱氏 閩秀 灌園食力遺命孫媳蕭氏撫子承祀卒年八十二

坊舒遠楷妻年二十二 陸氏 松蓮大址坊舒萬選妻 張氏 寡家貧苦守卒年六十二

菊香曹坡陳延欽妻年二十三 張氏 銀桂鍾宗光妻年十九于 四寡紡織營生卒年六十三

祖典為嗣卒 諶氏 龍潭吳人坦妻家貧夫外遊墮水 張氏 年三十四 死撫孤紡績營生守節四十餘年

龍潭韓望薰妻年二十二夫客死於外家 向氏 龍潭諶燕模 屬無賴排擠之氏撫孤誓守卒年七十三

夫故遺子與翁又相繼沒伴姑 諶氏 五寡撫育二孤全資鍼 守節人稱孝敬卒年七十二

肅卒年 諶氏 龍潭庠生諶厚誼女王本煦妻年十七于歸 八十一 夫故撫遺腹子守節卒年三十七

諶氏 龍潭張緒煜妻夫故家貧事姑 唐氏 龍潭姜祖冠妻年 撫孤孝慈兼盡卒年七十八

祧卒年 易氏 龍潭諶志棟妻年二十四夫故 吳氏 龍潭諶 六十五 撫姪貽亨入武庠卒年六十四

年十八夫故生子未周歲攜 唐氏 龍潭張貽塔妻年二十九 依母家居守卒年五十三 寡事孀姑並好善舉卒

年六 楊氏 張家塘張貽基妻年二 諶氏 張家塘張祖銘妻 十三 七寡卒年六十四

六十 楊氏 張家塘張貽璧妻年二 吳氏 張家塘張緒醇妻 一十九 夫故卒年五十八

十五 諶氏 葛竹坪侯久經妻青年守 譚氏 葛竹坪侯銀奎妻 寡事親撫子堅苦自持

乘著卒 李氏 葛竹坪侯銀讓妻年 葉氏 龍潭諶志文妻年 年六十 二十四寡卒年六十

一 武氏 錫碧晏子屯石大逢妻年 武氏 良雲家坡周其 卒年六 二十一寡卒年六十二

十三 舒氏 苗秀嚴家坡周其祿妻 張氏 林慶牌子田劉 年二十五寡卒年七十

六夫故撫姪為 **劉氏** 載重楊晚潭舒必遠妻 年四十五 卒年七十五 寡卒年七十 **張氏** 元娥高 莊武嗣

銘妻年二十五夫故姑貧撫孤守節每遇青黃不接常摘野菜 充膳性不佞佛不事修飾舊田園無異男子工紡績寡言笑見 稱鄰里卒 **張氏** 林琴嚴家坡周其珪妻年 年七十六 卒年六十三 **舒氏** 蓮香江弦 村周時璜

妻年二十九寡 **武氏** 瞻玉嚴家坡周長城妻年 卒年九十三 寡卒年六十八 **項氏** 愛秀 劉家

腦劉肇璵妻年二十寡 **舒氏** 彩雲坎水橋向志升妻年二十 撫姪為嗣卒年六十五 夫故撫姪為嗣卒年六十一

**張氏** 玉鳳赤溪舒先科妻年 年二十二 寡卒年五十六 **向氏** 瓊玉嚴家坡周其煊妻 年四十四 寡卒年四十四

**周氏** 牡鳳小龍潭劉永傑妻年 年二十一 寡卒年七十四 **謝氏** 瑞娥小龍潭劉永獻 妻年二十五 寡卒年二十

七十 **李氏** 開煌小龍潭劉承鈞妻年 年二十六 寡卒年七十八 **蕭氏** 銀蘭低莊鄉張 林卷妻年二十

二寡撫子承 **沈氏** 集瑞低莊市周承倫妻年 年二十七 寡卒年五十三 **張氏** 有蘭望 雲坡向

功望妻年二十一功亡撫子承 **李氏** 桂鳳後村張鳳陞妻年 年七十一 孫滄靈邑庠生 年二十九 寡卒年七十六

**葉氏** 閩秀蕭家灣蕭正位妻年 年二十四 寡卒年八十二 **毛氏** 金娥花溪顏其苓妻 年二十四 寡卒年七

十 **朱氏** 錫善崑腦村李培憲妻年二十六夫故一子甫數歲 茹苦守節遐邇無閒言子長納媳舉一孫僅數苗子

媳俱逝氏年七十二值 **舒氏** 秀雲楓香林張林遠妻年 歲饑撥野藪竟斃於虎 年二十五 寡卒年七十三 **蕭**

**氏** 蕙蘭松楊坪馮永作妻年二十六夫故子先俊妻王氏銀秀 年二十七 後故孫肇邵妻舒氏習善年二十九 邵亦故同蕭

守志蕭卒年八十五王卒 **梁氏** 月皎柿溪江張澤蘭妻年 年五十二 舒現年五十二 年二十四 寡卒年七十八

**張氏** 翠蓮黃嗣珩妻年二十三夫故遺腹生子宗望後望渡江 湖斃媳胡氏亦青年承繼姑志張卒年七十八胡現年六

六十 **羅氏** 春秀蕭才金妻年二十八夫故翁姑年 春秀蕭才金妻年二十八夫故翁姑年 終 **徐氏** 珍翠 蕭才

菊妻年六十四 **蕭氏** 春鳳戴正儀妻年二 年六十四 寡卒年六十八 **張氏** 雲鳳花橋 舒培嶽妻

列女

年二十六夫故撫 黃氏 佩金柿溪江張澤斑妻年二十三 舒

氏 城區庠生楊海南媳楊惠齡 唐氏 采苔楊壽世妻年二

趙氏 碧玉通仙里李德觀妻年 蕭氏 滿鳳通仙里李德晉妻

好義舉重師儒撫子培 夏氏 引香通仙里李祖文妻年二十

孝卒年 向氏 媛娥新田嶺蕭明振妻年三十寡事 舒氏 嫗

竹幼舒立潛女馬田坪趙朝鈞妻年二十二夫故 舒氏 野野

得遺腹子廷緒緒殤撫族子廷循爲嗣卒年四十 李氏 松青

智倫妻年三十三 奠氏 蘭翠馬田坪趙道坪妻年 劉氏 閩圭陳林坪羅楚海

寡卒年七十三 溪宋大佐妻年二十九夫客死於 劉氏 妻原籍新化隨夫商

於徽遂家焉年二十生子永梅甫七月夫故扶柩歸新比旋梓

貧如洗嫂憐其苦勸再醮氏拒之以紡織爲活逮孤成立家漸

饒猶食糲衣獨如故惟修橋梁道路施衣藥賑災患頗不吝惜

每歲暮則出粟賑糶鄉鄰窮乏咸沾惠權量平入盈出臨終囑

子孫世守勿替賢聲膾 黃氏 新香茶灣向祖徵妻年 黃氏

炙人口卒年八十二 交妹紗帽坪劉廷壽妻 彭氏 喜貞桐木灣劉長泮妻年 龍

年三十寡卒年八十八 氏 二婆桐木灣劉廷壽妻年 傅氏 蘭秀梅子塘李先榜妻

金氏 環弔崑劉光燦妻年 李氏 愛娥崑坪庠生郭錫騰妻

張氏 月姣茶灣向澤坤妻年 舒氏 正坤江口廩生卞發元妻

卒年六 蕭氏 水桂江西界荆金法妻 舒氏 書慶清江屯趙

七十二年 馬氏 彩雲趙家腦趙齊柏妻 蕭氏 月秀趙家腦趙

寡卒年 向氏 和雲趙家腦趙家相妻年二十一 劉氏 春蓮狀

六十四 列女

故博縣志

卷之四

福貴妻年十九寡撫子承祧卒年七十六 姚氏牛埠田長庚妻年三十 劉氏圭秀

井楊立昌妻年二十九寡卒年八十二 金氏青蘭猿弔崑劉光先妻 蕭氏王金

崑劉澤望妻年三十 劉氏合呀猿弔崑潘世祿妻 趙氏桂蘭

井向泰全妻年三十 李氏金蓮崩崑河鄭如喜妻年 劉氏清

尹彥求母年三十夫故彥兄弟尚 奠氏回貞馬田坪荆樽妻

張氏馬田坪荆宗賓妻年二十 舒氏城區李麟華妻年二十

陳氏一經劉表渡胡作顯妻年 龍氏福雲太平舒大晉妻

承祧紡績營生 文氏培雲大田坡黃萬賊妻年二十六夫故

事無人何忍改節乃毀粧茹素事鍼黹以奉 蕭氏玉慶草村

姑後姑卒營葬畢入寺為尼卒年四十八 向開迎妻

年二十二夫故遺腹生周 戴氏易秀水東張祖德母年 夏

氏素第水東張良年祖母年二十八夫故媳賀氏亦二 鄧氏

金玉水東張良銘祖母年 周氏彩珍湖田坪蕭大求母 向

氏瑞雲二區宣陽江賀才詩之妻向道理之女 楊氏二區把

之徵妻辰谿候選訓導楊大誦 鍾氏富慶板栗坪江勢龍母

一 楊氏高明溪戴正時母年 袁氏柏翠城區李詩林妻年

之守節卒 趙氏湘蓮塘下龍向志東妻 劉氏新香塘下龍

二十寡家貧以鍼黹 熊氏清香塘下龍向先通妻年 黃氏

紅培塘下龍向志煙妻年二十 蔣氏玉秀崑腳張其海妻婚

入夫故撫子承祧卒年六十五 僅四十日夫故卒年七

列女



五十 葉氏 榮貴頂家常妻年二十 舒氏 懿秀乾叔劉世鮮妻

戴氏 申珠二區溪口賀隆執之妻朝藩之童養媳生未逾月

十夫故家貧無子可撫氏誓不他適且以田捐入 張氏 青芳

宗祠為翁姑立栗主作香燈賞苦守四十四年卒 張氏 塘下

瀧向志棟妻年二十一 舒氏 壽玉崑腦上劉召庶妻

劉召友妻年二十餘夫外出 鄧氏 祥雲馬兒橋謝安餘妻年

不歸茹貧守節卒年六十五 武氏 照惠花口李延淵妻年

謝氏 辛桂社坪孫裕禮妻年 姚氏 桂蘭上馬田坪鍾文星妻

李氏 多姐大湖坪廩生趙廷頤 劉氏 荷慶報母塘舒藩侯

四十中將鎮守副使周則范贈題形管場麻 周氏 雙桂中馬

縣知事謝煦元贈題激揚清節為之旌表 達妻 遐齡之母年三十夫故處

龔氏 寶秀城區原籍江西清江縣熊榮茂妻年二十五 舒氏

龍秀城區張麟泰妻廩貢耀星 覃氏 再音城區張麟輝妻年

之母年二十九寡卒年七十七 舒氏 碧蘭大院子頓德獻妻年

舒氏 泉蕙大院子頓高崧妻年二十 田氏 培雲川

八十六 舒氏 夫故撫子承祧卒年七十餘 張氏 重秀塢李延啟妻年

圭妻年三十寡 張氏 二十五寡卒年七十五 舒氏 三妹油

卒年六十三 賀氏 青玉大潭舒培銀妻年 陳氏 粵秀

承玖妻年二十一 張氏 淑桂大潭向肇松妻年 蕭氏 珍

廩生向紹鑲繼室年 張氏 二十八寡卒年五十五 印氏 應蕙楊柳林黃廷熾妻年三十夫

入門張呈瑞妻年三 印氏 故於古州協營次守喪時值苗亂

絕城負子歸 張氏 湘秀盧坡下馬冲舒達全妻 賀氏 雪蘭

卒年六十一 張氏 年二十餘寡卒年六十一 賀氏 水東

張澤敦妻年二十九 杜氏 桂金水口劉子柯妻年二十夫故媳

四寡卒年七十九 杜氏 毛氏蘭祥亦年二十繼姑守節杜卒

年八十三毛 劉氏 珍蘭氏莊鄉張林岷妻年二十

現年五十八 劉氏 十六寡撫子承祧卒年七十 彭氏 滎溪

繼文妻年二十三 賀氏 秀音治鸞梁永茂妻年 楊氏 選菁

寡卒年七十四 賀氏 二十三寡卒年七十五 楊氏 治鸞

譚仁壽妻年十九 張氏 富蓮治鸞梁正南妻年二十八寡以

寡卒年八十六 張氏 勤苦致小康孫曾林立壽九十八歲

右新探已故凡二百零三人 附誌晴峯媳 吳氏等五人

楊氏 龍潭姜祖官妻年二十七夫故紡績 屈氏 書芳竹幼廩

營生光緒二十四年旌現年七十五 屈氏 生舒國極妻

年二十一寡光緒三十 謙氏 龍潭吳文思妻年二十餘寡撫

二年旌現年六十五 謙氏 姪守節學政吳樹梅旌以節勵

松筠現年 熊氏 迎春溪口賀成佑妻廩生賀嵩壽母年二十

六十餘 熊氏 四寡現年七十二學政吳樹梅旌以冰雪聯

陳氏 舒道隆妻年二十三 舒氏 良玉温湖向某之妻年

額 田氏 佳雲麻陽水武先照繼室 嚴氏 長樂坊田定點妻年

年二十八寡現年八十一 嚴氏 二十六夫故撫子承

祧現年 羅氏 慶雲上馬田坪鍾文甲妻 楊氏 龍潭唐時霞

五十六 羅氏 年二十七寡現年七十七 楊氏 妻年二十九

寡現年七十九其次 楊氏 龍潭唐彬文妻年二十六 謙氏

媳楊氏亦青年守寡 楊氏 寡紡績自給現年六十二 謙氏

龍潭姜時瑞妻年二十九寡 楊氏 龍潭唐大理妻年二十三

事翁姑以孝聞現年六十二 楊氏 龍潭唐大子為嗣現年七十

一 謙氏 龍潭唐世藩妻烈婦易氏之媳年二十一寡撫堂姪

近賢之謙現 易氏 龍潭唐大舜妻年二十八夫故伯氏欲

年五十九 易氏 奪其志氏誓死守撫姪為嗣現年五十

楊氏 龍潭夏長均妻年二十四寡不出 劉氏 龍潭夏長良妻

戶庭至戚罕見其面現年七十三 劉氏 年二十六寡撫

兄子承祧 姜氏 龍潭夏長湖妻年二 王氏 龍潭唐顯述妻

現年五十 姜氏 十九寡現年五十七 王氏 年二十四寡現

列女



年六 吳氏 龍潭唐大槐妻年二十一 吳氏 龍潭唐大彬妻年二十一

向氏 奇鳳河上坡郡庠生周家驥妻年五十一 蕭氏 鳳蘭小田孀

十八于歸僅三日夫故家赤 奉氏 祥玉板水邑庠生陳賡堯

貧紡績良日現年五十六 舒氏 有秀濫寨溪歐陽華堂妻 鄭氏 世芳

姑貧撫子守節 舒氏 年二十九寡現年七十二 廖氏 雙玉

繼妻年二十四寡紡 周氏 蘭鳳陳祖潤妻年二十二 廖氏 板水

一寡現年六十四 嚴氏 載玉板水陳德合妻年十九寡家貧

舒氏 靈玉溫里張呈文妻年五十二 鄧氏 玉芳崑灣舒祚考妻年四

田氏 仙桂棗子坡舒新暢妻 賀氏 士杏棗子坡舒新鑑妻

周氏 錦鳳常屋田邑庠生劉開濟妻年五十一 舒氏 應春崑

員劉兆麟妻年二十一 嚴氏 冬玉橋江劉繼先妻年五十八 嚴氏 騰

精江張蔚祥妻年二十夫故遺 戴氏 逢金橋江舒培貴妻年六

朱氏 德懿橋江劉華構妻年五十一 嚴氏 鳳雲橋江蔣先紹妻年

胞弟以鍼術營 艾氏 春秀橋江張呈發妻年三十寡撫姪為

朱氏 希耀章池國子典簿嚴先沂妻年六十二 舒氏 閏玉章池嚴

現年五十九寡 劉氏 香玉章池廩生嚴駿繼室 舒氏 金秀章池

現年二十九寡 向氏 仙芳章池嚴華臣妻年六十八 向氏 秀金橋江

現年六十四寡 夏氏 青雲大灣田澤森妻年五十五 王氏 麟秀姚家

現年六十四寡 夏氏 青雲大灣田澤森妻年五十五 王氏 麟秀姚家

妻年七十五 湯氏 美玉寨頭蕭世坦妻年

現年七十五 劉氏 蕭芳八門奠世麒妻年

和妻年六十五 高氏 芳梅大址坊舒世授妻

龍妻青年守寡事姑能得歡心 舒氏 月蘭小址坊李遠道妻

守節撫姪為嗣 舒氏 滿芳四區柳林張麟賈妻年二十六寡

舒氏 蘭芳坎水鄉向士衍妻年二十九 武氏 瑞慶塘陸楊世

寡現年 劉氏 素青莊坪舒登松妻 段氏 三耳灣嚴必富妻

戴氏 翠音曹坡陳祖瑞妻年 江氏 周桂批把灣陳宗

現年 蕭氏 滿雲城區原籍江西清江縣楊鴻 奠氏 淑清曹

齡妻年二十八 嚴氏 芳桂曹坡陳延沃妻年 舒氏 玉鳳黃

萬麟妻年二十六寡鄉 賀氏 翠雲奠家瑞奠世德妻年二十

陳氏 有珠白崑沖石清之妻年 謙氏 龍潭張緒銀妻年

張氏 龍潭邑庠生張先藻女謙志元妻年 王氏 龍潭謙

修王家勸茶亭復修老屋場橋墩現年六十三 楊氏 龍潭謙

年三十寡現 唐氏 龍潭謙祖瑞妻年二十一夫故媳楊氏亦

四十 王氏 龍潭韓望興繼室年 謙氏 張家塘張祖鑽妻年二

楊氏 葛竹坪侯清璵妻年二 謙氏 龍潭李家烈妻年二十

年四 謙氏 龍潭李家駒妻年二 陶氏 錫碧低莊鄉張麟建

列女

七十 劉氏 賈慶楊晚潭舒必錫妻年

六十七 向氏 禮可嚴家坡周其美妻 劉氏 科鳳米家莊

二十六 李氏 春玉崑門舒良寬妻年 王氏 玉鳳磊石灣

二十 舒氏 應瑞譚家灣張期觀妻年 曹氏 杏雲

二十四 武氏 求仙牌子田劉十鹿妻年 劉氏

二十四 武氏 竹鳳松溪舒祚殿妻年二十四

沈氏 隨雲石牛潭劉維熾妻年 劉氏 滿慶陽晚潭舒秀盛

十六 陶氏 彩雲牌子田曹壽生妻年 舒氏 惠碧關公勸譚子

故無子承祧 舒氏 青音老屋園生員武贊勳妻 劉氏 丁秀

田舒延社妻年二十八 劉氏 段雲茅坪村李延煜妻年二十五

武氏 九秀四門村舒澤義妻年 劉氏 感秀低莊市生員賀樹

承祧現年 朱氏 美鳳茅坪村李延祿妻年 舒氏 金鳳崑騰

鳳嶺妻年三十 李氏 順秀崑頭張麟元妻 賀氏 萱秀上四

妻年二十二夫故撫 劉氏 七瑞低莊鄉張鳳鎮妻年 劉氏

珍瑞低莊鄉張鳳相妻年 李氏 掌鳳崑頭張鳳春妻年 周

氏 喜雲崑頭張鳳義妻年 李氏 敬雲思婆溪張家祥妻年二

祧現年 舒氏 美玉水田莊湯家巽妻 侯氏 載秀水田莊唐

四寡現年 張氏 文瑞思溪舒登九妻年 舒氏 龔親美妻年

二十入寡撫子 張氏 潤御天湖塘向人起妻年 易氏 蘇秀

承祧現年六十 張氏 潤御天湖塘向人起妻年 易氏 蘇秀

覃乾昌妻年二十五寡 劉氏 青雲蕭家灣蕭時順妻年二十

撫子承祧現年六十七 劉氏 青雲蕭家灣蕭時順妻年二十

石氏 裕鳳明川瞿開泰妻年 聶氏 錦秀雙桑橋劉賢書妻

入 舒氏 春蓮橫陽界范安文妻年 嚴氏 紅貞長樂坊周池

撫子承祧子傷又 易氏 見雲龍潭吳文星妻年 杜氏 東蓮

六寡現年五十九 李氏 文閣陳林坪張心沛妻年 鍾氏 再

治魯梁月樵妻年二 黃氏 珍玉治魯梁永惠妻年 賀氏 銀

十九寡現年六十四 李氏 翠蓉泥湖潘順序妻年二十八夫

書成立現 梁氏 美蘭兩丫疇賀隆迪妻年二十九寡子成芬

梁年八十四 戴氏 梁家坡梁源洪妻源洪卒氏年二 龔氏

五鳳南村黃錫球妻年 舒氏 蕙秀二區黃田端王順沛妻年

節現年 鄧氏 祥鳳宣陽江賀方剛妻年 賀氏 慶善五區馬

妻年二十九寡撫兄子 武氏 捨秀戴光觀之媳正傳之妻年

現年六 楊氏 交蓮二區塘灣賀洪春妻 李氏 碧梅小橫

現年七十 侯氏 蘭玉賀家端賀洪柱妻年二十 譚氏 蘭秀

九寡現年八十 鄧氏 咏年二十九寡現年六十二 段氏

城區王發興妻年二十四 劉氏 城區黃生照妻年二 董氏

夫故家貧守節現年六十 劉氏 城區黃生照妻年二 董氏

蓮春城區張敬臣妻年 米氏 林香王嘉信妻原籍江西現居

二十九寡現年五十六 米氏 城區年二十二寡遺腹生修岳

娶嚴氏均早死遺 舒氏 年春秀水車坪向祖象妻 荆氏 潤鳳

一孫現年五十五 雷家仁妻年二十二 嚴氏 龍金馬田坪趙鳳池妻年 荆氏 秀

二寡現年七十二 馬田坪趙道美妻夫故守 向氏 喜珠陽橋石宏現妻現故家

守現年 黃氏 富桂陳林坪張先約妻 周氏 鳳蓮蘆沖園曾

夫故撫子承 舒氏 年林珠蘆沖園賀成篤妻 何氏 紫芳油米

妻年二十七 現年六十二 舒氏 潤蓮油米溪朱武學妻年 夏氏 春玉

九寡現年六十六 李氏 桃秀跨崑田石才昭妻 石氏 鳳

茶鸞向祖望妻年 李氏 早蘭茶灣向初脩妻年二十 賀氏

青鳳賀隆菴女塘下瀧向致鏞 姚氏 年書秀梅子塘李先登妻

趙氏 秀金桐木灣劉長和妻 向氏 和珠斯文溪生員夏紀

六十 向氏 元娥新田嶺蕭貴南妻年 張氏 潤玉荆家營荆

八寡撫子承 李氏 年郭人偉妻年 李氏 妹芳崑

漢妻年三十 寡事翁姑 石氏 年桐秀崑坪郭人禮妻 楊氏 十

以孝聞現年五十六 向氏 年瓊娥大江口荆春芳妻年三十 彭

十寡現年六十一 夏氏 年金桂茶灣向光俊妻年 李

氏 年三珊荆家營荆澤湘妻 趙氏 年蕊桂洪水營蕭紹蘇妻 田氏

野湖向玉修妻年七十五 舒氏 年冬蓮大江口雷文瑞妻年 陳

和秀老木沖萬邦妻年 謝氏 年竹玉桐木灣劉光蘭妻年十

三十寡現年六十八 茅坪覃紹玉妻年二 九寡紡績撫孤現年五十六

故有系示

卷之二十三

列女

十四



賀氏

福桂崩崑河鄭立堂妻年三十寡

劉氏

妹秀崩崑河鄭立登妻年三十

寡家貧子幼紡織自給現年六十四

歐氏

羅家冲黃增良妻年二十四寡現年五十七

黃氏

琳玉陳林

坪張光華妻年二十四寡現年六十二

張氏

冬玉馬田坪荆剛逢妻年二十六寡現年五十八

李氏

錦雲山門張家逢妻夫早故家清貧事姑孝撫兄子如己出現年五十八

張氏

雲秀馬田坪蕭高耀妻年三十寡現年七十三

鍾氏

香慶馬田坪蕭高軒妻年二十八寡遺二子三女俱幼家貧如洗紡織營生時有富翁周某以氏德貌兼全倩媒求為繼宰氏債主聞之希圖償債亦從中游說氏聞之泣曰甯為餓殍決不再醮後受逼氣絕倒地鄰人蕭夢祥嘉其志與鍾墨林雲山等各助二十金交蕭應發掌管生息以為氏償債及日用之資氏得以自安現年六十三

氏

端芳古龍舒予相妻年二十七寡現年七十五

周氏

菊芳向學潤妻少聰慧喜讀矢志守節姑欲奪其志乃大歸紡織自給蓄積漸饒葉子潭劍建龍鳳菴氏為置水田五畝以備清修養老之用現年五十六

夏氏

紫雲古龍舒承參妻年二十四寡現年六十一

毛氏

榮芳崑江龍李遠華妻年二十八夫故撫子承

周氏

惠逢白竹溪向紹璜妻年三十寡子二長蕊生五十五

鄧氏

富英潭頭坡曾昭宗妻年二十三寡遺腹生子撫之

黃氏

芬金崑洞坪謝承嘉妻年二十八寡現年五十七

李氏

瑞音潭頭守節家貧甚姑卒典質營葬現年六十一

王氏

鳳雲湖鑑溪周大錫妻年二十四寡撫姪光華為副傭工自給現年七十六

向氏

慶雲赤壁隴文邦富妻年二十四寡現年五十八

田氏

錦秀大勘橋趙廷餘妻年二十四寡現年六十四

舒氏

良玉溫湖向景祥妻年二十四寡紡績營生現年六十二

文氏

桂玉溫湖向文河妻年二十八寡現年五十九

周氏

菊蘭羅夫故撫子承祧現年五十六

崇隨妻年二十四 王元鳳樸楊鄉鄧萬松繼室年二十九

戴氏 瓊秀水東張先聲母年 夏氏 王圭鐵溪龍黃占連

子承現年 陳氏 貴雲楊柳仲賀才興母年 周氏 南村黃顯

十寡現年 張氏 關青板栗坪江繼母年 張氏 菊蘭桐油

現年二十九 陳氏 桐木溪鍾學文母年二 黃氏 銀雲山門

現年六十八 王氏 高明溪賀某之妻年 陳氏 逢玉米煦之

寡現年 李氏 東雲洞坡腦譚享羣妻年二 劉氏 舒習莊妻

年五十八 武氏 靈音花橋舒之勳妻年 謝氏 再芳高頂

現年六十一 蕭氏 冬蛟堰塘灣向順玖妻年 張氏 坤瑞

劉維清妻年二十八 張氏 班瑞長潭李德榮妻婚僅 向氏 餘

水口劉子忠妻年二 向氏 俊秀乾漢劉世鯽妻年 毛氏 音

塘下蕭向事鍾妻年 向氏 紅雲崑腦上劉望佳妻年二十二

文氏 龍慶吉家村劉召汝妻年 十寡 聰向氏采藩亦 劉

氏 福碧乾漢戴前仁妻年二十四 李氏 福會水口劉士乾妻

九 向氏 玉慶白竹溪周大俊妻 劉氏 福音干竹坪杜定坤

八 武氏 明福吉家村劉樹望妻年二十四 周氏 幸坡頭李廷

四寡現年 李氏 福玉馬兒橋謝侯萃妻 周氏 回蘭馬兒橋

二十四寡現 李氏 電玉葛草龍舒祚芬妻年 舒氏 茅坡頭

年七十五 李氏 二十三寡現年六十一 舒氏 李延池





賀鵬飛繼室邑庠星南之母 謝氏竹筠廩生謝玉階之女少

年二十五寡現年六十六 現年五 劉氏雲玉溫里張良琨妻年 向氏芝馨向人玉女

其妻嚴宗和女冬青亦同守義向現年七十七 龔氏水鄉慶坎

士恆妻年二十八 向氏麗秀泥湖蕭大漣妻年二十九 蕭氏

彩玉麻陽水向學熙妻年 李氏雙鳳川水夏宏熿妻年 王

氏鳳音揚州人性端淑不事華飾年十七歸 張氏澤政鄧延

後事氏以身任奸施不吝遠近賢之 嚴氏二區邱家傳例貢

二十一年寡 現年六十 右新探現存凡二百七十八人 楊氏等四人

烈婦

戴氏

沅陵人邑庠生郝為幹側室生子逾年夫亡順治丁亥潰

婦曰還我兒即從汝賊從 舒氏瑞芹生員向春茂妻順治丁

之遂抱兒墜崖墮水死 怒剖心裂屍 向氏良玉生員賀金名妻順治己丑為牛

於爛木溪 氏姿色遣兵劫取婦置酒緩之入室整衣自縊 舒氏周姑繼

隨父宦粵西全州性聰慧善筆札母亡侍父甚孝父卒於官率

弟扶柩回籍終喪適夏氏後值潰兵考姑幸得脫比歸夫與子

俱被殺考姑泣血塵畢即觸石死鄉人憐而葬之 梁氏瑚璉

朝聘女也有姿容雍正甲寅年二十適舒奇才姑鄧氏素悍而

才父棄家走蜀至是奇才往從之合昏未三月也烈婦送之門

洩急迎之朝聘畏鄧之悍遣其戚趙帝若送還鄧閉之奇瑞室  
脅以威烈婦忿然曰姑誤矣寧死不為禽獸行鄧母子怒殿之  
斃因以鐵烙頸作自縊痕與趙帝若比揚言婦自經死時乙卯  
三月二日也朝聘鳴之官適韓令宗蕃督黔省餉黔陽令代驗  
涉旬始至而屍敗不可驗矣故獄久不決乾隆丙辰辰籍令按  
肅朝聘以檢屍請令傷以危語朝聘懼竟以自縊成獄而烈婦  
冤終不自白黔令王光電辰令楊

之婦怒言復強之言愈壯鄰人聞聲至劉遁走央人謝過婦忿  
不允自經死鳴諸官官擬劉罪旌表婦其夫省志作奇德朝

**張氏** 蕭應兆妻攜子行丐途遇風雨避雷打崗適丐匪賀恆  
先斃其子氏號救駕益甚恆五殺之當號救時有山後歇宿之  
丐聞聲趨視恆五亦致之死為滅口計旋糾其素識之丐陳老

四陳則意幫同焚尸滅迹遂各散去時嘉慶八年閏二月十二  
日事也地方報縣令李公光笈訪拏詳辦將恆五凌遲梟首示  
眾陳老四陳則蕙亦棄 **黃氏** 王金舒明欽妻年二十二歸欽  
市張氏旌表入祀節孝

撫子族眾利其資欲奪其志王金知之 **鮑氏** 宋貴之妻性聰  
於夫喪葬畢即投水自盡時年二十六

法夫放蕩無行托家資屢逼氏改嫁氏誓無他夫將強劫以行  
氏偵知夜半啟窗投水死翌日檢屍得油紙包絕命詩十首中

有寒潭深處有網常 **賀氏** 餘秀夏世驗妻年二十五  
之句時年二十八 夫故喪葬事畢闔戶自盡 **徐氏**

山東掖縣人舒夢齡妾夫故殉節成豐 **向氏** 象蘭何心鋤妻  
六年七月經山東巡撫覺羅某題旌 完婚周年甫十

九歲而齔後氏矢志不嫁姑欲奪其志終不渝 **徐氏** 西洋徐  
父母亦勸其改適氏聞言服毒死時年二十歲 祖與女

年二十一歸趙士元甫三月元卒遺腹生子家貧而事姑最孝  
或勸他適以姑老子幼誓死辭時牛兵竄激扶姑抱子藏山中

被賊搜獲婦跪泣為姑子乞命賊釋之旬餘復至將辱婦罵  
賊賊先殺姑以懼之婦忿暈仆旋甦言益甚賊知其終不從乃

婦頸血四溢死賊去幸喉未殊閱時復蘇裹創號勵以蓋掩姑  
屍掬土以塵遂抱子投塘水中死逾月祖與尋至見其屍浮水

面兒猶在抱昇出顏如生乃遷姑 **周氏** 李齊喜妻年十九寡  
骸合葬於趙家灣 以上齊志 夫兄欲奪其志觸柱

嘔血死 諶氏 婦避山谷中望見賊至投石壁而死 身氏 龍

唐叔武妻夫病篤婦嘗焚香願請身代及夫卒惟檢喪具而不

哭泣殮畢喪服拜其夫靈服毒自盡將死曰吾不負生同室死

同穴之誓矣其家 翟氏 芳卿新田嶺蕭明端妻年二十二歸

為合葬於蓋都坪 婦痛號欲絕者再殮畢擁女哭不止夜探服毒以殉時民國二

年二月初八日事也夫兄明補哀之以子良淑繼其後同日出

柩合塚塋焉 以上新株 烈女 張女 敬芳原任九江司知張光亭女許字郝某未嫁順治丁亥

及焉女以身蔽父曰寧殺我賊知不可脅遂遇害時年十五及

殮面如生偏沉巡撫題疏云舍生救父甘白刃而無辭罵賊白

身化青坵以不泯乾隆壬 夏女 丙午字舒徐修子問珍己酉

午色令陶金諧表其墓 烈女得風疾幾殆徐修中悔書約毀婚財幣既返同路人矣尋

奇雲往蜀烈女以疾留養於祖母石氏叔登雲常護視之年十

二疾愈字舒才龍問珍有叔曰鳩修利夏貧弱聳兄徐修以悔

盟控劉令之丑初讞得情扶之時乾隆丙辰四月事也邑人咸

嘖嘖稱神明云鳩修素猾悍豪橫里中既被扶則慙且怒謀翻

獄以蔑倫愬府然徐修與才龍故同姓不宗也府信之疑縣讞

不實且指其不合者數事劉令懼則改讞如指是日欲迫烈女

適徐修舍烈女呼天搶地不欲生令懼聽還叔家諭徐修以禮

迎羈登雲逼之烈女歸堅自匿先是鳩修志在得財慾懇許訟

及再讞過望遂思奪婚既而恐烈女不可脅欲解訟願倍得財

禮白於府縣不聽騎虎之勢既不得下日以抗斷脅令獄急株

連益眾里民不勝忿則執縣役羣扶之然莫如何也會登雲屢

懇不得直而令以拒捕白府則皆懼烈女奮然曰柰何以一女

子累叔父且蔓延鄰里乎兒請佳登雲既已無如何乃聽徐修

烈女

二十

冬仲以昏庸落職是月烈女自經其驗詳者則署任姚孔鑾也道光十三年旌 以上陶志 **賀女** 文娥夙

幼字增生舒吾性年十八尚未婚配值兵變為賊所擄姑向氏以女至孝哀丐女命言寧殺我母擄我媳賊不聽姑追至河投

水死女見姑沒亦奮身投河死越 **楊女** 菊音魯節婦之女幼數日賊退尸浮水而顏色如生

年十八入郡庠越二載道茂卒女往哭成服誓以死守邑人爭謀娶之兄勝萬知其志不可奪迎歸以拒求者又三年兄他出

從父吳強計聘胡氏及納幣女始知遂自縊死時年二十三兄聞訃歸赴告當事請旌未及而卒家人扶柩歸與菊音同日舉

殯鼠穴菊音棺中乃啟視之顏色如生 **郭女** 翠蓮署武岡州觀者驚異 以上並道光十三年旌

幼失恃端莊靜默以禮自閑字嚴性未婚有堂姊婿舒某者醉後語言戲謔女怒詈之而家人謂宜隱忍且左袒女忿甚不食

五日復仰藥死後旬餘其父由省歸啟棺視之面色如生邑人感歎歌詠詩多不能備載孝廉嚴成邀同入上書願請旌建

坊 **鄧女** 車頭人幼字武姓子未嫁武病篤求女一臨存女往武握女手一痛而絕女即治喪既葬請留事翁姑不

許遂不食病旬日卒於母家求與 **舒女** 救姑幼姑均明浙江婿合塚志竟不遂 以上齊志

女情歲貢養粹女順治初流寇牛萬才竄殺自志率族人及鄰鄉保守縣北龜山寨方遷徙時兩女以大患兼臨事不可知相

約自盡遂共縊宣統庚戌烈女族後裔以事聞湖南提學司使黃以霖賜額旌表褒以尙柱同貞四字並行文至縣取具事實

冊結 **劉女** 印順牌子出生員劉維藩女字嚴家妓周其照之報部 子長圻年十五圻故女聞訃往哭而慟即心誓靡

他尋歸居俛素服藩欲另字女思改適非其志 **呂女** 金蓮許而違命貽父母憂遂仰藥死光緒十六年旌

才年二十三完婚有期矣而才暴病殂赴喪葬畢留不去翁姑屢促歸不聽母來挽始行母為改字他姓業受聘矣女覺不食

乘閒告母往謁 **甯女** 玉碧崑脚甯志德女幼字劉姓未婚而才墓歸即自縊 劉故時女年十九立志守貞翁姑欲奪

其志父母亦密為擇配改字張某將納 **向女** 良玉槐子神向采欲送女往舅家女聞知夜深自縊死

六里有惡少造言誣讒女聞之不食遂卒三日心猶熱四日惡少發狂吐血死乃就殮 以上新採



貞女

張女

年十二許字向俊民未嫁俊民被兵擄張

舒女

閏璋向

妻未婚煌稱死舒往弔服斬衰三年稱未亡人

父母奇之不奪其志奉姑以孝聞六十餘卒

覃女

嗣音世

為贊帥侯養媳字其子世琦未婚琦故氏痛舅姑無嗣於己有

鞠育恩乃自誓不嫁終養舅姑外戚欲強娶之不從鳴之官邑

令田澤廣嘉其志斷歸賀氏撫

琦姓朝義為嗣年三十五卒

魯女

玉音舒登侯聘妻侯兩

氏于歸即侍疾逾年不少懈侯卒氏年十七與孀似張氏宋

氏同居怡怡無間今五十歲

以上陶志並道光十三年旌

徐女

鶴田屯女禮女幼適吳光乾年未笄乾墮父赴蜀十數年

勤儉紡織養姑貞而且孝

壽入十一乾隆六十年旌

陳女

清珠鍾毓宗聘妻未嫁毓宗

為毓宗後嘉

慶十七年旌

陳女

件珠張宗教聘妻教卒氏聞訃即往哭成

李氏

孝敬兼至丙午歲李氏病故翁又娶舒

張女

清秀舒必

年十七卒女聞訃即素服臨喪矢志守貞又五年歸玠

家翁姑偶有疾氏輒侍湯藥日夕不懈撫姪達錦為嗣

舒女

一音武朝獻聘妻未婚獻故氏麻衣徒步哭臨晝夜不絕聲送

葬後誓矢靡他及歸武門其得舅姑歡撫姪承祧卒年七十三

蕭女

潤蓮舒澤聘妻三歲適舒門尋歸蕭氏撫養及成人澤

姪為嗣以

守貞終

禹女

億修訓導禹漢之女向朝聰聘妻年甫笄聞

張女

靈龜趙大芳聘妻年八十歲

禹女

翠珠劉長純聘妻未嫁純亡氏年二十

舒女

巧秀馬嘉

卒衰經奔喪遂居堂家勵志守貞事姑最孝姑病侍湯藥寢食

俱廢後撫兄子之芳承祧卒年三十九

旌年

舒女

武某聘妻某年十六外出不歸姑以氏青年家貧

旌年

貞女

二二二

**陳女** 年秀張家煜聘妻年十七煜故氏守貞十四年乃適煜家煜弟之子為嗣又七年而卒 **汪女** 舒莊蓮

拔聘妻年十七未婚拔故遂適 **劉女** 舒壽謝爵發聘妻未婚拔家撫子守貞卒年七十七

血矢志守貞謝家迎氏歸 **譙女** 芝蘭向于寅聘妻年十五未無子承祧卒年三十七

卒年五 **舒女** 青珠何京仁聘妻年十六未婚仁故 **屈女** 宋

訓聘妻未婚訓故氏適訓 **賀女** 扇珠張承鏗聘妻年二十未家撫子承祧卒年四十九

卒年七 **趙女** 湘翠舒習欽聘妻年二十未 **毛女** 敬聘妻未

婚敬故氏對靈矢志逐居 **向女** 孝方舒國松聘妻未婚松故

序祭 **朱女** 居婿家貞潔自守事姑甚孝 **張女** 三蛟吉洪

婚璋故氏間奔喪逐居璋 **舒女** 蘭音雷盛權聘妻年十九未家紡績度日事姑至孝

無子開瑞 **劉女** 美娥賀承雋聘妻年十四雋遠遊莫知其鄉

邑廩生 **劉女** 姑以氏青年勸令改字女矢志以待及年四

十雋猶未歸乃撫姪昌仙為嗣紡 **黃女** 彭昭度聘妻年十八

織營生事衰姑盡孝現年六十四 **艾女** 歡珠舒澤植聘妻年十三植故至二

遂居度家立志守 **艾女** 十五歲遂適植家矢志守貞善事翁

貞現年五十一 **鄧女** 蕙芳鍾文煊聘妻未婚煊故氏年十五

姑以上齊志 **鄧女** 歸煊家撫姪學燠為嗣事翁故以孝敬

凡二十七人 **楊女** 謙模曾聘妻年十九未婚曾故氏奔喪

田肇薦女幼為同鄉曹榮伯養媳字其子世植未婚植故氏年

二十二撫子守貞時曹氏家業中落茹苦啖辛艱難萬狀晏如

也卒年 **嚴女** 月華武舉慶垣女向洪璠聘妻年二十將嫁璠

各以一子 **武女** 引弟塘下籬向志東聘妻年十 **毛女** 石娥

為璠後 **武女** 九束故女聞訃奔喪依姑守貞 **毛女** 羅傘

溪張家德聘妻年十五聞德故素 **賀女** 瑞蘭溪口昌信女劉

服奔喪撫子守貞卒年四十八 **賀女** 家渡胡作耀聘妻年



及笄未婚耀故適胡氏守貞撫子天又撫姪孫惠人兼祧李

女春英邑增生祖閭之女幼字鍾文煊未婚煊舒女重瑞章

格聘妻年十六未婚格卒矢志劉女頭武明揚聘妻年二十

二未婚揚故適揚家撫舒女紫雲赤泥鄉劉嗣述聘妻年二

貞現年謝女秋鳳梁均用聘妻年二十未婚用夏女立姬

沖舒培春聘妻年十八春故梁女發蘭思蒙向景順聘妻將

守貞子逝與媳以紡織自給見年六十以上新採凡十四人

右共四十五人均撫子守貞

丁女美音正明女幼受夏學程聘年十八將嫁而學程天美音

未嫁守節非禮也何自苦如此美音齧指滴血顯天自矢當道

交獎之資以金帛資約百金美音以所得積室獨居鬻田贖

勤事翁姑孝養父母鄉人名朱女冬香武臣女幼字李友吉

權娶侍病未諧合悉女即割股求醫靡不備至夫故泣血顯天

誓無他適萬曆九年翁姑欲改嫁乃削髮明志縣令郭凌雲聞

之令其翁姑給田贍女於母家女辭而陸女堯女音生員陸邦

日勤紡績以終其身有司旌之府志陳女論未嫁一

未嫁而一策殤太音同父佳弟誓死守節及陳女論未嫁一

歸毀容斷髮以拒求者有司旌之袁志吳女音許子鍾萬華未

論病篤臭穢不可近女至為條衾褥供饋粥焚香願以身代而

月一論逝女矢不二父母勸改適遂削髮與孀嫂同居以

苦節終萬曆辛舒女許字胡政將嫁攻死往弔極哀既葬歸

亥旌袁志吳女音許子鍾萬華未

嫁今六十五歲 **李女** 元姑憲章女字張性未婚夫亡誓不再適今

**唐女** 嬌鳳幼字易紹後未婚紹俊客死於蜀父母志嘉慶七年

弟守志笑言不苟出入必謹卒年七十餘 **劉女** 潤蓮庠生

字禹文純年二十未嫁而純 **張女** 倉珠文鳳女幼字翁春費

漸僕夫家以其形殘 **翟女** 麟蓮長榮女幼字王守炳炳外

**扶女** 祖壽字張明達年 **陳女** 鶴天陳經之女幼字艾宗到年

適卒年八十四 **向女** 愛蓮禮修女幼字田長聰年十九夫故守貞

**陳女** 掌珠庠生春茂女幼字嚴文壽年及笄未婚夫故女聞

**余女** 桂珠士光女幼字鍾某因遭冤誣 **鄧女** 俊秀士藻女

夫故 **曾女** 服蓮卓順女年十八未婚夫故守貞 **宋女** 幼字

轉未婚夫故 **鄧女** 鍾秀先麟女幼字向 **夏女** 碧娥萬進女

之子年十七未婚夫病篤女為調治不數 **劉女** 順桂星燦女

日夫故遂仍歸母家矢志守貞紡績自食 **劉女** 幼字向紹奎

之長子未婚夫故矢志守貞卒年九十已旌 **徐女** 貞武姓子未婚守

**武女** 許字舒爾謨未嫁謨卒 **向女** 許字翟天申未婚申故

**劉女** 許字舒曰志未婚志故 **武女** 許字向予錦 **劉女** 許

鍾允澎未婚守貞 **李女** 晚卿茅坪士程女字渡頭劉供金

七 **張女** 卿雲水東張瀏女年七歲為丁氏養媳字其子割之

區額 **羅女** 芹芳字吉家村劉之壽年十八 **頓女** 厚兒老

芬女幼字戴光仕未婚仕 顧女秀珠老屋場池飛女幼字李故矢志守貞卒年五十六

十六 張女竹秀後村麟碧女幼字同鄉胡立佳 舒女愛蒼崑未婚佳卒依母家守貞卒年六十餘

女字劉姓未婚劉 劉女培蘭長發女幼字黃世槐未故守貞現年五十 婚夫故守貞現年七十二 譚女

青蘭仁福女幼字賀洪縱未婚縱 向女蓮花下泉岸生銓三故家貧誓不再字現年七十四 姊許字雷某未婚雷

卒在母家守貞 舒女銀雲大潭岸生榮變姑未嫁夫故因現年六十三 父瘋母盲矢志守貞現年六十五

賀女松青許字野雞沖胡姓子 劉女彩玉許字向登堂年二未婚夫故守貞現年五十 未婚夫故守貞現年

五十餘 以上 新採凡十三人 按齊志載有謹克梁女春桃向世亨女桂蓮米大江女玉珠

覃大伸女金娥李克通女貞秀向世蘭女端方舒啟良女四秀張大庭女春桂舒先禮女蘇桂等九人新採舒祚逢女翠

玉劉某女玉柱黃綸世女圓瓊黃渡世女當秀東秀郭萬情

次女三女董正漢妹美金賀昌厥女桂秀荆澤攀女仲蓮文代瓊女雙慶舒達圭姊瑞雲張良欽女鳥翠張正位妹枝紅

張澤慶姊正秀五秀賀連元姑瓊蘭素蘭蔣長林女福金胡某女友桂屈世盛女守隆劉子孝女翠音向樂天女事孝劉

邵望女錫福雷盛廉女蘭芳鄭昌佐女賜桂朱大景女碧金李麟華女杏玉等二十八人並守貞而無他事實均附此

孝婦

文氏向伊傑妻隨姑謁墓徑溫湖潭姑失足墮水女躍入援之與姑皆溺死屍浮出猶抱姑不釋手 省志 吳

氏雙金王廷承妻幼爛內則于歸後夫婦相敬如賓姑病篤割勝以進姑病旋瘳及婦老其夫夢有儀從來迎婦婦亦預知

死期誠子孫勿外出 劉氏白蓮舒渙志妻家被回祿翁卧病人以為孝感所致 未出婦涇絮披身冒火進負翁出

俱獲無恙 以上 舒氏閔秀張蕭妻蕭家貧婦傭織於堂並道光十三年旌 叔文明家翁姑及祖父母俱賴以養

婦每飯必捨其半歸以遺焉明夫婦知其貧恆多與之後祖父母翁姑相繼沒婦典衣釵以葬終身孝思弗衰婦卒鄉鄰莫不

疏瀆以 **吳氏** 龍潭唐世繼妻繼以經商虧折家中落婦嘗

上齊志 現年七十六孫曾繞膝 **龍氏** 鶴田屯姜紹文繼室其翁因文

其第三子仙槎邑庠生 卒哭之喪明婦請醫治無效翁

欲食出入均婦供養扶持且慮翁百年後治喪 **周氏** 穎蘭陽

無資爰紡績積積投入地窖以備殯殮之用 安悅妻姑病口流涎沫極穢他人見之不禁

**孝女**

嘔吐婦與共飯數年姑乃沒婦卒年六十八 **周氏** 楊柳林黃

六歲為黃氏養媳成婚後家益貧翁亡姑 病氏不忍遠離傭近村以養姑姑以壽終

**義婦**

亦焚香割股和藥 以進母病尋愈

**賀女** 馥蘭幼聰慧有至性母病醫藥罔效女虔禱割股入藥母

服之頓愈見齊志清季有賀啟妻翟氏丹罕其生母病篤

宋氏 瑞英蓮塘國棟女年五歲為李之秀養媳未婚之秀家中

烈女不事二夫况育我等於生我乎義不可久居此遂逃歸夫

家以父意白姑姑匿之國棟往索女未獲訟之官女以實白得

釋後與李氏子 **朱氏** 朱灣鄉李士佳妻姪槐生三月而母亡

借老云 陶志 成入且為授室鄉里 稱其行誼 陶志 **查氏** 劉紹濂筵室也濂官廣西柳州分

年濂卒成所查斂 **李氏** 閩蘭劉次伯妻夫積學未售憤激遠

骨萬里歸葬於潑 **栗氏** 全姑唐意桃妻夫愚憨不通人道

千里扶夫柩歸葬備 歷艱險年近九旬卒 上齊志二人 新採一人

海浦縣志卷二十五

五行志

災祥占驗

五官百骸主於一心心有不適則起止容顏失其常度人者天地之心也天地乖盪之氣見於太虛形於萬事萬物以成災禍豈非其心亦有以致之乎古者三公變理陰陽所以爲變理者卽此人事耳雖天道玄遠其徵應若何不可盡詳要之妖由人興未容以偶然者度外置之也若夫水旱禽蟲之變已成菑害事屬顯然更無待言矣前志載有占驗亦一時



利害所關附錄於後

宋

真宗咸平三年十月縣民戴昌蘊家牛生二犢宋史五行志

光宗紹熙二年三月常平倉廩牆壁爲羣豕所穴食穀五十石

豕食人食近豕禍也文獻通考

明

天順三年大旱 七年大水

宏治二年民劉畱家產一牛獨目金精紅光滿欄

正德十四年蝗

嘉靖二年大饑 二十四年慶雲見鎮寧司產雙頭馬

萬曆七年黃烈家生芝一本 十年屠豬遍身印文滿城皆火

四十一年久雨溪水暴漲入城公私宇舍盡圮

天啟四年六月初七日黑風自北起掀天震地下雪珠如雞卵

途人顛仆房屋破毀自午至申方止 六年六月六日酉刻

地震屋勢如傾民驚懼至亥時方止

崇禎六年四月初九日驟風猛雨內有雪雹如珠六月初六日

地震十月十六日復震 十四年五月初六日烈風猛雨驟

作次日河水漲民屋漂流禾盡淹沒濱河居民溺死萬計嗣

亦頗有水災但溪澗稍長一時較前稍異

清

順治十年大饑人相食

康熙十八年大旱民饑 二十二年四月大雨如注平地水深

數丈民號哭登山其倉皇不克奔避者夫妻子母連結而死

牛犬雞豚房屋倉箱蔽流而下知縣潘眉詳請借麻陽倉穀

貸濟 三十五年大旱 四十五年旱 五十三年大有年

五十九年有年

雍正元年蟲害稼 六年旱 七年大旱歲饑 十三年大水

六月旱

乾隆二年大有年 七年旱不害稼 八年大有年 十五年

六月大水 十七年黃茅園劉某家產一牛角長寸許八足

不能行前二足出腿旁後二足出乳間五色爛然時有黑雲

一片滂然而起俄雷電大作雨如注以為不祥棄之越明年

旱歲饑陶志補遺 十八年旱蟲民饑入山採薇蕨食之流民入

澗者眾咸力於山明年秋熟乃歸貧民食泥曰觀音粉瀘溪民謂

之佛粉 十九年二月二十七日西門火燬官民店數十間八

月二十六日南門外又火燬官民店百餘郭外蕩然其歲有



年二十一年春積雨思蒙村田被淤二百餘畝垣圯是歲大有年  
 二十一年有年是年覃村民家產一豬三日兩喙數日而斃陶志補遺  
 二十二年六月旱既而大雨不害稼  
 二十三年四月旱不害稼是歲有年  
 二十六年大有年  
 二十七年大有年以上俱見陶志  
 五十三年大水  
 五十四年水尤大衙署深數尺文卷多漂沒

嘉慶十二年大旱民饑高田無水可救者小苗槁萎七月得大雨苗出稻孫秀而且實穀收反過於平歲  
 十九年旱  
 道光十二年大水秋霖禾生耳  
 十四年二月初九夜雨如墨

池水皆黑夏秋冬旱  
 十七年元旦約四更時忽東南如晚霞映日火光灼天少頃復暗暗又復明如此者三天復昏黑踰時始曙是年楚南各屬豐收每穀一石價止數百文沅江臨湖一帶水潰堤塌斃數百人九十月之交連旬陰雨長沙水溢至城門  
 二十八年山中桐樹結子形多如刀豆  
 二十九年己酉歲大饑升米百錢道殣相望小麥一石價至八千餓斃者甚多龍潭山中出佛粉食者多死  
 咸豐元年水東張姓一塘底土忽沉尺許略略有聲一時乾涸魚盡死異日盛水如故亦無他奇  
 三四年間大有年邑之龍潭穀三石得錢千文農人病之是年山中茶樹生枝其形

若關刀小兒多取爲戲又各都山上生大黑毛蟲食松葉幾  
盡月餘始息又茅坡頭塘水忽左長右消右長左消掀簸一  
時乃止同日東象沖田水亦然 九年城東寡婦橋嚴姓牛  
生一犢五足一足在前胸中觀者甚眾又清江屯李姓店龜  
生十豚中有四目四耳者三四未幾皆死又柳溪山忽崩塌  
洪水暴漲漂沒田廬居民甚多其地出蛟水腥臭 十年崑  
門鄉舒某家竈間熱水罈內忽長一花細莖在底瓣酷類菊  
水愈沸愈鮮其家以爲不祥淨滌其罈夜間復生如是月餘  
方止 十一年各鄉雞多翦翼

同治元年有熊見於杉坪沖之後山又四面山後有紅毛人有  
屈姓者見之又四都老屋園武嗣立家牛生二犊俱存 三  
年六月十一日開天門人多見之是年五月離城三里艾家  
沖張姓堂屋內忽裂一孔湧水上浮其家恐疑爲龍出每夜  
焚香籲天求其善去翼日大雷雨溪水暴漲其屋左廂沈陷  
數丈隨出白色大蝦約數石居人神之不敢食盡送溪中又  
一都龍潭大水漂沒民廬數百家田十數頃死者百餘人  
五年三月中忽出狗熊攫食小兒以舌刮面皮皮卽脫夜宿  
荒祠古廟旁居人持火器捕之不得一秋盡無踪不知所往

是年九月城中文星街火延燒鋪店五十餘家 六年五月

十二三日大雨十四日雨丫坪有山崩裂湧泉噴激洪水泛

漲漂沒人畜甚眾水腥臭著體即生瘡疥此山有寺月初旬有老人至謂僧曰

此不可居宜徙他所如是者再僧心動徙之去免於難 七年二五都大水橋江一帶

壞田數十頃 八年四月三四都大水離城四十里墳塋鄉有橋名金坡跨穿崑

界水道光四年修亭欄周而百步有奇兩岸民居十數家是月二十五日辰刻雨如注忽四山沈晦橋頭霹靂一聲溪水

陡漲屋多漂蕩橋旋傾倒在橋觀水者皆墮去救全者僅三人據言橋未倒之先見濃雲如墨撲橋而來又有大石約丈

餘由橋西飛騰而東山隨崩挫壅水橫流泥沙雜下 田廬被災者五十餘鄉經報明

申詳豁免征銀騰黃見賦役 九年二月初九日夜雨亦如墨池

水皆黑是歲有虎自橋江市後山走至渡頭鄉鄉人逐之虎

躍入蔬園為眾所斃十年有鹿見於竹坳後山復走入大溪

口山中不知所往以上舊志

論曰事之最異者非淺陋所能知不能知即不必言請但言

乎水災同治五年怪獸見攷占驗書云主兵亦主大水及六

七八等年一二三四五都漂沒田廬無算至人則有強壯素

善泳游而死者有老弱素不善泳游而不死者有停柩將葬

棺蕩去立弔客以殉者有本同居忽以事故偶出比反而一

家已為波臣者有浮於洪濤得大樹登之方慶更生而樹遽

仆者有夫援其婦同歸於盡者有夫不拯其婦為他人所拯而遂以為家室者有水衝房宇將摧懼移他所而他所偏倒以斃者有一家被壓一縫工同壓獨在空處越三日掘出而猶安然無恙者最奇者一婦人為水冲沙擁瘞倒埋其身首下足上如植木然真不可思議矣夫一魚腹之葬固有命存特造此命者其位置亦殊費苦心理乎數乎其誰知之舊志原文

光緒元年五月一都老巷塘山崩壓斃居民數家過客四十餘人山先十餘年已裂尺許長約半里屬近居民多疑想遷徙此數家見其久裂不崩因循中止遂罹害山崩時濁流四溢其氣甚腥 二年一都八水漂沒田廬無算遂饑 三年朱家

村牛生犢一身二首未久即死 五年五月十二日地震一都較甚自酉至次日辰刻始止 七年痢疾人多死 九年九月有豹至橋江旋至望鄉坡鄉民共擊殺之 十年五月有虎至五都小水田鄉人擊殺之 十一年五月大水知縣潘恭 十二年四月地有聲號號然如雷震池魚為之驚躍或見將發聲時有光一區以為天狗墮地 十四年泥湖碾房水機輪中見怪蛇蛇大約圍尺許長丈數尺而突無尾色黑夜上蟠蜿蜒溪岸柳樹枝柯閒望之有光或由樹墜地散作數十節旋復合成一體若所謂肥蛇者然或欲捕取之屢不能得幾浹兩旬有客過此用布囊裹以去客異縣人也莫解其故

十六年三月一都雨雹大如拇指間有大者如雞卵摧殘

樹木葉殆盡四月復大風飛瓦折木 十八年春痘疫人多  
死七月一都雨雪禾多青空 十九年饑 二十一年夏大  
旱高田俱無收遂饑九月十六日雨雪約積深二寸是年又  
嘗大風屋瓦皆飛合抱大木亦摧折 二十二年四月十八  
日夜五都陽乾塘合姓屋後半山有石跨屋而過飛落陳姓  
麥田遠約三百餘步石高三尺闊四尺有咫 二十五年七月二十一  
日驟寒三日始解一都較甚是年歉收 二十六年大旱饑  
二十七年蟲食桐茶松椈各樹葉殆盡 二十九年蟲災  
禾盡萎蟲極細而色殷紅棲集禾梢一夕禾即死如 遂饑  
被火毒者農人謂之火蟲蟲得大雨可解

三十年春夏間三五都各鄉有獸狀如馬而小毛色黃人謂  
之馬熊乘間出伺捕食小兒或見之驚仆以舌括其背皮卽  
脫 三十一年蟲害稼是年又嘗大風三四都各鄉當風隧  
者樹木祠宇多被摧折 三十二年夏旱斗米千錢時尋常  
二百餘文 三十三年二月廿五日夜大風捲地自東南來拔出  
合抱古木甚夥屋宇牆壁尤多傾圮三月二十三日洪水陡  
漲數丈各溪流域屋宇田土堤壩多被衝壞人民亦有溺斃  
者曾經振卹並  
蠲免田賦 是年一都夏家村山土桐油樹生枝無葉其  
末廣薄銳上似刀劍五都油洋澤溪各鄉亦然



宣統元年饑是年八月十五日三區雍和團劉生槐夜行至朱砂堡忽聞空中有聲甚烈驚視則碧天有痕劃然中開一片金光蜿蜒西向而滅時他鄉人亦有見之也但未見有金光二年一區夏家村農家彘生四豚皆八足二首二尾須臾皆死又二區溪口賀成桃家亦彘生四豚或三耳或四眼雙嘴狀均奇怪三年二月初九日雷震皇殿焚其柱三月初七日風雹堵堰崙洞坪一帶桐茶樹油菜大小麥俱損傷陳林坪張某家彘生六豚皆兩首四目二尾逾數日皆斃是年蟲害稼禾生蟲如蠶而小吐絲網其葉成結禾穗不能上農家謂之包蟲

民國

元年六月以後紀月用陽曆大水縣署水深八九尺案牘盡濡毀歷年大水

縣學校止深一二尺此次深一丈二尺屬所未有也各區水湧山崩房屋祠廟亭橋多

被漂蕩棟宇器械男婦老幼一時蔽江而下知事羅俠察勘請賑並蠲免災

戶田二年一區大水又痢疫死人無算童男女是年饑米

斗錢一千四百 三年三月大風均坪及麻陽水一帶雨雹

四月又大風雹五區黃潭各鄉油菜大小麥皆傷五月又大

風雹三區漿池灣觀音閣五區溫里二區泥湖各鄉樹拔屋

倒林鳥多斃人亦有被擊死者六月大水較元年水度稍低曾經賑卹並蠲免

田九月又大風雹二區小橫隴秋收較遲禾未穫者俱無收

四年四月一區黃沙鄉山崩涇沒田土甚廣人多溺死

徐錦為請賑卹六月大水七月又大水徐知事以一區迭請賑卹是年蟲害

稼又一二區界山背鄉民張上祥生子無大小便數日死

五年三月三區西北一帶雹害油麥六月一區大水米翔

貴升錢百二十七月旱歉收遂饑三四區沿山各鄉鄉民採

野卉充饑有撲撒小木生田塍謂之甌算樹取其葉用冷

以食之謂之觀音膠是年五區平笄山巖先攀家黃牛一胎生三犢後

牛死心如蓮花分八瓣六區馬田坪有異鳥大如鵲色五彩

飛集梧樹鳴聲清越而遠聞 六年五區渡頭黃潭望鄉坡

莊坪諸鄉毛蟲食松桐茶樹葉皆盡三四區閒饑羅傘溪竹

花結實居民采以供食 七年春一區紫雲宮館人畜彘生

豚八其一後二足從背出嘔不止館人惡而殺之四月大風

自西而東發屋拔樹雨雹大如李尤大者如雞卵三區均坪

鐵溪隴吉家村四區低莊一帶油菜大小麥皆無收六七月

大疫病人多死一區較甚有一家皆殲者十月水東張姓家

橘樹開花尋結子成熟味與常橘無異惟形體畧小是年米

翔貴三區及六區竹有實鄉人采取以食竹實形長而尖磨粉作糝味殊可口

或亦用以釀酒

前清末葉四區雲霧聖人兩山脈閒野家害稼野家向亦有未嘗為害蕎麥包穀諸穰糧多被殘食又自民國元年以來四區東境及東北境多虎前後噬食約百餘人樵蘇絕採近山田土皆荒四五兩年閒竝害及五區油洋各鄉曹坡鄉嘗斃其重三百餘斤被噬死者十餘人

八年六月二十一日三區各溪水暴漲是日雨不甚大一區河並未發水溺死人民衝壞田土屋宇無算扶家溪一派尤甚沿溪龍角橋齋公潭橋三拱橋椒板溪太平場諸橋皆毀折觀音閣橋亦有損壞城東

廣福橋初工竣所費約萬餘元竟一洗蕩盡八月二十一日三區絲茅坪紗帽腦

一帶雨雹九月水東字紙爐江岸桃樹開花未周月結子成熟形體小如楊梅亦可食

九年六月初旬早晚間日色殷紅異常驟熱六區田中魚及鱖鱔皆死十八日大水較元年約低二三尺秋大疫人死無算自四月漸及各區一鄉死十數人或數十人甚有死過強半者

十年夏饑旋久旱秋收復大歉時湖南諸縣皆荒二三月來至升錢百七八十文旋經兩月不雨遂漲至二百七八十文或二百餘文流民紛聚多成餓殍因旱農收歉薄甚者或至顆粒無有

占驗

日 日頭出早暴晴難保 日頭送夜久雨方罷 日頭當中

現三日不見面 春丙陽陽沒水作秧夏丙陽陽乾死禾娘

秋丙陽陽曬穀進倉冬丙陽陽無雪無霜 東榜日頭西榜

雨榜者謂日脚也

月 月亮堂堂火燒茅岡月亮生毛毛者謂微雲薄霧掩蔽月光望之蒙蒙若有毛然

雨落明朝又云大朝暈長江水夜暈草頭枯 月亮帶緣去聲

無水洗面 明月照溼地明朝依舊雨 夜暈若闕俗謂之

放水亦主雨

星 星子稀挖塘基又云乾星子密雨滴滴 星子閃灼俗謂

星睜眼主雨

風 春南夏北要雨就得 五月南風漲大水六月南風井也

乾 冬天三日大風俗謂之炒雪 四季不宜己卯風 五

六月間禾苗吐花風多害稼七八月間禾苗起蟲得北風三

五夜則蟲自死 狂風折大雨

雨 春社無雨莫耕田秋社無雨莫進園 足不足但看五月

二十六 飯前落雨出門擔柴飯後落雨好撻草鞋 望雨

莫望東邊雨沒飯莫望郎合女 四時不宜甲子雨 春無

三日晴夏無三日雨 久雨逢庚晴久晴逢庚雨 丙穿丁漏 十月雨連連高山也是田 前月落了二十九後月傘 欄不離手 春不濫路冬不溼衣

雲 雲走安花蓑衣高掛雲走辰谿快著蓑衣 安化在縣東烏辰谿在縣西 烏雲穿河大雨滂沱

虹 東虹日頭西虹雨虹在南方主大水 虹見於南止半截 俗謂之綯船樁

河漢 久晴後忽聞空中作風雨聲俗云天河翻主雨 六月去打水價七月去打米價 按此即楊升菴詩所云米價問天河也

雷 雷初發聲響甚俗謂之炸不響謂之隱雷聲隱歲多病

正月雷打雪二月雨不歇三月耙乾田四月秧上節 雷打冬十個牛欄九個空

霜 先冬無霜來年大荒 霜撻平地雪落高山 清明斷雪 穀雨斷霜 十月無霜確窳無穰

雪 雪不落雪還在 雪不融雪等伴 雪上樹有棉花 沙雪打底安排柴和米 冬雪一百二十日後春雪九十日後 均有水漲 俗謂之雪水轉身

正月 元旦先聽得雀叫雞畜旺先聽得鵲噪鴨畜旺先聽得



狗吠歲大稔 元宵宜月明主麻麥茂 立春宜晴雨水宜雨

二月 驚蟄寒秧打團驚蟄暖秧起坎

三月 清明要明穀雨要霖

四月 立夏不下高田放罷小滿不滿芒種不管

五月 二十日謂之龍會宜晴二十五日謂之分龍宜雨 夏至在頭邊喫邊愁夏至在中邊喫邊鬆夏至在月尾禾熟米價起 夏至逢端陽貧富少口糧

六月 六月六日陰牛草貴如金六月六日晴牛草要不贏

小暑雨多鼠大暑雨多虎

七月 立秋雨謂之順秋秋季雨多 立秋漏有蕎豆 處暑

若還天不雨縱然結實無幾許 麥奔小滿禾奔秋

八月 中秋月不明雨打上元燈 白露無雨百日無霜主蕎

九月 重陽前多北風則穀賤多南風則穀貴 十三日宜晴

霜降有霜主穀貴

十月 自初一至十六宜霜俗謂之一斤霜主來年豐稔 小雪有雪主穀賤

十一月 以初一十一二十一占次年穀價肉價風打戩秤雨打升斗

十二月 除夕大風竹茂有星木棉盛

初三落雨十三晴十三落雨沒路行

七晴八不晴九裏放光明七落八不落九裏雨滴石

四月八日晴打鼓栽茅坪四月八日下高田又放罷

山 盧坡霧鎖腰馬田沒柴燒盧坡雲封頂馬田乾斷井

水 龍潭水謂之蒿菜水先發主歲饑 三都四都水謂之米

湯水先發主歲豐 激水支派之較大者皆西流或西北流

惟麻陽水南流先發主大熟

草 馬絆纜大水草發黃主大雨 苧葉翻主雨

花 桃花蓼花盛主水 檇花牛頭花盛主瘴 桐油樹先開

花則漸暖先抽葉則雖暖猶寒諺云貧人莫聽富人哄桐油

花開方下種

下種者種秧穀也

禽 鸞上宿晚主雨 鷺鷥羣飛主雨且大水散主晴 夜鵲

子鳴占晴雨云一鵲晴二鵲落三鵲四鵲起土末

言人晴多塵埃按起

土未三字當作大水過夜鵲本水鳥故又有云三鵲四鵲漲大水之語

獸 狗吃水主雨貓洗面主晴貓占課主雨

以爪過木占課

蟲

蚓架路主雨

蚓俗名苦蛇

青蜓羣飛主雨俗云蛤螂求雨

蛤螂青

蟻

蝦蟆社前叫秧穀要兩到

澁浦縣志卷二十六

藝文志

藝文

語云德成而上藝成而下藝與德判矣然文以載道勢不能無且千古來用傳事業見性情規文化亦莫不於是乎在庸得以其末也置之乎澁雖僻壤作述無多但鄉先正所詒留人知有其書從而讀之以致其景慕而霑濡其餘澤要未始非後進者學行之一助茲校舊志所錄附以新採悉著於編

經部類

周易疏解清向雲翹著見省志

周易便覽三卷向德星撰四庫全書存目

周易捷

解省志作周易明

易經捷解張文

尚書心解張嘉

詩誼

毛鄭合解張嘉

三禮辨張嘉

春秋五傳考

五經解並張嘉

春秋便覽向德星撰省志作集覽

春秋周禮彙典孫錫

檀弓庖

廚劉紹

四書融參向德

孝經刊誤湛清

四書本文注解

大學中庸便覽並向德

四書句解

孟子纂要並張嘉

大學中庸直說張嘉

大學句解張文

四書捷解舒有

十六字母詩韻向德

以上二十二種並見舊志

穀梁賸室四卷舒立

史部類

平寇紀畧明張士

孝子傳二卷清湛

水經補注八卷 讀

史管窺六卷並舒奇

史記贊竅向世

三省邊防備覽十四

卷 苗防備覽二十卷

洋防輯要二十四卷並嚴如

以上八種並見舊志

康熙溆浦縣志二卷長洲袁丕基監修

乾隆溆浦縣志二十卷

南城陶金諸監修無錫楊鴻觀纂修

同治溆浦縣志二十四

卷 介休齊德五監修縣人

籌防襟著一卷舒其

部子類

筌游錄明鄧啟撰

慎齋寓言清舒弘撰

洪範圍說四卷舒俊編撰四庫

全書存目先正格言謙濟撰

老莊別言

性理粹言

並劉紹濂撰訓子錄二卷向德星撰

南華心解張嘉詔撰

地理粹言向德撰

政撰勸孝文舒有光撰

居家五要

地理神會舒有光撰

鄉俗通

政撰放園襟記舒其鏞撰原書二十一卷付刻六卷

以上十五種並見舊志

潛園襟志一卷

農餘贅筆八卷

古名偶並舒其鏞撰

楚南硯

材說一卷舒其鏞撰

古今姓氏錄一卷艾作模撰

元代通釋二卷劉生撰

棟撰代數紀聞四卷

平面幾何紀聞四卷舒鴻鈞撰

醫學求

是錄二卷 本草求是錄二卷 醫方求是錄三卷並舒立撰

集部類

兩都艸

少谷詩存並明鄧啟撰

竹香詩集張士亨撰

蘇村詩古文

八卷清向德一撰

惹雲堂詩草

仁育堂詩草俱舒弘訓撰

戰雪詩

存謙梅撰

漱六堂集向淑俊撰

省心齋吟劉紹濂撰

離騷直解 三

唐詩說俱張嘉顯撰

聖常詩文全集向德政撰

是亦編文鈔向肇撰

求心齋文集二十卷舒曰璋撰

約齋信手拈詩文舒才博撰

孔懷堂

集二十卷舒奇超撰

樂園詩文集嚴如煜撰

竹根齋詩集六卷 又



晴雲舫詩集二卷舒正 蔓柯堂詩集 碧樵文集並舒正

石門文鈔 晴峯詩鈔並鄧大猷撰 仙舫詩古文全集 憫忠

艸並嚴正 勿自欺齋文集劉肇璧撰 松桂軒詩文李世璧撰 廊西

詩文存舒其鏞撰 聽荷雨山房詩存黃樟世撰 竹莊詩鈔六卷舊志作種

菊山房 竹莊文鈔一卷並舒其鏞撰 粵西游詩草舒貞元撰 顧齋

詩文李品造撰 託竹筠山房詩文集謹瑤撰 蘇橋文集二卷舒夢齡撰

筠峯詩存舒其鏞撰 綠猗軒詩文四卷舒燾撰 受菴詩文嚴咸撰

宛在詩文集張世昌撰 淡如也圃詩鈔劉士先撰 鶴舉文集孫錫齡撰

以上四十一種並見舊志

谷口三張遺稿三卷明張鎮卿暨其子文晉文觀撰 櫟樵詩存一卷舒正域撰

觀我軒詩鈔一卷舒其鏞撰 葵峯詩鈔一卷並舒其鏞撰 小西山房

詩二卷舒夢齡撰 水竹山莊詩草二卷向紹湘撰 伯常遺箬一卷向師

潛園文鈔二卷 笈雲樓詩鈔二卷又別集一卷 史漢

襍詠一卷 咸同匪亂感事詩一卷並舒其鏞撰 叢桂軒詩文集

武正培撰 鏡心書屋詩集一卷 讀兩漢書襍詠一卷並舒立

渾甫詩存一卷劉紹業撰 抗心齋詩存一卷艾作模撰 梓華山館詩

文集四卷舒立濬撰 藉園遺稿一卷劉世鯉撰 竹園襍編五卷周在曾撰

瑞堂遺稿一卷沈隆炳撰

澁浦縣志卷二十七

雜類志一

古蹟

杜元凱注左傳酈善長注水經多引故城故亭至敘述往迹酈氏更兼及津壘祠宅由是元和郡縣志頗涉古蹟蓋一以證地望一以資憑弔也名賢坵壟亦足動人觀感為附錄焉郭璞傳山海經已言巧倕葬不距舜與叔均葬蒼梧矣

義陵故城今縣治南數里龍堆隴下

龍堆積雪為一澁入景之一

案漢義陵城舊志云去縣治二里

一作三里

其所在或謂為

今茅坪去縣治五六里茅坪有招屈亭縣人爲義帝發喪處也或謂爲今梁家坡去縣治三四里以其地尙有城垣遺迹也攷舊志紀龍堆關在縣南十里意關必與龍堆相近故以爲名今以地勢審之漢義陵城似當以在茅坪爲確梁家坡之城蓋爲唐時潯浦故城唐距今較漢爲近故猶存有遺迹且府志謂漢城在龍堆隴下今梁家坡城池遺迹則在平岡最高處非隴下也

諸葛城縣南一百二十里相傳卽今龍潭廣福寺地址

案據舊聞以此爲諸葛孔明所築蓋因水經注亮率諸蠻

所築而云然攷孔明於時並未至潯無由有此故辨者謂亮爲良字之誤先主至秭歸遣馬良出撫蠻夷良率蠻築此城傳寫誤良爲亮遂以爲諸葛城然亦屬臆度之詞其確爲何人所築究不可知第相傳有素必舊有城則無疑大抵縣境素患蠻夷而蠻人巢窟實據寶潯之界觀明清以來寇掠寶潯者皆兩縣界麻塘山嶺也有此城則潯與寶得前後相攻守矣 又攷水經注序潯原文云水出義陵郡義陵縣鄜梁山西北流逕義陵縣王莽之建平縣也治序潯其城劉備之秭歸焉出五谿綏撫蠻夷亮率諸蠻

所築也所治序谿最為沃壤良田數百頃特宜稻修作無廢審文意所謂其城蓋指義陵城而言蜀漢所築殆就西漢遺址酈時其城猶存故據以言之古義陵縣治固不在龍潭何得強為牽合又謂所治序谿最為沃壤漢義陵縣城應在今茅坪附近茅坪在澉水左岸其右岸為溪口水東左右皆廣野平原膏沃宜稻情形頗覺相近如移之龍潭則殊不符

車靈城縣南一里吳叛將車靈所築此本元和郡縣志所云縣南一里當指唐縣而言

盧城縣南二里

案據邑中故老傳聞謂義陵城在今縣南龍堆隴唐縣亦

在澉水左岸宋時乃北遷右岸舊志載學宮為宋建殆即遷縣時所建也絕無

所謂盧城此盧城當為唐城之誤唐盧形近因誤嘗見元史地理志辰州路改盧

溪郡之盧誤作唐亦以形近故也讀史方輿紀要稱志云今縣東今志作縣南

二里有廢盧城未詳事成亥豕固宜不能詳也陶志直謂

今縣治即唐縣故址殊未確元和郡縣志載車靈城在縣

南一里而相傳謂車靈城在宣陽江口澉水左岸去今縣

治約五里許矣唐故城在梁家坡距宣陽江則不過里許

也但舊志相沿已久姑仍其舊而辨識之又縣人張氏

相傳謂其二世祖鶴老公墓在縣治西楊家坪者為遷修  
縣治避地改葬察鶴老為宋末時人張氏所傳雖無確據  
必遷縣適當其時因而云然

洛陽城縣西門外明萬歷時知縣楊萃所築萃洛陽人也因以  
為名明末毀於兵燹

江口驛在大江口明置清廢見省志

白霧驛縣北六十里宋置元廢

鎮寧司縣東北六十里宋之懸鼓砦也元置堡明改置巡檢司

清初廢今其地有城隍廟相傳即巡檢司署

招屈亭縣南五里許相傳縣人縞素哭義帝處即此亭經屢修  
今亦圯廢

明月橋荆政芳故里往時夾溪植桂清秋月夜桂影扶疏足供  
賞玩為散入橋西有危壁題刻桂坊秋月四字

石將軍營故壘縣南一百二十餘里明總兵石邦憲征猺時營  
壘也

大觀樓縣西泐波祠前後改流芳閣見省志遺址即今財神館

惜日軒在縣城內宋主簿郭夢授建見省志

優學齋在縣署內清初知縣袁丕基建



洗心池在儒學署後

望遠樓在縣南一百二十里前清諸生譔梅建

三土堂在縣南一百二十里樹山坳前清譔思棠譔萬芳譔瓊

林先後延譔守淮教習騎射技勇於此三人均成進士遂以

名今譔氏就其地建為祠

厓門石壁刻字縣東三十里文云雲蘿主人舒巡檢兄弟四人

開砌此路經月餘畢功時延祐四年歲丁巳六月吉日記延

祐四年為元仁宗在位之六年此石刻之最古者

紅旗山石刻在縣東紅旗山文有義蓮塘孝感橋六字

仙人崑在縣東紅旗山山右峭壁壁中阿曲長約四五丈距平

地一十二丈餘離山頂約三四丈盡處有磚砌成牆垣高八

九層形似崩塌一截者然離此二丈餘亦有磚兩三層遺迹

似兩相聯屬之狀以其地為人迹所絕不能至鄉人因呼為

仙人崑或致禱祀名曰白鶴仙人

通仙里古碑在通仙洞口路側明嘉靖六年丁亥仲秋月立其

文前多漫滅後有聖恩寬大尙有慈悲之心佛法無邊難免

沈淪之苦闕數夏月施茶三月再欲培砌官路以便闕數僧

洪喜洪倍明惠請勸首李正傑持闕募化鄉邦銀布米糧錢

文資助完成同修福果共結良關數財眾信生前除災否之  
厄沒後免沈淪之苦關芳名關各關鑄留傳為記云云略  
具立碑之事

平園界碑在硃砂溪平園鄉碑有二一書沅陵縣界四大字其  
左書明萬歷十三年正月八字一字迹漫滅且斷毀疑亦古  
碑也

泥溪沖古碑在縣北二十五里泥溪沖不知建於何時碑面字  
多殘闕不可識其陰有八字云崇禎四年地皮轉動

大潭水中刻石縣北數里大潭雍正七年大旱鄉人車水潭竭

有石刻云雍正七年車水至此

中渡橋下潭中石碑在縣東三十五里崑江隴雍正七年潭水  
竭有碑刻大水石三字

楠木洞石壁題額縣北十五里楠木洞口左崖題曰楠木洞字  
大尺許旁識崇禎甲申夏閩輪山林龍采書

烏龜潭石刻在四區洞底屯今年辛酉夏秋間大旱車水潭涸  
見底底石刻有乾隆四十三年自五月至七月不雨十餘字  
又柞子潭在四區下朱灣團亦於是年因旱車水見底底石  
鐫有成豐七年數字案舊志災祥不載乾隆四十三年及咸豐七年大旱蓋當時採訪偶疏漏藉此

足備補遺

塋墓

元

義士向良嗣墓在仙人掌杉木坪府志

至正進士薊遼總制張鎮卿墓在水東村後葫蘆形

明

洪武進士監察御史祀鄉賢祠夏銘善墓在縣東清潭籠府志

永樂進士山東提學副使交趾僉事祀鄉賢祠荆政芳墓在仲

夏鄉仙鵝形府志

義士覃希淳墓在城西五里盧家橋府志

義士唐元宗墓在黃茅園後兜狗園

石公子墓在天星塘石公子即明總兵邦憲之子邦憲所戮以狗軍者也自龍潭司趨麻塘山有二道一

路近而平然至山則斗絕不可上一雖險遠而軍行可通邦憲紆道由此至天星塘以軍法戮其子遂葬焉府志載墓在

營盤山誤

萬曆進士雲南布政使祀鄉賢祠鄧啟愚墓在文家塘今稱明家塘府

志作文佳堂

四川富順訓導李昌墓在青洞溪其門人雲南巡按劉之隆嘗

過澈拜墓為之立碑府志

九世同居黃奉翠墓在焦溪府志

萬曆舉人禮部郎中贈禮部侍郎祀鄉賢祠舒高崑墓在金鞍

山府志

萬曆舉人浙江處州府同知加僉事銜舒自志墓在鳴鳳溪府志

崇禎貢生九江府同知兵備僉事張士亨墓在思蒙紅花園府志

義士謀會桂墓在葛竹坪陽雀沖

清

康熙舉人江西新城知縣舒弘訓墓在羅家山府志

浙江處州鎮總兵追贈提督世襲騎都尉加一雲騎尉諡忠節

鳳凰廳鄭國鴻墓在大江口原在澉水右岸後遷沉水右岸

澉浦知縣雲南王宏曾墓在縣東雲洞山左麓府志又縣學訓導

武岡張經鎔墓亦在雲洞山左嶺又原任知縣直隸徐東禮

墓在雲洞山後支嶺

陝西按察使加布政使銜祀鄉賢祠嚴如煜墓在青竹隴省志

通政司使嚴正基墓在青竹隴其父如煜墓側

太倉直隸州知州升任淞江知府向柏齡墓在慶山卧賢岡舊志

記名提督賞穿黃馬褂武明良墓在搭橋坡

提督賞穿黃馬褂署理湖北宜昌鎮總兵劉鶴齡墓在江弦村

烈女張敬芳墓在統溪楊家冲乾隆壬午邑令陶金諧表其墓

案舊志載烈女墓在桃子冲現察烈女致命處為桃子冲

葬非其地也

義婦冢全州知州舒繼周之女舒考姑也墓在桃谷府志

唐貞女墓在白崑橋

梁烈婦瑚璉墓在二區洞腳

義塚附

縣置義塚三一在學宮後桃谷口一在和婆冲清邑令林龍采捐俸置

一在毛家橋清康熙二十四年奉文料理收瘞邑令袁丕墓捐置東西七十五步南北三十五步東至溪坎

西至田界南至大路北至山足

四區各義塚一在鎮寧司王姓屋下大路邊鎮寧司六合團居民置一

在鎮寧司大櫟坳燕子嶺六合團居民舒興華馮開龍請開泰倪展奇等於道光二十九年置

一在四家塘大溪左岸長冲口新莊清禮陵訓導劉立端置一在牛溪

坡分叉路武昌壽置一在高莊羅家坡下朱灣團公置一在老屋圍鍾家

坡暨虎形地均武昌姓置一在搭橋坡上低莊團居民置

寺觀

他邑寺觀多據名勝逸士騷人游觀於此頗得藉以休憩住持者又往往有瑰異之士逃託其閒如浮屠文暢道士彌明



雖韓昌黎且與之游而推重之激無大禪林道院小者則隨處皆是僧侶香火之外無異庸俗談空說玄概乎未之有聞前志固以此斥之矣蓋以宗教言亦無所有也惟近城與鄉市者或多假以治理公益課讀村蒙則以無用而為有用矣茲具存錄而塔附焉前志記有仙釋亦附之從其類也

**普化寺** 城東雲柯橋北宋元豐初建元末毀於兵明洪武初建崇禎中火邑令林龍采重建 **景星觀** 城東

內鶴鳴山麓宋天聖七年建崇寧五年賜名今額明洪武中火正統四年重修正殿曰三清殿萬曆癸卯道士荆冲岳等重修

**三元宮** 景星觀左清乾隆戊寅道會司士李文燦道士黃科行募賞合五岳雷祖兩殿同修 **通明殿**

即玉皇殿在景星觀後 **五岳殿** 祖師殿前今廢 **祖師殿** 一名玄天宮鶴鳴山

頂明嘉靖二十六年道士張教賢建萬曆十九年重修 **雷祖殿** 景星觀左 **圓通閣** 普化寺

建萬曆壬子僧紹成紹祥捐貲並募金創建閣右慈雲殿 **迴瀾閣**

城西靈犀山舊名觀音菴火廢清乾隆乙丑荆自才鳩眾修葺建閣三層光緒中邑合李大緒建船廳於閣右又建八角於廳下以為游人休憩之所

以上城區

**東嶽寺** 鶴田屯 **張家寨寺** 毛家灣 **西平寺** 葉家莊 **白雲寺** 嵩脚

**廣福寺** 舊巡檢司署左原名聖壽寺宋熙寧中建紹興中改今額明洪武中寇毀弘治元年重建清康熙三十四年重修

**雲溪寺** 蓮河屯 **聖覺寺** 張家村 **崇福寺** 湘匯坪 **竹林寺** 寶車

**水冲菴** 鶴田屯 **田心菴** 二鶴田屯毛家灣各一 **黃鶴菴** 鶴田屯明柳仙飼鶴

處又有新菴 水口菴八鶴田屯祖下坪葉家莊蘭橋村指背黃沙各一茅坪二 永興菴木溪

洪範山菴井水 李花菴毛家 牛角菴毛家 紫霞山菴

屋場大冲菴井 老虎菴井 迴龍菴三冬乾田石羊坪田小冲各一 海

螺菴大江埠 蒲竹菴大江埠 朝陽菴四牛冲韓家橋楠木冲團金場各一 青雲

山菴樹葉溪 金臺山菴樹葉溪 龍陽菴驢子溪 興隆菴葉家莊

陳家菴葉家莊 平頭菴葉家莊 油榨山菴葉家莊 大竹園菴竹大

園射鶴菴葉家莊 栗山菴葉家莊 洪菴油麻河 楊梅菴寶車

溪烏峯菴鷲鳥 芙蓉山菴芙蓉山 伽冲菴木栗寨 淨土菴赤竹

盤龍山菴李花村 合龍菴茶溪冲 黃雲菴茶葉冲 集覽菴

崑板 翠凝山菴謹家村 迴瀾菴韓家橋 凌雲菴韓家橋 圭洞菴

韓家橋 青山菴韓家橋 興隆山菴興隆山 梅溪菴蓮河屯 福興

菴張家村 汝菴張家村 新橋亭菴新橋 福全山菴福全山 土

橋菴張家村 轉興山菴張家村 黃路菴張家村 新興菴向家村

金粟林菴向家村 功德菴向家村 鍾靈山菴小黃沙 普樂菴小黃

沙 背冲菴小黃沙 福緣菴小黃沙 瑞龍菴小黃沙 青龍菴大黃

沙 棲鳳山菴大黃沙 沿江菴大黃沙 赤崑菴大黃沙 金廠菴

金廠 河水菴上坳 龍尾菴牛皮洞 金龍山菴老虎溪 碓坎山菴

杉木菴茅黃 大興菴茅黃 步下菴茅黃 護龍菴黃家坳 普聞

巷向 新橋菴張家村下 銀潭菴中 老屋場菴 金鼇山菴

鷄腳山菴 古梅菴 祖師殿五井頭牛角沖灣潭 迴龍閣

張家村 老佛菴木 馮家菴水 沿江菴中 頭雞菴花多

鹿洞菴鹿洞 金竹菴大 官山菴官 老山下菴梓 紅腳坡

菴碼頭 葛竹坪菴侯姓改作學校 營盤菴營盤山清咸豐時改

以上一區

仙橋寺黑崑明月洞光緒二十六年戴姓人募建 香林古寺水東清溪洞原名觀音寺民國六年張姓

建 迴龍菴十三梁家坡神田戴家劫茅坪村車上村山門中

一 箕山菴高 朝陽菴四車頭蓮塘兩 大定菴泥湖 鐵

牛菴車頭 迎豐菴黑崑明萬曆四年建 水口菴羅公 文善菴江 販

元菴江邊 靈翠菴窑頭 中正菴窑頭 青鳳菴桐油 鎮元菴古

沙隄菴水東 中隄菴水東 永豐菴塘 紫雲菴三劉家渡二黃

茅寨 福興菴蓮塘元至正三年建 伏龍菴蓮塘 丫髻菴丫髻 萬壽

菴蓮塘 萬福菴二蒲崑頭小 朝真菴大聖 蓮花菴二趙坡

各 騎龍菴雲鸞 靈鷲菴兩 石龍菴冷水 永興菴二

溪采湖 玉皇菴樓 興龍菴崑 西山菴沙 茅栗菴統溪

灣 鍾鎮山菴萬 鳳凰坡菴 青山界菴 祖師殿統溪 觀

音閣戴家 迴龍閣崑口灣 諸天閣石家 詔誥菴 護謁

菴白崑

以上二區

菩提寺乾漢有羅漢松一株大逾合抱高可百尺蓋千餘年物寺鐘款識皆明嘉靖舊名迴龍菴後改觀音堂邑合陶

金諸更今名 文華寺科里 興福寺竹坡物湧泉山九姓人建 龍形寺扶家溪雲霧山

南金寺師子崑 棲霞寺高公嶺上四方崑毛姓建 石臺寺長潭燕于山清康熙乙巳

僧中達建民國元年火民沐恩寺長潭李向謝三姓建 中華山菴尖

明嘉靖初鄧經軒建隆慶四年火五年重建數年前被火今尚未修 圓通菴寶印山宋時大潭舒姓建僧參智復

修 上司菴林家坡舒姓建 龜山老菴龜山頂 腳菴均坪龜山麓 石盤

寨菴白竹溪 龍文菴田里鄉武姓建 迴龍菴十二橋渡水椒溪文家村赤壁龍古龍川水齋

公潭文家塘木溪橋潭頭坡狹籠阜溪各一 萬佛菴舒武童三姓建 妙覺寺白田鄉向姓建

永鎮菴麻陽水鄒姓建 復靈菴牛欄山文姓建 大白菴雙江口 水口菴温

雷壇菴覃村 萬壽菴覃村 鼎文菴温湖向姓建 紫霞山菴楓香林

白雲菴楓香林 新堰塘菴赤壁 金珏菴塘下龍明萬曆甲寅建清乾隆時復

修 永興塔菴塘下龍明萬曆甲寅建 興龍菴田頭 朝陽菴三吉家村慶山各一

水磯塘一明宏治三年劉仲林建 太平菴吉家村 青蓮菴桑林 天龍菴馬兒橋明

萬曆四十六年建 永興菴二莊陽坪管木龍各一 冲心田菴花橋 福壽菴長

願龍菴花橋 龍虎潭菴花橋 紫雲菴花橋 青雲菴花橋 鞏鑰

菴花口 紫來菴小 龍鳳菴塘灣 宗師菴塘下龍清乾隆己亥建 雙溪

菴 茅屋園清 康熙時建 青龍菴 塘下瀕清康 熙戊申建 金鎖菴 塘下瀕清康 熙乙丑建

靈秀菴 水汪 茅菴 山 小岔菴 姓里武 黃龍菴 鐵溪

龍頭菴 姓斜里武 桃谷菴 張家橋 張姓建 金龍菴 崑田楊 復靈菴

水田溪夏 立成建 松竹菴 舊名青雲閣 舒容溪金 龍虎菴 龍過橋 光緒初

年蔡光遠 頓有順建 白雲菴 帽霧頭紗 丫公山菴 丫髻 楠木洞菴

楠木洞上乾洞口 犀牛角菴 崑桐坪民 靈龜菴 長坪光緒 時羅姓建

寶峯菴 土溪新屋 腦向姓建 地母菴 白泥溪民 文昌菴 林 武興

菴 陽和 白雲菴 德星團大瀕 碧雲菴 尖 三清殿 花 雷

祖殿 天河池嘉慶十一年建 觀音閣 觀音 迴龍閣 大潭舒 向兩姓

文昌閣 二大潭金沙 龍文閣 麻陽水 武姓建

以上三區

迴龍寺 荆竹 圓覺寺 山白雲 普濟寺 大渭 湘雲寺 向家

天平寺 聖人 雪峯寺 山雲廊 萬壽寺 水隘朱 白蓮寺 關公

玉沙寺 柳 護龍菴 二崑頭將 進香菴 莊屋 柳林菴 莊

鄉 培龍菴 蓮塘 蘆荻菴 蓮塘 銀鳳菴 二周家村木 興

隆菴 三塘村思溪各一 後村一 清光緒三十 復興菴 三嚴家 坡赤溪

各一 潮水菴 碑子 紫霄菴 碑子 金鳳菴 大溪 龍鳳菴

小龍 廣福菴 挖斷 迴龍菴 五野豬溪讓家溪明 太平菴

寺觀



二龍門溪 萬興菴白泥 清水菴清水塘一 唐家菴牛鼻潭

黃茅各一 龜形菴橋頭龍鄉 佛迴菴黃油 雲麓菴大灣 鳳朝菴白馬隘鄉

廬廠 神農菴井爾灣鏡 慶壽菴胡家坪 永興菴黃溪

開化菴田家 清秀菴蒲荷 龍鳳寨菴龍鳳寨 七峯菴丁家

名集 兩丫峯菴兩丫峯山 中華菴潘濱池 天台山菴水田莊

古佛菴柳溪 象龍菴世界洞 林泉山菴思婆溪 龜鶴山菴祖師

望雲菴拖峯 洪佛菴白田 蓮花菴土鋪 鎮靜菴紅偏

朝鳳菴四門村 海螺菴大崑屋 明月菴黃柏林 伏龍菴茅坪村

上 江弦菴黃塘 永鎮菴朱家灣 清華菴青木 烏龜

菴洞底 龍陽殿崑口 上司殿茅坪 安山殿四門 中華

殿趙家 三清殿荆竹 金花殿花溪 大聖殿高莊 朝龍閣花

園 大花殿塘 觀音閣二思溪朱 玉皇閣後村

以上四區

法化寺紫荆山 竹林寺豬肚 石鶴寺曹坡 水池山菴嚴家

碧雲菴二棗子坡 清溪菴崑灣清成豐 迴龍菴十溫里丁

黃潭頭白崑 中鎮菴頭 簡山菴小水 雲

龍菴荷 吉慶菴橋江 朝陽菴二橋江 家佛菴獨

堆頭菴大灣一名 復興菴大灣 文峯菴頭 淨水菴門 慶

壽菴門八 嚴家菴江狄溪 佛履菴坊大址 復隆菴坪溪 白牛菴

新田 水口菴洋油 金鳳菴坡綠 紫雲菴二崑塘灣桐皮洞各一 崑潭菴

莊坪 茅坪菴坪莊 都柳菴崑屋田 興龍菴周家灣 永興菴紫荆山下

羊公山菴民國三年建 青龍菴二曹坡對馬坵各一 蓮花菴石鶴坑 鳳

形菴白崑村 護旆菴白崑村 羅家坡菴 接龍菴分水界新徽合建

祖師殿二長茅東山各一 大聖殿橋江市 大神殿向家灣 玉皇殿姜五

家瑞唐家灣各一 雷祖殿河底 觀音閣二油洋長樂坊各一 靈官

殿紫荆山腰 經堂二黑村崑兒井各一

以上五區

雲石寺盧峯 三聚寺盧峯 龍池菴龍家灘 龍鳳菴橫崑 香鑪山

菴水車 靈翠菴湖頭清乾隆癸酉建 雲峯菴二大尖山斯文溪各一 護龍菴子楓

塘 古佛菴思蒙明崇禎中張國聰葺清乾隆時重修 龍龜菴思蒙明崇禎中張國聰建 朝

陽菴蝦溪 彌勒菴軍田灣 永興菴二報木灣小田各一 乾溪菴太平 迴

龍菴六仲夏斯文陀茶灣蕭家坪白沙寫字崑各一 佛興菴陳林坪清乾隆十三年建相傳其地有巨石為

迅雷轟擊數日雲霧不散居民因建菴於此祈禱輒應年久菴毀光緒時復修改名曰復興菴 紫雲菴大湖坪

小口菴白沙 水口菴張家嶺 雲西山菴曹家坡 重復菴明時創建

永橋菴清江屯 興隆菴打牛灣 白鶴山菴太平道土灣 普賢菴

少雅一名象形 菴辰徽合修 楊婆菴張家腦 旂峯菴涼水井 雲聚菴曹家溪

崑古菴崑古頭

江西界菴

上司殿太平

月形菴乾溪山下

七仙殿土牆溪老垣塘清光緒丁未建

崑娘菴二李子坡油榨冲各一

公安殿大江圩張

家村清光緒十年張良弼建

七星殿白崑頭清乾隆十八年建

祖師殿江 雷祖殿

龍頭山頂 玉皇殿陳林坪

忠靖殿茶灣

小口閣石灰塘

觀音閣江小

明崇禎十年建

白佛閣馬田

淑性閣大溪口清同治元年何純陽建

迴龍閣水

田隴斯文 溪各一

紫金閣

金臺山閣茶灣

文昌閣清江屯清道光二十五年趙允

章建

以上六區

塔

丫髻山塔

七級高十九丈初邑令龍光甸定基時欲窮其底深後至數丈附近雞犬吠鳴人有病狂者鎮以金龜方

息同治初年修建至二級時夏夜甚暑工匠偃息其上見一物自東南來大如席形似蓑衣從林間撲至塔前而滅先本

有菴曰護邑菴今建塔邑人即名其塔曰護邑塔

塘下隴塔七級高十二丈在永興菴側

橋

崑洞塔七級高十餘丈

溪口鄉塔五級明末修功未竣而牛兵至迄今無匠能補之者

附錄護邑塔香燈田畝數目

係劉鶴齡等一十五人捐錢所置名多自詳碑記

置買羅承烈七里冲竹山灣大路邊田下接連四坵每年納穀

十一石 大路邊小灣田二坵納穀五斗 大路邊坎上田

一坵納穀一石 禁家灣上榜田上一截又接連七坵納穀

四石五斗 碾房邊田四坵納穀七石五斗 犁頭嘴田一

海浦縣志 卷二  
坵納穀三石

以上通共田二十坵無畝每年納穀二十七石五斗以爲塔

廟香燈之費又舒達銘捐盧坡舒家塘山場一面荒熟地土

并雜色樹木出主舒屏

仙釋

達鏐號玉環永樂間普化寺僧明敏博學能以理自勝沐浴更

衣坐化袁志

徹賢靈鷲菴僧通禪理其建菴也有烏瑞故以名菴菴之前有

潭曰長潭潭中二石大皆盈抱每白晝相擊撞風濤交作聲

震山阿徹賢禱於神一日石鬪泊沙渚舉錫杖奮擊不動乃

集眾瘁之有掘地求魅金者徹賢恐其累民祝曰願金勿見

後有虎咆哮坑側眾驚怖遂止陶志

崑鼓仙不知何許人隱居登仙山山有石如鼓恆跌坐其上叩

之姓名則曰我崑鼓仙人也後不知所之鄉人移石鼓至山

下明日往視則仍還故處眾異之號曰崑鼓仙

頓仙姑處女也相傳幼好仙術擣藥煉丹有鳳皇來集遂仙去

後人因名所在曰鳳皇坡並肖像祀之天旱時輒昇以禱雨

二人見府志

達明字曉林世居衡山縣祝髮潭洲浮山寺康熙間遊澈浦卓錫雲峯菴能詩有浮雲合集一卷其後歸寂浮山

繼天祝髮龍潭聖覺寺解吟咏清淨自持年九十餘沐浴更衣

端坐而沒

並陶志

冰印和尚竹坳綠蘿菴僧也性耽吟咏嘗與文人往來唱和壽八十餘端坐圓寂遺殼卽葬菴右

長毛和尚城西迴瀾閣僧也貌雄偉不祝髮故名精道術縣衙立旗竿一匠登巔墜氣絕縣主命持帖往招和尚來視環匠行六七匝口中喃喃忽大呼曰起匠卽驚立行去某母登樓

折肋求和尚醫長毛辭強之曰吾今日出門則有厄懇之再三隨往至則一犬躍嚙和尚手其家擊犬止之曰吾固言有厄也畫杯水揉母損處卽愈歸後犬每日必至寺一視若悔懼狀又寺圯謀修至一邨化梁木邨人曰樹大師有法力能負去卽取之和尙曰可命匠伐樹削枝葉卽解帶繫樹頭曳之窸窣飛行至寺外遂用爲梁又閣左有新息侯廟廟前古木數株高十餘丈大數抱一日和尚晨起憑欄見一美婦坐樹枝間理髮望和尚媚態百出和尚知其妖卽被法衣命工斷一耙齒施法釘之血流如注怪遂絕復善縮地法往往於



兩地見形其術不輕洩有小徒畧為指示寺下有灘即鷹渚  
回波處修渠者打樁編竹木堆沙石為魚梁眾慙小徒演  
其術為戲徒以手撫樁頂椎十餘下樁入地尺許手無苦和  
尚適見之亦無言明日復試其徒掌指糜如泥暈絕眾哀求  
救和尚曰小子輕浮非載道器昇歸治之尋愈自是其術遂  
無傳者化前一月忽市魚肉熟煮大嚼羣驚訝答曰誕辰而  
不知其脫解也遺塔在閣旁

了凡城東五里中華山僧也較長茅和尚至激稍後亦善縮地  
法菴外一塘畜鱸三十二尾傭工者偷食其一了凡覺詰傭

者堅不服命持長竿隨至塘上以竿橫水面隱唸咒語魚盡  
聚竿左呼曰右則一鱗躍而過竿右至三十一尾而竿左無  
魚再數則魚一一過竿左而竿右無魚眾始驚服謝罪其異  
蹟類如此尤善拳技數十人不能近圓寂後僅昇空棺並見  
潛園

識雜

張真凝號湖上翁永樂間景星觀道士初入龍虎山受秘術歲  
旱祈雨多應後訪道終南山入蘆林採藥不知所終  
張馮先字金若牧牛藍家山遇二叟圍碁授以方便畫地為牧  
牛不他逸言晴雨無不驗每大雪裸體至山或半月不返人

咸異之後不知所在

向榮寶明末人亦以牧牛羊為生牛羊不他逸有竊之者輒聞寶呼喚聲山多奇石山頂有大石寶日登其上留三足跡一足滑痕拖尺餘深寸許後亦不知所在今立廟祀於九望界祈禱輒應舊志

翟祚政兩丫坪人業農性樸誠娶婦生一子後有外交嫁之以其錢市香楮焚之因戒殺不茹葷傭工得值輒佈施菴院每年枵腹朝南嶽一次最後抱病往子隨行次黃泥井旅舍忽僵卧如死其子焚香化楮香煙縷縷直入政鼻移時蘇云至

嶽山神且告曰此地無汝坐處可速歸自覓歸棲響鼓崑洞

即崑嶽仙人修煉處絕粒三月坐化先是登仙坡復修梵宇庀材維艱

政枵腹日為搬運功竣僧德之為立木主祀焉值歲旱求神禱雨不應或戲曰盍扛翟某木主往卜之允遂昇以行所至雨下如注前出婦與其妹聞政至迎焚紙帛婦所焚不化深自愧赧妹焚之即化自是每遇年旱禱無不應遠近蒙澤號為普度真人以上並齊志

尼純修荆友和之女生即不茹葷寡言笑自誓出家父母從其志依村右建菴祝髮供佛練行圓寂時年八十餘齊志補遺

澁浦縣志卷二十八  
雜識  
後漢書地理志注先賢傳曰晉代太守趙厥問於主簿潘京曰  
貴郡何以名武陵京曰鄙郡本名義陵在辰陽縣界與夷相  
接為所攻破光武時移東出遂得見全傳曰止戈為武高平

澁浦縣志卷二十八

雜類志

雜識

逸事瑣談無關體要甚或類無可歸去之似於地方有關錄  
之又嫌其不倫於是編為雜識諸志皆然从成通例茲仍前  
編益以所探

後漢書地理志注先賢傳曰晉代太守趙厥問於主簿潘京曰  
貴郡何以名武陵京曰鄙郡本名義陵在辰陽縣界與夷相  
接為所攻破光武時移東出遂得見全傳曰止戈為武高平

曰陵於是改名焉臣昭按前書本名武陵不知此對何據而  
出注止水經注序谿水出義陵郡義陵縣則郡故名義陵未  
知孰是

順治二年牛萬才入澉屠戮甚慘石盤寨甚險前一石陡立如  
劍高與寨等術士曰去此可克也如其言果克先一日向某  
夢緋衣人升座呵衛甚盛狀如王者一人持簿點名至向曰  
此不在劫內後二十年當厄於水寨破獨免承平後常挈榼  
登寨祭諸亡者年九十餘墮溝卒又有某知寨必破預作健  
兒裝比賊入以繩繫妻拽之出賊謂儕輩所擄也莫之詰竟

逸出寨中男女千餘得脫者三人耳萬才據澉凡三年圍山  
搜箐焚掠無虛日耕耘皆廢餓殍盈路哀哉

圖經曰自望鄉山西接馬鞍綿互頓家倚桃谷俯龍堆鄜梁之  
陰邑曰澉浦澉水出焉案此則以宣陽江爲澉水而望鄉山

即望鄉坡在油洋鄉東馬鞍山在馬田鄉西縣頓家山在兩丫鄉東  
南形勢不合豈山今昔異名與澉水辨詳見山水志附錄圖經備參

楚辭涉江章云乘船船余上沅兮齊吳榜以擊汰船容與而不  
進兮淹回水而凝滯朝發枉渚兮夕宿辰陽苟余心其端直  
兮雖僻遠之何傷入澉浦余儻徊兮迷不知吾之所如深林

杳以冥冥兮乃猿狖之所居山峻高以蔽日兮下幽晦以多  
雨霰雪紛其無垠兮雲霏霏而承宇由沅而辰而澁經行歷  
然沅曰上澁曰入確不可易深林冥冥以下狀冬日舟行入  
江口之景皆神似澁有招屈亭不可謂之傳會也

杉木塘宋末李楮文創崑口塘明初朱世洪創神冲塘永樂時  
向仕昌創水磯塘弘治三年向加春等創杜家垵宣德時舒  
洪禹立中圳垵梁鏡立黃連垵黃連立應家垵鄧彥成修洪  
家垵舒涵清立俱起於成化時又覃希淳建千工壩李克從  
創舉人塘丁昱創新堰塘已列人物餘人無他事實可考故

未立傳然功不可泯附著於此

邑水利大矣而車頭獨苦蓋雖有垵而田高於水非車莫能灌  
田故以名村然猶可也至長茅則不得不望歲於天矣

龍潭及兩丫鄉山泉交疏非大旱無須壩水常畏潦江口田高  
河低不能作垵多苦旱故三鄉塘垵殊少邑多恃種山爲業  
江口獨瘠而風俗淳謹爲一邑最瘠土之民莫不嚮義信夫  
康熙甲子大水縣北潭頭坡岸崩獲古錢無算大者徑寸迄今  
掘地間有獲者坡側有將軍洞深數里中多古磁白質黑章  
相傳有神司之民不敢取今已淤塞洞口建土地祠方經始



時取土築基尙獲古磁數種

貴陽有黑神廟廟祀南霽雲凡水旱癘疫兵革之事有禱必應見田雯黔書及郭青螺集據此則澈祀黑神當是南公

胡夢白字德臣少躬耕自給讀孟子至有諸己之謂信臨事輒不爲欺仲兄夢龍精易學夢白從遊一歲盡通之母卧疾三年未嘗一日去側兄有氣疾發輒廢寢食夢白侍坐俟其臥乃退誦周濂溪拙賦有得自號拙齋嘗築堤防賑饑饉里人賴焉事見南昌儒林傳夢白紹定貢士爲澈浦主簿雖卑官不得施設而蒞政必有可紀舊志旣軼之南昌志又未及宦

業故未入名宦夢白著璜溪集張洽志其墓俱未之見俟攷陳林坪有張甲李乙者年相若以獵爲業出入必偕一日同獵甲在山南乙在山北甲見一鹿踉蹌而前斃之趨視乙也乃自殺康熙戊子歲事也

李生枝邑廩生與米某善米死生枝未知也夜歸爲羣鬼所困遇米得解歡笑如平生及門謂生枝曰吾死數日矣因兄有阨故相救耳言訖不見

巖磊坪人鄭玉章遇老人金姓指示藏金處約以百金爲謝鄭如言發之獲金五百昇置櫃中異日老人索謝鄭諱言無有

老人嘻曰此某人金也今行不義遭譴責故以丐若若又食言是福薄耳及老人去啟櫃扇鑰如故銀已失矣鄭悔恨累日

東象沖毛某操奇贏術攜貲逐末至辰谿始覺遺金而不知其處自後鐵線沖恆有蛇患行客持梃自衛毛某後復過之拾布包啟視所遺金也攜歸蛇怪遂絕

崑田楊某娶某氏操行婦也夫亡鞠二弱息守志勤劬數載無閒言家忽有怪能運器血夫姪二人聞步履聲疾擒之則氏也釋之及入內則氏固宛然與諸婦絳織未出也二姪疑爲

鬼所挪揄秘之閱數夕得伺獲之因肆筆楚而氏在內垂頭曲脊若被重創者詢諸婦則云適事女紅忽痛嘔血不解其故二姪乃不敢言閱旬餘氏死蓋離魂也

張達卿貓兒坪人也康熙中自滇南買僕開先歸居數載開先父至澈因年老欲依子以終開先拒不納父飲泣去不數月開先震死

交趾率圓山有神祠曰媚娘爲民害祭必以人荆政芳任僉事其地議除之戒士人曰當祭必告及期政芳張公坐廟中燃炬端坐二吏侍側子夜冷風颯至怪見於前政芳張目叱之

怪作戰慄狀芳以硃點其額鏗然有聲而沒達旦見硃點鼓上破之則白骨充滿一巨蛇盤曲其中乃斬蛇積薪爇廟怪

遂絕

按此與本傳異

順治末陳美言曉行經涼水井周某居見一少婦出陳廉知周鰥居詰之知為祟也同踪跡之至爛木冲得大穴爇薪熏之美婦踉蹌出擒而粹之火乃狐也此可為漁色者鑒

邑民廖姓者家白崑冲媳戴氏年十六歸寧途遇少年與狎比返少年先在室家人莫覩也但聞喜笑聲廖氏從父叱之反遭其擊久之患益甚延巫治之少年舍婦而淫巫妻巫不能治轉延他覲持挺及與格屋瓦皆震良久墜地乃一狐擊殺之

潘令眉宰澈畜一犬甚馴能識人意解組攜歸舟泊江口失所在詰旦張帆遠征抵華容邑令張某潘戚也留飲數日聞人告曰廨中一犬跳噪不止驅之不去張曰吾聞犬能白冤令放入直趨潘卧內伏地悲號諦視則故犬也為泣下自澈至華湖山千里卒歸故主饑附飽颺者視此增顏汗矣以上並陶志

舒際聖康熙癸卯歲貢其父吾信廩生長兄際行貢生次兄春甲廩生叔簡心歲貢姪連荆拔貢茂烈歲貢孫展志拔貢里

人有七貢八廩之稱

一區上里唐氏宗祠前有古樹一株亭亭孤立不甚高每逢院試有烏鵲來巢族中必有人泮及食餼者屢驗不爽鄉人名其樹曰喜鵲樹

同治己巳冬有鬼題詩於思蒙雷氏家塾好事者詢其里居室中忽出片紙自述姓名爲王漢卿竝七絕詩數首云朽骨沈埋數十秋孤魂猶寄澈江頭無情最是灘前水不爲幽人一洗愁 故國誰招千里魂頻年空憶舊漁村自憐苦志無從訴忍向壁閒留墨痕 蓼花似淚恨難賒盼斷碧水一涯

此際何人吹短笛年來灘上已無家投詩索和者甚眾月餘寂然

頓文照字歧山世業搏虎在龍門溪遇虎初傷箭突前撲噬頓手無器械急以左手搭之虎銜臂乃以右手抓虎眼虎負痛釋口頓乘勢踢虎山下遂斃又在小崑頭遇一虎吼聲如雷頓以鐵叉敵住虎三躍頓三搏之又柄忽被咬斷就勢從虎腹下竄過虎亦奔去自述生平與虎鬪者數十次虎斃於頓者百餘而頓晏然壽終年九十一子孫繁衍賞產給足悉勤耕讀而慕爲善

崑腦上有大柞樹曲枝盤結如畫

望冲坳有大松樹圓徑數十圍蔭可數畝數百年物夏時行旅

多憩其下

二區邱家灣水口石壁亦有樸樹一株大數圍枝條茂密蔭翳道在行人資以憩息

大潭鄉有廟建於明洪武朝遂名洪廟廟瀕河濱地極卑每年水漲雖外滅簷瓦而內不及龕又有垣名洪江垣每修垣之期三日內得雨歲穀豐收三日無雨斯年大旱

向事榮塘下隴人性至孝以母改醮失養常往嶽廟焚香不食亦不憊平時惟茹素誦經嗣後朝嶽見一老人鬚髮皓潔授一圖曰汝宜奉事視之則孔聖先師從遊賢哲及歷代鄉賢

圖也攜歸懸之壁朝夕禮拜榮素不識字至是心忽悟徹洞達玄微有問以心經妙諦者答曰波羅密多非他心也耳目口鼻心之役也受想行識心之發也色色空空心之虛也靈也約而言之此經所云固心也推而察之凡佛經固言心也後竟不娶謂孝衰於妻子使榮有室而分吾心非所願也年三十二歲卒時紅光滿室人多見之

湖鎬溪周氏女髻而慧人遺以麻姑像奉甚虔後適顏氏子舉一男患乳癰痛甚夢人謂曰來日可於樓簷溜間取藥至曉果於其處獲藥一杯色黃若膏以傅癰即愈未幾其父病沈



復夢人語曰急歸寧十日後當不復相見矣後果然一日女獨處見一童子草角道履至曰辟除潔室師且至俄而清風異香一女子年十八九垂髮烏爪儼如圖中麻姑也一侍女名白媛同降其家教女誦經由是朝來夕往或連日住女繡一袋未竟白媛適至以手摩之遽成蝴蝶鄉鄰共詫異居久之麻姑忽謂女曰若願從予洞府一遊乎急沐浴投若衣浴畢但覺身體縹緲隨麻姑行至一處朱門畫閣凡歷五重內一人狀若官長搢笏端坐女悸而餒麻姑飲以清冷之泉甘如飴謂曰可歸矣蓋已偃息牀三日矣自是如醉如醒鄉里愈疑爲妖思以犬血染之麻姑嘆曰吾感爾精誠是以來豈犬血所能汚然亦不可久留遂去按女既飲仙泉神應清爽乃反昏迷則指爲妖也可信

向爵字良貴明時舉人北遊爲嘉定徐文華業師後中正德五年進士任合浦縣知縣升鹽提舉以清慎勤自勉御史潘某薦之擢某部主事選河北知府以母喪不赴任服闋仍歸部屬旋辭官歸餽送一介不受年七十七卒 此覃村向氏家譜所呈當康熙中陶令修志伊鄉向公嵐與事何以不請入仕宦至徐文華字用光正德三年進士嘉靖初官至大理少

卿向氏譜云時通問訊又謂正德五年進士而譜外他無證據存以俟攷

同治三年五月十四日一區大水漂民廬數百家田數百頃死者百餘人有老婦李荆氏爲梓坪李某造室無出李夫婦死依其嫡子孫居碾房爲活年八旬失明日暮水漲甚嫡子與長孫他往一媳與幼孫孫女及前一日歸省之女及甥皆爲水漂去荆獨跨一木板浮至韓氏宗祠前約里許祠門素閉水忽衝開送荆入水與龕平荆捫擦踞其上先時嫡甥譔某在碾房救荆不及騎於梁上隨波漂蕩得一樹距韓氏宗祠

不遠急登之而水勢甚洶計樹必倒遂向宗祠門撲入至戲樓上聞祠龕有人聲水退視之乃荆也而其母則已死祠之下流得屍收殮竝迎荆歸詢荆何以得至韓氏祠荆言彷彿一燈導抵一處我俯而上亦不知爲何所也蓋荆素性純樸自歸李後不容於嫡勞苦萬狀幾六十年而毫無忤色云方鏞未詳在明何時貢生居民呼其里曰老師似曾任教職者但今只存其名

府志

劉滔其先世爲江西泰和縣人父玉盛遷湖南新化之蘇溪橋宋南渡時滔隨其舅楊公某官辰州太守時南北路梗澈邑

徠民雜處多梗化不馴楊命滔下所屬招撫之滔乃與徠習  
獎率歸化徠德之因留家焉今辰漵安化新化劉姓皆其支  
裔省志注爲辰州徠人誤陶志補

通鑑書周赧王三十八年秦武安君定巫黔初置黔中郡胡三  
省注引括地志黔中故城在辰州沅陵縣西二十二里江南  
今黔中府卽其地宋白曰秦黔中郡所理在今辰州西二十  
里黔中故郡城是漢改黔中爲武陵郡移治義陵卽今辰州  
漵浦縣是據此故有謂潘京爲漵浦人則以漵浦先爲武陵  
武陵先爲義陵非憑空而爲此說也惟一言沅陵西二十二

里一言辰州西二十里以今計之殊不止此數然世遠年湮  
又安知領漵浦之辰郡果相距爲幾何乎

王少伯別皇甫五七絕詩漵浦潭陽隔楚山離尊不用起愁顏  
漵浦縣名見於唐詩者惟此味其意似以潭陽漵浦雖隔楚  
山而相去不遠於饑別之離尊愁可不必起也然皇甫公何  
事而入漵令漵乎遊漵乎真所謂措紳先生難言之余亦弗  
深考者矣

陶志辨正有康熙十九年提學批云觀其文蓋爲駁求奉祀生奉祀生  
不問其祖父功德言若何一例準給殊非政體宜行裁革如

謂舒裳以爲明吏部尙書又以爲撫州知府舒致和以爲明  
科甲任知縣又以爲宋進士任辰陽刺史不知宋時無刺史  
官等語夫以裳爲尙書爲大理致和爲知縣爲刺史者誠妄  
至謂宋無刺史謬亦可哂宋太祖嘗以獯人秦再雄爲辰州  
刺史又以彭城爲溪州刺史安守忠平湖南爲永州刺史張  
勳克桂陽爲郴州刺史王杲刺唐州張亢刺忠州後則不稱  
刺史而稱知某州安得云宋無刺史邪自熙寧間章惇經略  
南北江向永晤舒光銀納土其爲刺史者或如今廣西雲南  
之士知州又或謂唐舒元輿遭甘露禍其昆弟元道元褒等

皆編管遠州後多爲土刺史然紀傳無徵不敢臆斷至葬頓  
旗山之舒姓本居江西進賢於宋理宗時遷居澈浦農服先  
疇士食舊德又何必假先世之宦游以榮其族姓致如稱爲  
閔子騫後裔貽笑於遙遙華胄乎善夫狄襄武有勸其稱爲  
梁公後者答以幸獲遭逢何敢謬託前賢誠哉其爲英傑也  
坤元錄言澈浦無射山多茶樹而無射山不可考一統志言澈  
浦出漆又言出茜草今澈浦漆尙有之茜草則少瀟湘聽雨  
錄言澈浦出桃花紙質薄而潔足供臨摹今學書者所用未  
知其爲桃花與否而名則甚美

順治初油洋趙徐氏以罵賊死迄今二百餘年湮沒不彰據學  
博徐君清泉言五月閒夢一婦授以箒視有詩云烽火紛紛  
道路迷一家老幼仗誰攜無情最是枝頭鳥不管人愁只管  
啼旁注徐烈婦作反面似言其見危致命事字句不能盡記  
而梗概了然驚醒思居近趙家灣久絕無人安所問訊惟一  
彭某爲趙氏彌甥現年八十餘或有所聞走詢之彭言前輩  
嘗云有族祖母徐曾死牛兵難我家爲農莫知紀載往年得  
母黨經簿上有名字請以示君取出則朽蠹破紙數頁而其  
中竟有烈婦小傳爲乾隆中庠生唐景作景嘗館於其鄉者

也讀之喜甚鈔送局而貞烈卷刊已畢故歸之補遺夫前志  
已漏此更弗登懿德貞操永埋塵土矣是幽魂之託於恫恍  
不可謂非鬼神來告也烈婦父祖與係徐君二世祖蓋遠祖  
姑也

潑俗言亦有所本如鷺曰子鷺見南史庾悅傳劉毅言身今年  
未得子鷺梨曰鷺梨見五代史周太祖紀停州府舊貢食物  
鄭州之新筍鷺梨李時珍本艸亦稱鷺梨至火爐頭則蘇東  
坡與兄子安書云比書到時將次歲豬鳴矣老兄嫂坐火爐  
頭環列兒女是第一好事非潑人火爐頭之典乎又范石湖



詩何如田舍火爐頭又給胥役錢謂之艸鞋錢亦見石湖詩  
至謂菌芝有蟲者為無毒果實被啄者為可口則元稹送崔  
侍御之嶺南詩菌須蟲已蠹果重鳥先鵲即其說也前志補遺

又教人語言呼雪為綏則釋名云雪綏也雪賦之綏綏然古人  
固以綏訓雪綏雪一音之轉也呼母為阿姐則說文云蜀人  
呼母為姐至稱阿則晉初已有負阿母語他若服美曰齊整  
則爾雅郭注云服之齊整牛蠱曰毛蠅則說文蠅齧牛蠱也  
築土牆曰板則毛公詩傳云一丈為一板五板為一堵不可  
勝數曰無萬數則漢書成帝紀建始元年六月蒼蠅無萬數

集未央宮罵人廢業曰流落則霍去病傳留落不偶而晉唐  
來引此語者留皆作流引窠蛋則見賈勰齊民要術塘垣長  
收水利穀見金史食貨志有水利錢一時稱謂似若土俗肌  
造乍聞之或以為怪笑而不知典籍中先有如此前志補遺

澂俗好食蛙愛物者或以剝剝為慘相勸勿食但蛙魚同為水  
族蛙固可憫彼臨流而毒魚蝦使游泳者幾無孑遺更為殘

忍亦在官者所宜禁也

蛙在前漢不獨供餐且用薦廟如上  
官桀將謀霍氏云擅滅宗廟羔兔鼯

此可為罪蓋唐時南人多食而北人不食故昌黎詩以甘食  
比豢豹議而下言余初不下箸近亦能稍稍是後亦食矣前  
志補遺

彭鳳堯廣東連山縣舉人以知縣揀發湖南歷署善化澧浦縣事乾隆五十七年由永順同知調永綏軍民府鴉西之役軍中戰兩夜火藥糧食俱竭鳳堯猶徒步當先為苗所得稱為好官不可殺鳳堯大罵之一苗忿自後以大石擊死僕名馬富奮身殺苗力不支同遇害鳳堯次子佩蘇痛父死難請從軍報仇戰沙子坳亦陣亡前志補遺云此係嚴樂園方伯苗防備覽所紀唐邑侯檢付命入職

水東張氏自宋建炎時由太和遷澧至七世祖鎮卿陶志選舉稱爲元至正三年癸未進士元史順帝至正元年爲辛巳則三年爲癸未張氏譜改癸卯者

非官學遼分省廉訪轉冀遼總制而毫無事迹家譜亦同省志載順帝至正二年五年有科獨無三年然本紀三年內有定終場下第舉人充學正山長語非爲此科言之歟其家譜載鎮卿字天定陶志之修秉筆者誤名爲字嗣孫抒志感於夢寐走白更正著有奇夢記據陶志載荆政芳贈詩題書鎮卿查芳以晚姻直呼成長之名敢乎且以字爲名古所恆有如程知節爲敵金顏清臣爲真卿郭子儀名子儀字亦子儀是也其官廉訪總制史不悉及罷官爲何事何年志譜兩皆闕如而味家錄自述詩云不棄東疇因母老猶留西席爲頑兒餞

使者詩云殷周大業當同語光武中興可再傳何事書生虧  
大節老親垂白入衰年是林下時慈幃尙在不克殉國亦可  
以哀其志矣題小像云形寓大元世心存大極先本來真面  
目皎月湛晴天光明之概又可想見至若元政不綱紅巾鼎  
沸激有土寇王七乘閒蠢動與總制爲母黨身當其難請軍  
殄平旋以擅動官兵見罪張姓相傳如此邑貢戴藩謁  
祠序亦言及故張  
王至今不結婚媾背者天絕則歷歷不爽豈總制之英靈有  
所不許於奕葉耶 又總制配楊母黔陽窩籠人元季世亂  
楊族爲人所殲僅遺稚子母收撫長成繡詩於帕送歸黔詩

云一寸紅絲一寸鍼幾多工夫繡得成莫將羅帕不當緊留  
與兒孫作證明迄今窩籠諸楊存帕宗祠張氏人至必極意  
款洽以示不忘舊德云以上並  
舊志

張鎮卿事蹟無攷所任職官或亦滋疑諸生向夢庚有張雲山  
公事迹辨其略云公登進士見 文廟題名碑碑爲宏治十  
二年所立相去未遠應非虛誣至廉訪總制攷元史冀遼無  
總制惟冀寧路總制府乃大德九年由太原路改置至正十  
年置有總制庸田使司於河南江北定制二員冀遼實無總  
制之職其職至明方見寧遼廉訪使亦係至正二十三年始

自河東司仍置越三年元卽亡使公果居是職則元亡不應  
已歸林下公餞使者詩云幾年無路上朝天忍此凋殘久倒  
懸則公已先歸林下數年矣何由得居斯職或以冀寧路總  
管誣爲總制殊未可知元世冀寧路總管府猶今駐防副都  
統公有所思詩云登壇拜將猶前日秣馬膏車又幾年又云  
秋高不盡登臨望紫塞迢迢雁影遲應爲仕遼思歸之作曾  
官冀寧情事頗合但誣總管爲總制耳

劉德卿善醫藥施不求報好覽山川壯強時嘗游衡山歸夜宿  
旅邸卒七日昇至家開棺復蘇又四十餘年壽八十七而終

舊志

邑東四十里塘灣有仙人橋橋旁有廟曰魯班廟蓋謂造此橋  
廟者爲魯班神故以名之邑諸生劉吉榮嘗爲文記其事畧  
云仙人橋非要津而論者稱之志異也橋之建不計年月殆  
數百年於茲矣相傳橋初建旬月不能成有過客破衣跣足  
乞茶眾傭眾弗顧客乃言能不勞費竣其事問所需但乞清  
酒一日樽未暮客已藉枕臥夜深猶喘息不聞天將曙俄轟  
轟喧呼石鏗然木丁丁然並有聲眾驚起則橋廟皆已成樽  
酒亦空而客不知所之矣今視其橋皆取材碎石爲之而畧

無泥膠粘合之迹廟則旁楹缺一角他匠訖弗能補經歷風霜雨雪日久而無甚破毀噫誠異矣此其所以以仙人名以魯班稱歟因記之

舊志

邑人所祀黑神或謂爲唐將南霽雲以其忠也或又謂爲明黔王沐英以南霽雲雖死義睢陽於吾潁無與沐英則世鎮雲南沅黔間皆其威靈所及不然何以廟號亦稱黔王或又謂爲水神天生五材民竝用之而水火之利賴尤切祀火神有祝融宮水神安得獨闕水色黑故曰黑神世事舛謬塑火神像者朱其須水神固應墨其面矣俗遇火災輒呼黑神求救

水能制火故如此竊謂三祀不可偏廢應以各祠額定之其曰忠臣廟者爲祀南霽雲曰黔王宮者爲祀沐英曰黑神廟者則祀水神其始當各自爲廟相沿而誤遂混爲一

近時國粹學報

宣統元年二月

載順德鄧氏藏書有西陲今略一書分

邊衛邊堡上邊堡下彝疆四卷原帙係鈔本作者自敘稱楚義陵黃燕贊定山氏書成於康熙二十二年甲子敘又稱行年五十一待罪行間又云歲在壬戌奉命來張掖位雖卑親見西陲數千里事又云歲在癸亥稍稍庖代凡七月所攝行西陲事苟免覆餗於是耳目聞見益滋多此似以潁人於清



初宦游隴右然問之黃氏族人無知者姑附識之以待攷察  
民國三年六月大水一區白崑橋李必貴劉祚禔兩家皆被漂  
蕩必貴有女方十三歲子七歲同傳一門扉隨流下忽迫近  
堤岸女以爲得慶更生矣亟扶其弟上而已未及舉足門扉  
遽傾反竟墮水死祚禔家方漂流時一犬隨其妻唐氏出沒  
波濤間比水落祚禔子沿岸尋求母不獲至新橋遠已四十  
餘里遙見沙磧中有犬尾趨視疑其犬也撥沙審之不謬乃  
去沙出犬而唐屍亦見人咸歎死生有定分而犬能以死後  
發見其主母屍可謂義犬云又二區嵩口灣迴龍閣有寄居

女子張七秀於元年壬子被水漂蕩僅傳一木板隨流七十  
餘里至泇水灣遇救得免七秀素好佛自云急流中髣髴如  
有人爲之援引因以不溺

一區山背有古樹一株俗名獨樹相傳爲元時物大約三圍前  
清康熙朝枯死數十年後復生枝葉頗榮茂樹不甚高而形  
如蓋其花開多少與歲收豐歉相應覘之屢驗又一區雙江  
口有楓樹高數丈其發生時約值穀雨前後農家須葉開時  
方下種否則秧必壞且視葉發所在高下或偏枝足覘山原  
及所在方隅年歲豐稔若滿樹欣榮則隨地皆稱大有矣又

三區白霧頭亦有楓樹二株南高北低發生時視其高低先後足覘田土高下歲收之豐歉

一區烏峯迴灣菴後有鴛鴦樹一卽俗所謂飽飯樹一槐樹本幹合生無縫痕黃鶴菴旁亦有一松一楓合生又三區櫟陽鄉有藤纏樹數百年物也樹大合抱俗名老鼠刺樹其樹藤大至拱把者亦少亦合拱把俗名涼粉子藤周回纏繞自本至顛若織辮然花文層次歷歷可數

一區諶賢模家藏有古琴一具長三尺八寸蓋其曾祖約台素工操縵因購得此琴腹中刻有大宋淳熙丙午年清和月李存造

十三字攷丙午爲淳熙十三年孝宗在位之二十五年也距今已七百餘歲矣

一區西冲多古樹其間翳天蔽日幽陰甚宣統時居民諶厚湘繼室唐氏寡數年矣且年五十餘一夕乘涼堵下忽覺冷風相侵遂欣欣然如有人道之感旋有孕其孫頗疑之暗伺無他異及期乃產一紅蛇家人盡駭送之野唐氏亦自驚怛越日死

地方風俗淳漓似有今昔之殊然質直好義要不乏人一區王家山姜時瑜家非素封時猶從事舌耕乃於民國四五兩年

概捐所得館穀三十餘石置爲積穀并命其子後母干預頗足爲吝嗇者風

劉卿望王家村人平生素稱公正善醫年七十忽一日睡熟遂絕息肢體亦皆冷家人疑其死而心猶熱守俟之越數日後活自言至一官府入謁尋有吏持籍至稱劉某以醫活多人應加壽一紀卽遣送歸因得寤後竟壽至八十二無疾而終黃泥沖周姓村中有檀樹一株圍八尺餘高約三丈前槁萎殆十年矣村人以爲數百年古物不忍伐而砌石壅土培之近忽嫩枝四茁濃綠成陰人咸詫異蓋如孔林樹枯而復生也

生爲上柱國死作閻羅王古人已有此語故前志於武有樂附錄張楚瑞歸神錄以識其異蓋取精用宏猶能爲厲彼沒而可祀於社者其爲神也固宜且以近年舒升堂事證之益覺楚瑞所述非誣升堂字希仲邑名諸生也性和平素行尤端謹而地方義舉無不亟力爲之光緒紀元 文廟之修首先建議而始終其事置家事於不顧卒前旬餘日以新正謁其族長某賀歲歸已日暮道遇一童子近村人也詰其暮胡在此則曰某爲迎先生也來者心謂其黠笑頷之遂偕行童子因言願奉侍左右升堂故授徒鄉里以爲充役書塾也許之

比及門邀令人不肯固趣之疾趨去時夜色已暝慮仆跌有他虞遣人往省諸其家乃死已踰月大駭既而升堂亦卒童子家適來能爲李少君術者因令致童子魂問之則曰舒先生官某地吾從之行矣事與武有樂頗相類

伯公者不知何神相傳稱唐少一郎一區黃茅園唐氏世祀之屢著靈異民國七年武黔匪亂蜂起夏五月二十五日神忽附鄉人唐文汲持長矛至唐啟文唐龍文家呼曰匪至矣爾輩尙晏然耶急警團吾爲爾助言畢疾馳至唐氏宗祠神座前僵卧如死者狀旣而匪果至幸團丁預集與戰於油麻洞

敗之追逐至黔陽磨子崑比返汲始醒問之亦不知所爲民國以來縣知事之賢明者咸以徐錦爲最徐字蔚生其居官以清慎自持遇事博訪周諮而不輕信征權不假權吏佐使得中飽時國賦以銀元解省庫而先以錢折收元價驟落得贏餘頗豐將去交士紳逐一檢校收管初嘗謂此當盡存爲縣有或以近時官吏多謀飽宦囊未之信及此乃知其無一豪私因以所檢交半置積穀用志不忘

相傳夏禹治水嘗登縣北界聖人山望洞庭山因以名上有石刻爲禹紀事之碑往時樵夫深入林谷曾見之然好事者屢

訪求不能得也近有蕨菜坡鄉人田正且得之云在此山天  
平峯支嶺山牛灣距天平寺約七七里左白環溪右來鳳溪

此水至崑崙溪口左入白環溪石閒有駁劣不堪鐫勒處因之書不成行字

則奇古不能辨識取所拓一紙觀之約十五六字雖稍有漫  
滅而刻畫顯然但文體非篆非科又大小長短均不一或竟  
二寸許或竟五寸許又有縱橫俱竟七八寸者似爲兩字三  
字相連屬也旋探尋至其地所謂山牛灣者則在聖人山東  
麓白環溪右岸灣左嶺有黃姓數家居焉土人稱曰黃家腦  
自黃家腦緣右嶺上至刻石處約五里又上至嶺巔約半里

石長二尺六七寸寬一尺二三寸出土八九寸而向右少表  
山皆脆石擊之輒層分寸斷惟此石獨堅往時林深叢密故  
人莫之見今則開墾種植矣山閒居民皆知有此因不能辨  
識但以爲石紋坼裂而已字刻畫如以鐵箸畫泥者然其迹  
狹而深與近代石刻迥異石灰白色勒字處隨字大小皆淺  
藍色爲之洗刷色愈鮮明唐韓文公岫嶠山詩云字青石赤  
形模奇與此頗覺相似惟文字既不可識其果爲大禹詒留  
殊難臆斷田正且云聞父老言古時蕨菜擂鼓二坡道路未  
通時由沅陵入激皆出天平峯至此踰嶺而下此殆前古通



道經由之地也今長林豐艸間閒有石磴遺迹豈此幽絕險阻區域昔亦乘櫟所經乎千古茫茫莫能質言之矣

激水自桶溪口以上往往亂石橫江多險灘其最著者曰狹槽曰三羊曰洞腦而洞腦爲尤險昔有丁姓者居其間業操舟與妻沈同駕駛諳習水勢消長曲折從無誤年老罷居洞腦岸側行舟至咸以柁工屬丁亦藉此爲生計逮丁夫婦沒沿江舟人思之至灘輒焚香楮以禱併建祠奉祀之至今弗替蓋一技之長有濟於人卽食俎豆馨香之報如此

谷口三張集張文晉有送侯大尹莫二尹二詞詞意似侯莫皆

官於激殆元明閒縣丞縣尉也他無可攷因未列入職官附記於此

前志謂往時激邑之場不過橋江低莊三四所近年添開十餘逐末漸多食用亦侈時風之變感慨係之今乃增至二十八所矣且每屆集期游民徵逐酒食邀聚賭博均畢萃於斯而有事時匪類乘機潛煽併以此爲勾引會茶之地貽害殆不止如前志所云然近鄉居民求給所欲片刻往返各得其所亦一利也大抵天下事利害相因惟在良有司嚴吏治飭風化有以維持於不敝耳

澁浦縣志卷二十九

文徵一

志乘附錄詩文非爲闡揚文化乃以徵事實增詳備也故所  
採取詞必足資參攷而宦迹游蹤亦不以非邑產而屏之其  
編輯舊皆隨事附見法誠善矣然文或篇幅過長詩或首數  
過多頗覺繁重前代名勝圖志意專以景況物情爲主廣錄  
詩文愈足動人留連縣志則用備掌故非其義也或欲據此  
義法概行刪除謂於志體似較嚴正第相沿已久殊難爲此  
扞舉章實齋和州志別爲文徵八卷殆以錄之既有所嫌去

之則又不可乃變而通之以出於此同治時江西德化志亦立文徵一類而仍廁入藝文似非隋唐書經籍志藝文志之遺意茲仿和州志例別爲一編附列諸編之後倘有樂於披尋討論者庶足供其一覽事非選文敘次不以文體惟詩文則各從其類

文

學署題名碑記

彭瀛

國朝太祖高皇帝汎掃羣雄平定海宇首崇文教建學立師以育英才詔天下各道三歲一開科取士各府州縣限年各歲貢

一人又於儒學立碑刊其名氏官爵以垂列久遠故當時以科貢爲正塗師保經綸於內羣吏旬宣於外悉於是乎簡之與茲選者顧不偉與激浦自洪武以來登科貢人仕版表政績者項背相輝然儒學刊石題名之碑則未有也瀛早遊芹泮鏡志淬勵良用自勵第恨偃蹇場屋齋志未申成化庚子循例卒業成均得與天下士講論以資見聞既而掄次銓曹濫膺民牧之任每懷砥節礪名庶繼芳躅於前烈然昔之所勛者猶切於懷蓋恐歲移月改竟致淪沒使先哲以科貢顯者不聞於後則游學之士固無所感激而朝廷作養之恩亦負巫陽公暇乃涓吉捐

泲州縣志卷之六  
俸鳩工伐石鐫碑載歸豎於學署明倫堂側僭文以紀其上標  
題以注其下前列登科人物而以歲貢次之備刊年月名氏官  
爵於後庶游學於斯者得觀吾邑科貢人物之顯雲仍奕世之  
光亦將有所奮發興起此瀛立石題名之心也敢妄自誇大爲  
身圖哉雖然泲辰陽名邑山毓水秀土沃民庶當必有豪傑之  
士鍾靈產異特出以光昭前烈者則又礱石以俟宏治十二年  
彭瀛記

修黑神相公祠記

邑令楊再喬

距泲邑二十里許曰五都崑屋田舊有祠祀榮祿大夫黑神相

公不知所自亦不知誰氏俗傳爲唐南霽雲未可知也其曰榮  
祿大夫曰相公是必受封爵登膺仕有功德於當世而垂不朽  
者顧自有祠以來年代遼邈人之崇信尊奉無異一日疾病必  
禱水旱必祈商賈營運於四方禱而後行郡邑之討叛動眾有  
事於祠而後出皆有感卽應動如其願非神之精靈尙存能感  
應如響若斯耶然則以爲南公霽雲者殆其人也夫修短隨化  
有形必毀惟忠義之氣則死而不亡當祿山之亂漁陽擊鼓一  
動而大河以北無堅城其死鋒刃者不可勝數睢陽爲江淮咽喉  
地時若無張許偕諸將固守而保障之賊兵得騁而南則無

江淮矣無江淮則荆楚皆淪胥民將無遺類然則江淮以南幸得保全者皆賴其功也方其城守日久望援不至南公乞師於賀蘭進明斷一指以示一座皆驚此與秦庭之哭何異及城陷卒以身殉其忠也如此精神之所存又何閒於存亡久近哉潑浦故江淮南地祠以祀之禮也祠久幾頽邑尉東州李君慨然飾而新之以引祀弗替亦禮也是爲記

修潑浦西門外洛陽城碑文

邑令楊萃

夫洛陽天下之中也城潑浦而名以洛陽以此爲予肇造予籍洛陽故名耳潑據楚上游山連溪澗境接犴獠西南爲牂牁門

戶東北爲洞庭喉舌苗無生熟相遞爲奸城有圯修而乘虛罹變者不知幾百千年矣予初下車卽念此邦城卑人寡節年苦盜苦訟苦屯稅苦兵餉更苦無賴之徒出沒苗岡者勾引肆毒無有已時予受命來莅茲土忍以吾熒熒總總之赤子聽其魚肉於苗也生平自許當不其然乃朝暮求所爲答主顧奠民生者則修城禦侮其最急者乎頃奉府移文轉奉觀察蔡公諭令修繕城池剋期告竣予自率屬修築舊城外乃又慮關西及關南外生齒不下數千家忍獨棄之危地哉心不能不隱隱痛入然猶不敢輕舉也日偕捕廳縉雲鄭君相度隙地廣狹及關峽



緊要處遠近高低卜吉鳩工平基采石以創築外城廣延二百四十餘丈高可一丈三尺枕山帶水冠以隆棟圍以雉堞嵯峨蜿蜒屹若雲橫識者咸嘖嘖謂此城一建保障無闕堅若金湯且於四面八方風氣千溪萬派恩波振收幹旋無漏無滲而地方保世滋大之永利實肇於此矣夫始於不棄城外生齒一念而卒成保障人民挽回氣運之功固予之分子之心也至若民効子來功成不日者實藉鄭君調度得宜夙夜匪懈之所自至也勤勞哉鄭君弼成之功居多矣爰思爾民爾縉紳父老其自持念爾城今如何不隘而闊爾山川風氣今如何不類向之散

漫蕩逸而不收爾眾庶今如何不似向之驚悸於苗得以閒爲民而安心耕鑿則覩斯城也當必勤爾職業保爾身家士不難際風雲而龍騰虎驤農不難穰穰有秋工賈各不難熙熙得所而相與鼓腹康樂洛陽城不自爾民名爾民亦何自名洛陽城哉說者謂以城當與洛陽橋萬世同利予不敢知第願皇圖鞏固人民安堵令此城與洛陽橋之名永垂不朽則予與鄭君朝夕勤勞爲民生之初念亦不朽矣

世祀縣侯惕菴林公碑記

謹會基

縣侯林公諱龍采字景雲號惕菴閩同安人也出身鄉進士崇

澠浦縣志 卷之五  
五  
頑辛巳投澠浦令甫期年政通人和士民德之壬午癸未間流  
氛猖獗震鄰剝膚澠浦幾不保公學守堅定復集思於邑賢士  
繕城濬池練鄉勇開誠布公諭以忠義故得民之死力而澠賴  
以安先是公奉上檄徵逋賦獨我龍潭遠而僻積隱壅於上聞  
公緩帶輕騎一歲兩詣境深知民情土俗凡撫字催科一一懷  
以德禮激以分誼龍潭民咸德之每退食卽進諸生講學問業  
其緒論皆發明延平考亭奧義都人士薰其德而精進者未可  
屈指數未幾臨藍餘孽發難勢以龍潭爲壑公請於上出方略  
用山猺搗平之以寇攻寇不遺一矢會都城報警鄉之叛孽倡

爲紅兵之變吾謚族士庶義不附亂遂櫻其鋒罹難最慘公帥  
張典史周巡檢同都司泣請偏沅巡撫疏聞於廷發大師勦滅  
之龍潭以安澠邑以寧而吾家一綫亦藉以復全嗟嗟非公吾  
謚氏能有今日乎公莅澠四年秩滿考治行第一於崇禎甲申  
擢陞寶慶太守晉階粵西副憲事見李督師平猺功次上之報  
公優且渥矣吾謚氏世受公恩於九月二十六日當公初度恪  
立木主捧觴稱壽雖區區今日未足罄公生成之報然亦觀河  
洛思禹功持瓣香祝南豐之遺意也云爾

重修縣署碑記

邑令 袁丕基

歲乙丑予承乏激浦初莅治見夫清風徐來明月滿座蠨蛸作障罨葛爲帷前合民居後通學舍則激之所謂公署者如此何毀之甚也昔周禮以八法治官府百官皆有所居內而部寺省監外而百官庶府各因其職以爲名稱激雖蕞爾小邑均有臨民出政之責何獨毀也邑父老曰百年之內一燬於流賊再燬於孽寇近燬於逆藩今有一二可居猶前任潘侯修築功也余因慨然自勵曰視此爲傳舍則竟已耳然傳舍其署因之傳舍其官傳舍其官因之傳舍其心余不忍亦不敢乃謀所以修之捐俸鳩材不費於民自內至外漸次而成美哉輪奐無有也風

雨漂搖寒鴟剝啄庶幾免爾揣其力僅足以支廿年然持此意以勸後人或廿年之內更有好事如余者出其囊金循而植之則茲署也可以恢復舊制永垂不朽矣且此亦莫不有政存焉孔門諸生或治蒲莒或修單父東漢循良之吏報政於九真交趾之間諸葛君治西蜀橋梁道路靡弗嚴整君子以爲幾於先王之治況身爲民牧而不克庇所居以貽朝廷羞則其罪殆不止於傳舍其官矣余不忍亦不敢故修之非好事也不得已也

修文廟碑記

袁丕基

詩書六藝天下一轍也禮樂教化古今一道也孝弟忠信仁義

禮智賢愚一心也乃有知有不知有能有不能者何歟或曰山水有厚薄也或曰資稟有高下也余以爲皆非也卽如激浦桃谷鶴鳴諸山未嘗不秀龍江柳溪諸水未嘗不清五官具而嗜好同未必無聰明俊偉士不然人一己百人十己千吾道無不可至之功乃近求一廣博宏才科甲賢士寂然不可得是豈山水資稟咎歟或亦教者學者未深會夫先王立教之心耳先王樹學宮以隆廟貌設師儒以職教益聖殿所以尊萬世師使士肅然敬也堂曰明倫所以講學立教爲月課歲課地也啟聖祠明有親也名宦鄉賢明尊賢也余於康熙乙丑仲夏承乏是邑

滌象之餘首謁 至聖止見頽殿三間前令潘君眉方鳩工始事以望誤未獲告成然則學宮敗壞至此學何從講教何從立其無功名特達之士振興茲土宜也此不特非山水資稟之故卽教者學者亦無如何矣我皇上崇儒重道親書萬世師表匾額頒懸殿庭以悚瞻仰余敢不急圖修葺以振拔士氣乎用是鳩工度材磚瓦木石之需與廣文黃君一貞共節薪水勉力捐資復力勸諸生共勸厥成焉噫作廟猶作室也墀茨之不塗無以固吾垣丹雘之不加無以飾吾墉茲役也垣墉葺而教有以嚴丹雘施而學日以進肅然起敬勤其業不虛其歲純其志不

紛其心倘名世之才綿互而出山水不敢居功師儒適可承效則澉邑士庶之慶非予耀崇觀圖福蔭也康熙二十五年月日記

初修澉浦縣志敘

袁丕基

余惟志者志其古往今來之事修者因其成獻以修其未備也故余歷任冀之廣川浙之富春莫不有舊志以資參考獨至澉浦兵火頻罹斷簡殘編俱爲烏有前令潘君加意搜輯僅載封疆田賦之大略未敢以爲繩尺甚矣修志之難而澉浦之志修之更難也然或處順適之境得閒暇之時庶可不辭固陋以昔

年之誦讀參之父老採之閭里審之山川卽無文寧無補於志而無如初入澉境一望惟餘茂草四顧絕少烟村余甚怪之詢之僮父僮父曰無足怪也自流賊倡亂繼有牛兵慘毒我朝底定未久復遭逆黨盤踞六載屋宇俱歸燬燼男婦半斃鋒鏑其重役難支饑餓不免者復播逃遠避土田安得不蕪人民安得不少乎及抵治署外無城郭可守內無家室可居頽垣破壁竟同夜戶之不閉至於聖廟施教之地也而圯廢更甚於公署征賦司牧之責也而刁頑更抗於山陬苗獠亦境內之民也而負固漸流爲黨惡如是卽握髮吐哺焦心勞思猶恐不能仰副朝



延簡命之意以救民於水火之中奚暇爲闡幽表微之末務哉  
余因是飲冰自勵一薪一水必出自己財舊例之勞民力傷民  
財者盡行禁革勸之以農桑教之以禮義課之以學業寬之以  
賦役賴蒼天之德皇上之福山川鬼神之靈庶幾亡氓賦歸來  
矣農則勤耕士則勤讀矣學宮縣署捐俸之不足繼之以家資  
家資之不足繼之以樂輸俱修葺告成矣苗穡醜類不能久匿  
於光天化日之下而良者來歸頑者服罪矣然則既有此順適  
之境自與以閒暇之時惟志之事烏容緩乎矧聖天子留心國  
乘徧採民風修舉軼事余雖不敏斷不敢畏其難而置若罔聞

也於是稽之史策採之風謠親質於父老躬歷於閭里山川疑  
者闕之略者補之雖未盡知其古往或亦無憾於今來夫樸遯  
如余自不免漏萬之譏不文之誚然剗削成編上藏之石室下  
布之民間倘後之君子亦有志重修庶幾規模具在諒不如余  
始創之難也康熙丙寅季夏澈浦知縣古吳袁丕基撰

優學齋記

袁丕基

余自老年就童子試蒙西秦蘇夫子拔置冠軍十六入太學歷  
戰棘闈屢遭擯棄遂於乙丑冬謁選丞貳由冀而浙由浙而楚  
簿書執掌十有餘年幾不知筆硯爲何物矣乙丑莅澈澈爲楚

南邊鄙自逆氛擾攘十室九空問土地則蔓草寒煙問人民則鳩形鵠面城市蕭條衙齋傾倒前令毗陵潘君稍葺數椽爲退食補過之地余友徐子亦非顏其額曰優學顧名思義竊有愧焉幼多坎坷業荒於嬉長遊燕市幾虛跋涉學敢云優乎學未優何敢言仕富春三月殊辜尸祝之誠去富春之日邑人立祠觀山激浦經年僅見催科之拙仕敢云優乎仕未優又何敢言學然則徐子之意得毋謂力志於學可以不仕既出而仕不可廢學惟寸陰之是惜爲仕學之兼資余庶幾懋勉焉若云優學則俟後之君子

望遠樓記

閣在龍潭邑人龍梅構

向淑俊

余讀譔子戰雪詩文蒼蒼莽莽大家自命恆有不屑繩尺之概及與之交氣意豪宕如雲鶴朱霞翛然自遠所謂馳域外之觀而鄙蹄涔之見者庶幾其人歟余望譔子自崖而返矣譔子猶以兔園雉伏非其所耐嘗挈書劍歷覽名區洎倦遊歸來知吾道自有所在乃益肆志於學於是選勝鑿池環以竹石就池架閣顏曰望遠閣之勝迥與俗殊方其晴空豔麗青翠盈眸惠景沖和芰菱香繞籬綻彭澤之花徑迷羅浮之夢四時之景備足怡人若乃斜陽蕩柳素月輝梧閣影參差倒入池中雲影天光

渾然一碧。諶子其將以是爲菟裘地歟。諶子曰：否。否。望遠之意不在是也。噫！我知之矣。石渠天祿，遠不可追。方丈蓬萊，遠不可即。諶子將求之於日用飲食之間，而窮天地古今之奧，毋務速成，毋希小就。蓋記所謂舉莫勝遠，莫致者，步步擔荷而前，雖前不見古人，後不見來者，而心源證合，如日暮也。以是爲望，豈跂予可及哉。若夫登臨眺望，烟雲隱見，若遠若近，以成勝賞，直眉睫事耳。奚遠之云。

武有樂歸神錄文

張楚瑞

公諱有樂，字聖美，吾邑隱君子也。好施與，家無餘資。崇禎十七年，兵亂饑疫並起，流離載道。公攜粥與藥，病者飲之，餓者食之，全活甚眾。國朝順治六年，激浦爲牛萬才據，縱兵大掠。公爲兵所獲，驅爲嚮道，不可以刃脅。公公不爲動，旁一人俛之，叩其姓名，愕然驚起曰：公善人也。昨夢神告我矣。殺善人不祥，力請得釋，贈以粟帛，遂歸避兵山中。公亡後十年，前獲公者投誠後除鎮，尊百戶。自新化移營五寨，道出激浦，病亟已絕。復蘇，告輿人曰：我爲仇家所持，幾不免。賴武公救我，且云公已爲神矣。時土人有熊臘者，聞之嗟乎神之爲道大矣。攷公生平行事，非有大過人者，顧其方寸磊落，無纖芥可疑，故能不爲威惕而樂善一

念至死不忘古云生而正直沒而明神信夫

通仙洞記

荆自才

邑西三十里有洞名通仙具巖穴之勝載邑志欲往觀焉而未之至也甲辰秋步自廬山之麓迤邐而西至村落間民居稠密行者絡繹於道有山尾盤荒陬首注大溪巨石當道而峙上刻通仙里余曰異哉此卽通仙洞也詢之鄉人鮮知其勝者老叟前謂余曰子好遊乎吾與子遊卽欣然隨之往攜火炬拾給以登至洞中二丈許怪石下垂如人立叟曰此觀音像也又數武一石平闊如砥叟曰此石牀也更入而前幽邃窈窕老叟亦莫

名其處忽有石橫互岸然叟謝余曰吾遊止此子欲更進乎請自度而返矣余歎然不能已乃辭老叟攀緣而上舉火燭之窈而深廓其有容繚而曲如往而復愈遠則愈幽火之所及咸獻屬睫仰而視之巍然穹窿俯而察之坦然而蕩平環顧左右曠然四達令人心曠神怡覺此中別有天地不復類人間踟躕乃蹶然曰造物之爲此也異哉何爲而如是乎及更進燭以火莫知所底於是循故徑就熟路幡然而還追老叟及之語以所見老叟喟然嘆曰曩者自畫不思遠到今老矣乏濟勝具不克從子復何望哉嗟乎以斯洞之勝復當周道而人不之遊卽遊矣

亦止得半而止世之安卑近而畏艱深者大抵如斯矣

邑侯吳公修文廟碑記

夏永正

激之有學舊矣鼎革兵燹頽圯弗治前邑侯李公始建正殿兩廡丹雘乍塗餘未遑及侯甫下車謁先師廟喟然曰學宮重地顧可委諸榛莽與爰慨然以爲己任第激自兵亂後瘡痍未復待治於侯者非一以故心雖肫切事猶有待比期年則政通人和乙巳春乃進邑之紳士而謀之眾議僉同舉董事七人咸踴躍庀材伐石樂事勸功完者仍之壞者新之無者增置之明倫堂則儒學劉公所建櫺星門則邑孝廉舒宏訓暨邑庠武光

樞先後捐募同時告竣約費三百餘金浹歲而成崇隆巍煥稱大備焉先是省試自舒宏訓舉於鄉後絕響者三十載及廟成而向德一售邑人咸以爲葺學功而侯之惓惓於激者猶有厚望焉今天子稽古正學文教昌明永正雖不才敢不與吾激同志砥礪濯磨以仰承侯命是役也李侯始之吳侯蒞之左右襄事則某某也例得附書

邑侯李公修文廟碑記

吳正芳

激學自明季頽廢百年於茲矣今巍煥若是僉謂前任吳侯力也吳侯之言曰吾踵事增華爾可沒李公肇造功耶蓋李侯以



丙申歲莅任首重學校以舊學卑陋傳諭紳士謀更新之先是  
大成殿近桃谷口侯遷出十餘丈又增高四尺捐俸以倡鳩工  
庀材督視甚勤邑士大夫暨子弟多率私錢助者何一非侯倡  
始力乎比堂廡落成而侯以終養得請祖道日銜杯囑曰後有  
作者諸生慎勿憚勞侯之惓惓不忘如此嗣吳侯繼任亦以侯  
之心爲心續成厥美正芳恐侯之功久而湮沒故爲紀其本末  
勒諸貞珉以見吳侯之言蓋非虛語云爾李侯名空凡太原人  
吳侯名大燁錢塘人

新建明倫堂碑記

戴璠

溱浦古義陵地學宮在縣治東學署之南往時宮牆之美備雖  
不及見遺老猶能言之自流賊蹂躪城郭邱墟而學宮亦灰燼  
矣康熙初前邑侯文公在茲始斬荆棘闢草萊構堂而祀焉繼  
邑侯李公空凡復修正殿今雍正三年邑侯吳公大燁學博劉  
公慧珠同時蒞任見兩廡飄搖橋門頽廢黯然神傷進諸生而  
語之曰學宮爲首善之地文教之宗顧乃荒涼若是無怪人才  
寥落也於是捐俸庀材命諸生分理其事不數月而成煌煌乎  
稱大備焉獨明倫堂舊在聖宮後當桃谷之口地卑隘飲射讀  
法諸生至者咸不能升降成禮劉公悵然思改造之不謀於同

官不告於士庶毅然獨任卜隙於聖宮之旁益以學署餘基之半募工修建躬自督理前建儀門內列三階規模宏敞煥然改觀甫期月而落成日集諸生訓以綱常大義剖晰經史之奧旨被其教者明義理嫻文章雍雍乎家絃戶誦矣既而以學額隘公復商之吳公上請得改爲大學嗟乎吾教數十年來目覩清廟明堂之盛身被禮樂文章之訓久矣今復嘉興維新如此凡激之人士觀堂殿之崇隆如遊闕里之堂見 聖人之車服禮器焉聽明倫之鐘鼓悠然起忠孝廉節之心而羣思立德立功焉感廣學之苦心奮然懷振興之志而爭先恐後焉功在先聖

澤及後人微劉公其誰與歸故記之以志不忘

明月洞記

戴璠

事之有其名者必有其實然名可得而尋實不可得而見必因其所處之地與所遇之人傳之而後名實彰彰也吾鄉東南有石壑焉里人名之曰洞廣不過數十尋深入將里許左右層崖壁立下開而上闔仰視天光僅留一線中有一水自石壁湧出壁間透疊之池幽深難測非極輕猥之人不能援攀而視人遂美其名曰仙池池水溢而爲溪溪之兩崖怪石橫豎如人如獸形狀不可紀極穴中有芭蕉數十本雨露不霑而四時青郁人

遂美其名曰仙蕉石壁極高處有橋一經千百年如新造然橋下有古樹大數十圍枝幹扶疏蘭生其上隨風披拂人遂美其名曰仙橋曰仙蘭嗚乎仙則不可知而池之幽邃蕉之青翠橋與蘭之險峻而繽紛皆非人世所恆見者不識古今來所傳三十六洞天亦嘗有此否耶然則此數者爲洞所有卽皆可以名此洞而必名之曰明月明月果洞所有乎或曰有水一泓似月也又曰有石圓光似月也余自少及長游息其中求所謂似月之水不可得求所謂圓光之石亦不可得竊疑此洞之名無其實而名此洞者之多誣也丁未夏溽暑炎蒸不可耐因與家素

臣走避洞中備語洞景且告之惑素臣謂余曰公無惑焉幽異之境所在都有在乎人之能取與否鉅鉞非不佳也不遇柳子徒爲翁篁所掩石鐘非不異也向無蘇公終狗枹扣之陋洞之以明月名也豈無因哉當探討而得之由是把酒坐石劇談竟日樂而忘歸有頃村寺鐘鳴月上東山影從石縫中入映射池塘圓空瑩澈池光反照石壁閒明而不晦閃爍秋月余顧謂素臣曰子得之乎向之所謂一泓似月者月也非水也向之所謂圓光似月者水也非石也夫乃悟洞之所由名而悔予之得其寶者晚也且因是而有感矣士君子抱殊尤之姿僻居窮壤文

章可以名世而先達不聞引援行誼可以匡時而當道不假鑑識淪落邱園老死巖穴碌碌與草木同其腐朽者所處之地爲之也向使此洞而出於名都大邑豈不有王公大人爲之遊賞以表其名豈不有學士大夫遷客騷人爲之詠記以廣其實顧乃沈沒於荒煙蔓草止以供虺蜴之伏藏狐兔之出沒樵夫牧豎偃息而謳歌何莫非所處之地爲之哉甚矣地之能囿物也如是夫微吾兩人又安能使此洞之名實彰彰於後世也乎

明澈浦知縣王公碑記

邑令 韓宗蕃

政教行於一時而功德垂諸久遠澈浦固應代有人也往遭吳逆之亂典籍散失無存先賢行事多湮沒不傳獨前明邑令王公至今父老猶傳頌如前日事公諱祚久字象徵貴州平越人以太學生陳書闕下而恂恂淵默一以立誠濟物爲務未嘗託稜稜風骨以獵名崇禎時出爲令量移澈浦興行禮教以養士愛民爲急創立義學進諸生誨之娓娓不倦至今郁然成文物邦者猶是公所造之留詒也公至邑未踰年能具知村落遠近風俗刁淳民有健爭者父兄欲執之詣公被執者曰何敢煩公自持挺泣拜願受父兄杖以自改其畏且愛如此方莊烈帝時四方騷動有何將軍者領萬餘人駐城中糧盡將肆屠掠吏民

大懼公屢謁不得見勢急公掀帳直入伏地叩頭帥怒曰吾已  
乏食汝欲令吾軍爲沙蟲猿鶴耶公泣請以身代民且願以俸  
八百金布八百疋爲壽帥顏少霽曰吾卽自贍若士卒何沈吟  
顧左右而銀布牛酒糧餉已錯陳帳外士卒皆喜躍蓋公之籌  
畫以待久矣明日整軍行邑民猶震懾將軍感公至誠凡境內  
道路所經下令敢闕入者斬不戮一人而去父老旣聞他邑之  
被屠掠也泣相告曰微公吾其填溝壑矣此潞人之所以尸祝  
至今不已也潞水自龍潭下計灘八十有一險灘四十三公捐  
資鑿平之又築隄以收水利造麻陽船往來者藉舟楫利又清

盜源築城壘以預安民心故公所籌以待何帥者瞬息立辦民  
固信公之必有濟也及解組歸家人隨輿步從潞人爭齎糧以  
獻悉卻不受哭送數百里及今百餘年傳頌不絕其賢爲何如  
耶以兵燹後祀典久廢宗蕃承乏潞邑景仰前芳舉故老稱述  
者請於上得祀於邑名宦祠爰記其概勒諸石用志高山之思  
云雍正十年月日記

迴瀾閣序

邑令徐堂

天地磅礴之氣萃於山川而山川勃鬱之奇又有時借人巧而  
益發其秀靈翠山峙城西北隅乃潞水之一大關鍵也山勢祖



盧峯逆來盤互十餘里迎河流而直上去春余初赴激舟經過  
其下望有危樓百尺破山頭踴出俯視江岸表亭亭卓立之觀  
召附近居民詢之僉曰此迴瀾閣也嘻余奉簡命任父母斯民  
之責方欲爲挽頽流洗敝俗與百姓言更化則迴狂瀾於既倒  
豈伊異人事者問言畢汗幾浹背逮莅任後謁眾廟旋即登斯  
閣則見清波激揚曉翠浮空眾壑齊收羣山奔赴煙雲出沒日  
月升沈鳥啄之舌高張鷹渚之波曲抱龍盤虎踞砥柱西流所  
關係於通邑者不少若乃佛像莊嚴法苑宏敞琅玕拂檻金碧  
輝煌猶其餘事爲憑欄者久之吁嗟乎山川之秀氣振古於茲

閱千百年而一改觀者抑實藉人巧之極相助而使然也少頃  
有僧人號萬緣者叩予坐傍披破衲髮垂肩數尺形枯骨瘠頗  
能斷世俗緣中年方出家禮佛絕葷茹素守岑寂至深問諸藏  
經卻腹間無一字而輪回解脫之說宿悟頗靈悉舉靈翠山之  
始末爲予告昔山巔有彩雲數圍空中湧現歷多時方沒因跟  
尋其下抉出石毯一枚約如斗大陸離光怪供玩佛傍茲山始  
得以靈翠名吁嗟乎是果人巧爲之耶抑天地靈瑞之氣所鍾  
鬱而爲之耶今萬緣以素帖一部請予爲敘予因乘簿書錢穀  
暇聊抒胸臆更何容刺刺不休作許多空門禪寂語第使比年

澂邑民風蒸變果不隨其波而逐其流稍克慰予懷焉則人傑者地愈靈而迴瀾之閣卽長藉此以不朽也夫時乾隆甲戌九月撰

盧峯書院記

瀘溪令顧奎光

澂浦舊有義學無書院書院之建經始者前邑令徐君堂落成則今令陶君金諧而教諭周君克昌典史陳君憲章實襄事邑紳士荆君培向君嵐等實倡先而捐貲鳩工焉爲門二重門外濬池制如頰宮內爲講堂正堂翼以廂房東西齋房二十有六閒左右各有橫屋可容生徒百人宏敞整峻庖漏飭具又得捐

田三十二畝造官屋以取租存餘資以生息經費無訕乃延師定課程立條教於是規制大備爰寫圖敘其大略屬記於余余恭惟國家誕敷文教洋溢遐邇澂雖避遠應試者二千餘人文業之盛甲他邑書院旣設將選其尤異者策以古人根本之學必有雋才髦士出於其閒記曰獨學而無友則孤陋而寡聞易曰麗澤兌君子以朋友講習濂溪言師道立則善人多今廬而膳之有講習之樂無孤陋之病矣然學當以立志爲先師友則誘掖獎勵所以成人之美者志立然後能親師取友以集其益曾子曰君子以文會友以友輔仁誠志於仁故思輔以友友不

易得故思會以文若其無志於仁友與文安所用哉後世教與學日不逮古古之學者務於修己治人而以詞章記誦爲俗急功近名爲小今詞章則言制藝功名則言科第舉世鮮或非之且從而慕之其師友所相勸勉亦無尙於此者以名公巨卿皆由此出而未可輕議耶抑以明經取青紫稽古得車服如昔夏侯勝桓榮之倫猶昌言以勸而無甚高論耶抑姑從其末而誘進之俾循循然沿流沂源漸以究極其本耶若夫以世俗所以教與學者掖之而趨尙不克胥用勸則其造就更無可言也已朱子曰書不記熟讀可記義不精深思可精惟有志不立直無

可如何夫文章學之餘事猶必無慕於速成無誘於勢力庶蘄至於古之立言者況其進於是如修己治人者哉學者不可自尊大亦不宜卑淪儕俗妄自菲薄如世俗云云也凡立志務先破速成苟就之習而輔以師友恢宏見聞累進日上以希古人如是則今之方領矩步雍雍函丈間者卽異日之偉人詰士也然後可爲學校之光無負兩君育材興德之意否則挾書於肆交臂於塗羣居遊談而已安所得益哉君以名進士來宰潞廉勤精敏吏民畏懷是役也不疎不怠以葺前事惟教化之急而不屑表暴以飭吏治尤異乎用爲美觀而不誠者余爲之記特

闡立志之義蓋欲肄業於此者先固其基趾而後勤其垣墉墜  
茨亦君意也徐君河南祥符人戊辰進士創始於甲戌訖丁丑  
凡四年而竣其輪助之籍工費之數別鐫諸石乾隆二十一年  
記

甘雨樓記

顧奎光

乾隆甲戌余頗奉檄至潑浦時同年友徐君栗園爲令余至輒  
止宿官舍有桂樹大合抱數百年物也意甚愛之顧瞻堂後有  
樓勢且圯交木枝拄人莫敢居亦久無葺之者栗園調衡陽陶  
君適齋繼至余嘗問是樓無恙否則交木枝拄如故適齋自治

事讀書外於居處服食輿馬之好泊然不動其心又甚貧余固  
不擬適齋能新是樓也今壬午夏余妹婿楊子雍度爲盧峯書  
院山長貽余書云適齋改作署樓落成之日時雨濤然舊名達  
觀今日甘雨所費白金三百而羸靡纖毫取諸民惟吏胥輿臺  
歡呼趨役禁不可止子盍爲文記之余曰噫愚矣哉適齋之爲  
吏也然愚如適齋始可言實政矣夫吏而才者涖一邑未暖席  
則檄而東西走旦夕顧望調繁劇地以去修舉廢墜旣未暇爲  
苟稍久其任輒自謂淹滯精神弛頹百務苟簡屋漏弗補牆壞  
弗築甚乃撤舍而圍伐樹而薪其爲身家計如不終日於民乎

何有孫可之言舉今州縣皆驛也吾讀而病之唐時刺史縣令任輕而數更易故孫氏云然今者任之重且久顧亦驛視之何居適齋治漵八年於職分所當爲者無不克盡所修舉者因民心樂趨而成之不勞民以爲民迨上下相孚氓庶大和訟獄清簡以餘力所及而新是樓需之也暇豫不棘其欲以逸己也成之也堅完不弛所職以貽後人也官斯一日則盡吾一日之事無覬望快悵急遽苟且之私於是適齋之實政悉見而樓之美觀固不煩記述也余與適齋先後官湖南皆無以爲家常欲於故里買宅以居而力皆不足竟無一廛之增余旣自笑其拙而

更以笑適齋之愚顧其愚洵不可及也爰書貽適齋並志其落成歲月於碑左

橋江增立義渡碑記

邑令陶金諧 南城

橋江故有義渡一爲漵民艾段向楊葉張六姓捐置行人便之我國家休養生息木拔道通往來益眾渡者爭舟有覆溺患余以公事至其地爰申禁令每渡毋許過十人念欲增立渡船時修建繁未遑及每一經過杼柚予懷也乾隆辛巳夏民某等以捐義渡竣乞文刻石問捐募幾何贍渡田幾何則曰某等初募時未敢必有成也乃募於新化邵陽之同寓於漵者得銀若干



增置舟一買田九畝一牙餼長年幸足集事懼久而遂湮也敢以請某等皆寓民非富商大賈比而汲汲於利人濟物可謂善矣朱子曰一命之士苟存心於愛物必有所濟夫匹夫匹婦之微其力固有所不及者矣而一念之發卽與天地之心盎然相接又況生於心必著於事著於事必及於物則焉有不濟者乎且人之欲善誰不如我我則爲之人烏能已大道之行也天下爲公人不獨親其親不獨子其子貨惡其棄於地力惡其不出於身由此而推也而吾能無望乎抑又聞之鄭子產以乘輿濟人君子病其不知爲政諸葛武侯治蜀橋梁道路無不修理古之循吏能以一方之財興一方之利修廢舉墜如是而余未能也惟是二三父老各勉其子弟敦善勿倦用勦助長吏不逮是則余之厚幸也夫

復修城隍碑記

陶金諧

傳曰有道之世其鬼不靈非不靈也鬼神聽命於上而下從民欲其不靈也乃所以爲靈也欽惟我皇上建極綏猷百祥奔赴曰暘而暘曰雨而雨大小百神影動響應時和年豐民生是時熙熙焉穰穰焉含哺鼓腹乃歌帝力乃報神庥此汝南縣城隍廟所以重修也考神之祀始見北齊書至唐而盛散見於詩文

史冊者非一先儒言既有社不應祀城隍近王崇簡尙書謂蜡祭入水庸居七水卽隍也庸卽城也恐未足據然門戶中雷之祀未有宮室以前應亦無之古聖人因物之制而明命鬼神以爲黔首則旣如此今州縣之制異於古初以明準幽理固無二所謂禮雖先王未之有可以義起者且鬼神之靈由人心而生記曰視之而弗見聽之而弗聞又曰洋洋乎如在其上如在其左右非人心之誠所蘊結而爲象者乎人以誠感神必以誠應廟而享之亦惡可已又況神之祀著於令甲固在聖天子懷柔之內者耶乾隆乙亥春余始蒞潯有事於廟罔敢不恪也丙子

夏旱禱於神而雨庚辰夏又旱禱如初五日而雨歲連年大稔邑人歡欣鼓舞謂神之報如響功不可忘請撤而新之余則聽許越一載而成輝煌巍煥式增於舊焉匪維著神之靈昭茲來許抑以見聖世咸和萬民庶徵丕應蓋無遠弗屆也猗歟盛哉昔歸有光作長興縣城隍神記極著靈驗謂其決大疑治大獄則心開朗皆藉神力其後卒免於謗然使郡倅葺廟繪像神其福之乎故書曰吉凶在人災祥在得也余治邑無狀遠不逮古人遇一二疑獄輒似有告之者故知歸公所言非誣敢附書之以告後之君子成民而致力於神者其捐助之數則另勒於碑

辛巳歲某月

重修文廟碑記

陶金諧

古之學者必釋菜於先聖先師故明倫之典建學爲重廬陵歐陽修有言學校王政之本又曰宋興八十有四年天下之學始克大立蓋喜其盛而惜其遲也我朝崇儒重道天下皆立學宮置學官弟子員海隅徼塞莫不然矣潞居五溪上游康熙初年前令解鑄始立學宮士皆爭自濯磨以應文明之治嗚乎盛矣余甫釋褐承乏斯土瞻車服禮器與諸生歲時習禮余則滋愧矣然可不謂厚幸歟乾隆己卯春雨泛溢廟牆將圯余急謀新

之諸生前請曰學宮故址在今櫺星門前令吳大燾移建今址邑科目漸衰且近山麓湫隘請更諸爽塏者余惟青烏家言不足信而地卑溼非所以妥 聖靈筮之襲吉爰遷於舊址甫鳩工是歲文武售於鄉者三人士民咸喜襄事益勤越二載而竣爲費一千有奇余既喜廟貌之新而潞人之相與有成也乃進諸生而告之曰科名者仕宦之始事焉爾而非所以爲學也董子曰正其誼不謀其利明其道不計其功夫董子所謂功與利者皆有所樹立以傳於後世而聖人之門五尺童子猶且羞之又況擔圭析爵鐘鳴鼎食之榮則昔人所不屑者以是言學猶

卻步而求前也且三歲賓興所得千有餘人令試盡舉爲聖賢之徒夫人而知其不可矣國家設科取士將使由流溯源循名責實士君子立志不當爾耶源遠者流長實大者聲宏吾知吾學而已科目何與焉詩云濟濟多士文王以寧又云糾糾武夫公侯干城蓋言尊賢養士之效雖置兔野人而材可用猶如此也今得無有被褐懷玉而席珍待聘者乎抑有守先待後而難進易退者乎果如歐陽子之言士皆明秀俗興仁讓余與二三父老獻酬樂歌頌太平之盛事豈不麻哉若夫明經而取青紫稽古而榮車服如夏侯勝桓榮之徒則非聖天子菁莪棫樸之意而余亦不爲激人士願之也既以語諸生因次其語以爲記

續修激浦縣志敘

陶金諧

古者仕宦不越其鄉士當跼伏時儕偶與偕憂樂與共泊莅官行政宜於民生利病政事得失無不周悉然右史左圖猶勤紀載況以羈旅驟臨民上才者或不待考而遷其初可以有爲常患未知其後知而欲爲又已無及不有志也烏由知之周禮行人以達四方之志蓋其重也乙亥春仲余待罪義陵首詢邑乘無有也閱一載始見袁志猶有不醇不備之憾然邑之遺緒賴以少留及罹回祿之燼而書罕存者後人所補十不逮一則愈

不足觀矣且袁志修於康熙丙寅距今七十餘年中閒風俗遷移政令損益已非一端閒嘗徵文考獻日記月錄欲別爲一編以俟後賢採擇初未敢以志自任也庚辰夏同年吳雲巖侍讀視學楚南相見於辰談次以志見屬友人顧雙溪亦以書相督促會楊雍度自無錫來爲盧峯書院山長乃屬以編緝案牘餘暇余亦與商略焉余惟古人先憂後樂之旨勢有先後而理實循環當袁令修志時哀鴻甫定民有幸生聖世之樂矣而屯衛之橫驛站之擾土曠人稀猺獍俗悍未嘗不反覆言之使及見今日其歡欣鼓舞當更何如然豈遂可因循恬熙坐享太平之

福耶余於志中已詳著之而書不盡言詞不盡意者尙多夫前人之憂誠切皆民所欲去也故順而易茲則父老子弟安常襲故若不加牯牛獺豕之義而更張無漸日從事於刀筆筐篋且有不如其舊者則紆而甚難我朝一道同風大化翔洽後之視今猶今之視昔優游泮渙有扶杖以觀德化之成者是書之作旣以見前人之憂自茲而終來者之樂自茲而開余以不才謬膺民社日置一編座右念所以勤民而補過者亦於是乎在顧牽於吏事學殖荒蕪言之無文良因自慙第於國家化民成俗之意與長吏修政齊教之宜或亦登高行遠之一助云爾乾隆



二十七年冬月知汝南縣事南城陶金諧撰

橋江許旌陽廟碑記

陶金諧

江西理學節義文章名天下吾鄉人僑寓者多祀先生先生令旌陽有惠政於法得祀世俗豔稱者則曰神仙先生蓋嘗膺神功妙濟真君之封也宋時宮觀最盛封號亦濫未足爲重世傳先生少從吳猛學後猛復以師事考晉書猛傳不言爲弟子且葛洪幸靈輩皆有傳而先生事軼之是可疑也今靈異著者莫如南昌鐵柱觀豫章書所謂於牙城南井鑄爲鐵柱下施八索鉤鎖地脈者也然浪動濯嬰井潯陽江上風朱文恪據謫仙詩

訂之矣他如諷王敦讞康七則援他人事傳會稗官類然蓋不足辨書又言海昏有巨蛇噓氣喻人吞噬甚眾先生仗劍除之此如周處斬蛟射虎事理可信者詩曰維桑與梓必恭敬止樹猶敬之而況禦災捍患有功德於民者乎宜吾鄉人尸祝不已也汝南廟有三在橋江者差狹小然整肅乾隆癸酉某等合眾力成之余以公事嘗憇焉壬午夏某等乞文勒石且因楊子雍度以請余於先生爲鄉後進性懶漫不解內外丹之旨作吏茲士又未嘗有利濟事何足以知先生而請者益堅旣嘉其意又重違楊子命遂撫所聞以爲記

烈女張敬芳墓表

陶金諧

嗚呼死難矣未死時則易言之及刀鋸鼎鑊之旁能慷慨殉者何其鮮也若烈女者乃以韶年弱質視死如歸可不謂尤難乎不幸生窮僻無文人學士表章之彤管不書輶軒不采無瑕之璧糞壤同埋悲夫余修邑乘喜聞古節義事傳之邑生張嘉韶出其曾祖楚瑞所紀烈女敬芳死事且言亂定後請旌不果今又百餘年矣懼久而遂泯也願乞一言夫烈女不難以死成名余其敢以不文辭按烈女姓張氏生於明崇禎六年父士享明貢生仕至九江府司馬致政家居順治四年王師定辰州賊大

潰四出剽掠烈女隨父士享避兵統溪轉徙桃子沖為賊搜獲金帛既盡迫以行不可士享護之力賊揮刃中頸仆地烈女益憤大罵賊知不可脅遂遇害後士享復甦走避他所得免越三日乃出尸殮顏色如生烈女幼許郝氏子未字既聞亂外間訛言郝氏子被害遂欲以身殉士享寬譬之乃止既而寇逼士享泣曰汝將奈何烈女曰兒嘗讀書念之熟矣今日不幸至此如天之福得終事大人幸也否則死耳復何言蓋烈女幼慧淑通大義稍長得曹大家女史朝夕披吟每至節烈事未嘗不留連反覆臨難能踐有以也夫方寇警時將出避烈女取巾帨之屬

瀋浦縣志卷之五  
三十一  
囑婢藏之曰吾不復此及之統溪過諸舅室見惡棺曰吾將卧  
此人訝爲不祥至是變生倉卒無以治木卒以前棺殮人又疑  
其先見也葬於桃子冲蓋舅氏舒族祖塋傍未立碑余嘉烈女  
之節既撮其大者立傳復詳著其事授嘉韶使刻石以表其墓  
嗚呼烈女已矣致命遂志歸潔其身豈復計百餘年後尙有人  
焉大書特書而表諸墓門然當賊肆掠時必有與烈女同其死  
而不得與烈女同傳者可慨也然則烈女其猶可不恨已夫

義士唐元宗祠記

楊鴻觀

激浦接龍橋舊有明義士祠義士姓唐氏諱元宗字丹巖幼負  
才遇事敢任年十六補博士弟子員有聲譽激在萬山中惡溪  
靈洞皆土猺窟穴嘉靖三十八年猺叛大爲境患元宗首建平  
猺策事洩竟爲猺所殺先是元宗父琮哲好任俠善養士能得  
人死力至是客有代琮哲走京師伏闕上書以事白者上詔石  
總戎邦憲將兵討賊屯軍白馬山諸猺恃險負固來往崖谷捷  
若猿猱士卒不敢進石公遣愛子編於行陣閒親督戰軍猶疑  
豫乃斬愛子以殉士股慄遂殊死戰直抵野豬窩生擒首惡沈  
亞當等斬獲二百有奇土猺遂平昔時稱孟嘗君能得士士皆  
雞鳴狗盜之雄議者病其不能南面以制強秦今琮哲之客獨

能爲元宗復仇因以翦除一邑之患雖古豪傑不是過而琮哲  
能使人樂爲用其氣誼必有服人者然向非元宗之死則永陵  
之世方上下相蒙以養成大患激民且普受屠毒是則功雖成  
於石公而實成於元宗父子元宗英年死難捐軀命以衛鄉邑  
記曰能捍大患則祀之今激民之祀元宗禮也乾隆辛巳余來  
激浦預纂邑志得其事於採訪聞恐湮沒無傳也乃具錄於碑

文徵

卷三十至卷三十二



激浦縣志卷三十

文徵二

文三

重修文廟碑記

教諭 周克昌

古來學校之盛衰關乎政治之得失記有之曰君子如欲化民成俗其必由學乎有虞氏設米廩三代以下莫不有學其教人之法務使人人盡其性以要於大成而非徒舉釋奠之事著爲令也唐貞觀四年詔天下專立孔子廟先賢先儒得從祀廟中俾天下士知所宗仰而無歧趨之惑我朝龍興崇儒重道以

學爲先禮更大備所以涵育薰陶者百有餘年矣然子衿挑達之風或未盡絕無他趨向不端則學術不正學術不正則士習不醇夫士習之不醇繫誰之責耶今夫地之美者善養禾吏之良者善養士自官其土者不能崇實學行實政以禮樂爲士庶先惟是月之望朔躬詣文廟講讀律令奉行久成故事其於士風也固安得有所裨益蓋上以文貌襲之下卽以文貌應之盤圓則水圓孟方則水方道固應爾古者魯僖公振興文教鸞旂芹藻大小從公詩人歌之夫鴉集泮林尙懷好音況濟濟多士乎乾隆乙亥江右名進士陶君來宰掖浦一切興革大政黜浮

崇實能不負所學退食之暇常進邑中賢俊子弟講明大義以立品居心相勸誠殿羣者去之不稍姑息六年閒士風蒸蒸日上變矣掖邑文廟逼近山陬己卯春山雨偶漲學宮舊址漸欲就圯多士謀欲遷之商於余余惟秉鐸茲土職守學宮而顧聽其風雨剝蝕是誠余之罪也急偕司訓吳君姬肇詣縣代爲多士請君慨然任之捐俸以倡邑紳士舒天性等咸相勵而趨爲之擴以繕垣砌以文石輝以金碧繪以丹青越二年而功竣門序正位講藝之堂輪焉奐焉前此湫隘氣象倏然改觀蓋君之區畫爲至周密矣余得濫竽其間奔走襄事以觀厥成而率作

勸工則又陳尉憲章之力居多嗚呼學者讀聖人書而棟宇莫之或治是本實先撥亦安望有進於古幾何不流入異端而莫之止耶今多士於斯廟之舉能相與有成則趨向端矣由此而進之夙夜強學以幾於大成則聖人之言可考聖人之法可求先於正心誠意明其體極之家國天下達其用風俗之成也有日矣異日式諸廊廟大言入而大利小言入而小利以仰副聖天子建學明倫至意其效甚廣而願甚奢也然吾於君之一倡而四境皆如響應者必之秉鐸斯土者與有榮施焉遂援筆爲之記

重修文廟碑記

訓導 吳姬肇

澧浦縣學作於宋毀於明末兵燹我大清崇儒右文百餘年中凡一遷五葺而規制猶未合宜且逼近山麓燥溼不時有朽蠹患乾隆己卯始改遷今址堂殿門廡巍然煥然過者色動神竦僉曰陶公力也古者明倫敷教建學爲先昔賢言之備矣周官大司徒施十有二教其一曰以祀禮教敬則民報本反始而不苟是以大學始教皮弁祭菜示敬道也蓋天下不可一日無教則學不可一日廢於天下然盛衰升降則視乎時視乎地尤視乎人明之季也澧邑城野邱墟洎我朝定鼎後又陷溺於吳逆

之變官斯土者救困扶傷不給而斤斤以修建爲事雖因陋就簡不無遺憾然亦時爲之也迨休養生息涵濡百年士風駸駸日上矣乃學宮宅於湫隘風雨剝蝕登斯堂者曷由觀感興起則地爲之也賈誼有言移風易俗使天下回心而嚮道類非俗吏之所能爲也俗吏所患在刀筆筐篋不知大體而王吉亦言吏設刑法以守之變而不可復是以戶異政人殊俗質樸日銷恩愛浸薄由是言之欲驅一世之民躋之仁壽之域固非其人不可也侯以江右名進士宰潯以實心敷實政越六載政通人和年亦屢豐乃度地遷學期年而工竣適歌鹿鳴賓興者文武

三人氣化人事相與有成如此非得時得地得人之驗乎顧宋聞之古之建學置官立師獄訟聽於是軍旅謀於是始於比閭設於州鄉本於庠塾是政從教出也而東坡以爲難若程朱學校之議今國家太學已施行矣州縣則限於地而廟與學分爲二故書院之立著於令典則古庠序遺意分而未始不合也侯蓋又嘗創盧峯書院樂育多士庶幾所謂政先而教後者歟昔文翁治蜀起學宮於成都令子弟受學由是比於齊魯胡瑗教授湖州條科甚具弟子皆恂恂雅飭不問而知爲先生門下程正叔亦就瑗學後卒爲道統正傳黃河之流始於濫觴參天之

木基於拱把不信然與余忝司鐸萬萬不逮古人第恭從明府後激濁揚清仰副聖朝尊賢養士之意激雖僻處五溪必有拔茅連茹爲邦家光者余老矣猶將拭目俟之是爲記

補葺文廟碑記

舒才博

興廢舉墜有合乎人心之所不言而同然者不必大力而始集事也然或用爲美觀而意不誠則易成而速敗自非誠一端慤之士鮮克善厥始終者也激邑之有文廟凡五葺矣至是復就剝落勵齋祭夫子握鐸篆其尊人定川太翁者夙昔以培植根本爲務命勵齋釀金重修邑人士咸鼓舞勤事其始不過爲

補葺計旣折視則棟薨蠹朽丹青汙漫舊材之可因仍者無幾矣大成殿前其始卑而弁則軒之使高崇聖祠文昌閣舊於重簷之上多其棗拱莖附相銜今則易其制使樸屬可入兩廡各析爲三室以藏主其旁爲齋宿所者二爲祭器樂器庫者各一魁星樓舊制僅存其名今則爲樓置像可梯而上綺窗交疏繚以周垣泮池橋石去其齧缺其池畔殿前之欄楯殿內之承塵殿東偏之辨祭所門外之碑亭皆新設者也大成門正其傾欹牆垣則撤而砌之脊有鴟吻簷有鈴鐸壁加黝堊庭甃密石榜題神主煥然一新名爲補修而事實難於創始太翁目營



手畫早作夜思賞費出入錙銖皆有籍記而同人楊君方熙舒若常魁皆以長才佐其經理故綜理縝密工鉅而費省焉是役也不求速成不務塗飾此其誠一端慈之行吾黨所宜觀法而弗替者工既竣志其顛末以無忘太翁嘉惠吾庠之至意云

牌子田復修關帝廟並置祀田記

劉紹濂

甚矣世風之難言也古人以經術經世而今人以經術欺世蓋學之不明於天下而泯芬胥漸以失其性者久矣欲舉世以陽明克其陰濁變晦盲否塞飢饉渙忍之天下而爲青天白日雪松霜柏之天下自非奉一動律經術剛忠迥出者以磨勵而激

發之未見其能勝也孟子處鄙薄頑懦之世而思與救藥標舉夷惠蓋起膏肓之一大良劑而世鮮有識之者我國家乘御海內蕩滌滓穢聿崇祀典特隆漢壽亭侯前將軍雍正二年追封三代尋下所在有司春秋祭祀其所以報其翊運之功而體先王神道設教之意以移易生民者可不思其由乎濂嘗奉其傳讀而私淑之蓋夫子剛忠之性負於天者亙古鮮儷而其成於春秋之學淵源不遠一以正名分嚴亂賊爲主故其性益得所扶樹而行誼之在人者內外瑩而本末一致也當漢季炎網垂絕四方盜名字者接踵錯壤夫子奉其春秋之學靈獻既不可

得而輔而於草莽中得一帝胄之先主遂力敦其所學之實旦夕期成大業雖崎嶇兵戎頓轡肘掣濡染百端而持之愈堅觀白馬之投以爲鬼域之阿瞞而亦諒其爲主之心可以想其磊磊明明矣迨其後敝樊拔襄震動許南天若祚漢乘破竹之勢長驅宛洛聲援漢益荆梁首尾衛如率然顛鼎可凝失鹿可逐顧乃以兩黠賊竊鼠狼啞於四戰之地使夫子不克收復大物而飲恨於九泉然夫子之大節亦已貫日月而塞天地矣況一身存沒關漢祚之斷續而豈偶然哉夫夫子之負其性以成於學者極天下無以易而光景之常新也經臙蝕而愈出則夫子

實萬世之夷惠而今日之特隆以示訓固與子輿氏異世而同符也激邑舊隸武陵霑濡德惠報享無窮治東六十里牌田舊有夫子廟雍正末予世父輝光族兄紹夔及舒志瑞鳩工修葺置屏以肅今夔伯子忠與里人常鏗舒志巍等猶共隘其規謀夫之增置三楹更購香燈田五畝以永其祀擇祝主祠無不踴躍解囊者訖功屬序於予予曰是有得國家設教之意也因撮平日所私淑於夫子者以告里人他日夫子之學明人皆確然自得其所爲性而士大夫或有以經術欺世者知婦孺必起而訶之也是舉也捐金者皆得例書

白雲山寺新修羅漢碑記

劉紹濂

白雲山寺舊無羅漢有羅漢自赤巖上人始上人往與予讀書山後之塔院慕吾平易中正之道思欲登堂嚙齋抑志不輟自後予思爲羅浮之座游嶽麓者數年歸訪上人話曩時意境而其言出入內典予又知上人精心禪窟旨也不能深辨又無閒得辨今年春歸里丐予羅漢序且曰國家龍興百年斧斤聲相尋諸蘭若象教煥興而白雲山稱名利以無羅漢聞羣謂叢林缺舉病久欲以廣長舌徧慰諸檀那廣大願而今始得就其無吝一言序之予不獲辭因於上人乞半閒斷舌作鸚鵡語曰上

人其謂昔象教無羅漢耶予謂並無諸佛菩薩也今象教有諸佛菩薩復有羅漢耶予謂並無羅漢也更無容言四百九十九人會佛法盧行者不曾解得箇秘則知昔者非真無而今者非真有得也卽下一轉語謂昔者非真有而今者非真無亦得也漆園無無鹿苑空空一鼻孔出氣固不從語言文字尋箇人處上人妙契宗旨持此默質當必無語第勿謂居士饒舌他日續入傳燈錄又添一重公案也羅漢得道與辟支不同全由佛教以聲聞爲名祝髮者頗知之其名狀雕工亦能言故從略焉序畢以其意向上人索棒作偈曰雲山幾萬祀林石染蒼紫落錫

自何人雕茲諸象美不雕羅漢象深意或相埃赤崑瞿曇種倡  
修良有以醒者不謀睡行者不謀止當年一念真千載亦如此  
爲我語吾師幻身無人已羅漢佛菩薩諸相無異視三元並五  
禪況乃宗門旨昔無今非有斯義靡存毀願指波羅提親證至  
妙理羅漢十八尊十八尊一耳乃至無一尊雲山剝平水到此  
更灑然跏坐遊無始上人法諱茲青赤巖其字

後漢書南蠻傳辨

劉紹濂

南彝之稱雜見經史書云三苗詩云蠻荆史記前漢書云夜郎  
皆南戶種類也卽南戶傳之星宿海也初無所謂槃瓠其說者

自東漢末應劭撰風俗通雜取詭俚之語標爲槃瓠之稱自矜  
博洽而不知其無識不典實甚也然劭非有柱下絕載之繫恣  
其醜記著爲創聞不過博文人談鋒一快耳夫何宋范蔚宗者  
作後漢書冀光石渠上嗣馬班率臆拉引漫無別擇乃翻遷固  
之局於西南戶傳上加入南蠻二字而援應氏詭俚之語冠於  
其首無識者流增衍爲說益以滋蔓勢不能家置一喙則亦不  
可不著論以破之也嘗試卽其說而辨之大抵其妄有八犬戎  
者山戎獯鬻獫狁之總號也南戶從無此稱今云高辛氏有犬  
戎之寇帝患其侵暴云云則是猥以加之武陵蠻殊駭聽觀其

妄一吳之得姓以泰伯將軍之官自戰國高辛氏之代安得有將軍之稱者乎其妄二且云征伐不克則吳將軍者其人必悍勇其黨必繁多其巢穴必險阻槃瓠一犬耳雖獠驛如葵要非其敵安所得其頭而銜之其妄三高辛氏建都於亳今歸得府商邱縣是也商邱至今辰郡水陸三千餘里中隔洞庭之險槃瓠以一犬往返三千餘里又銜一人頭保無伺而奪之角而斃之者且又安能走天塹如康莊耶其妄四高辛氏列稱五帝其少女則堯與稷契之妹也以配畜雖至愚不爲而謂聖如高辛氏而爲之耶其妄五令不可違屈就女配卽如其說前者以犬

銜頭而來今又以犬負女而走經涉旬月踰遠越險如入無人之境而近在數舍之內事理之必無者也其妄六武山石室傳在瀘溪非有甚阻絕也況犬可以往豈人不可以至乃云遣使尋求輒遇風雨震晦若迴非人境者其妄七槃瓠之子旣以先父有功母帝之女立之君長賜有印綬厥後唐堯嗣位南蠻爲其外甥虞舜繼帝南蠻爲其親戚二代要服之國瓜葛歷然何并未見他書耶其妄八夫此八妄如癩著面有目共覩初非吹毛求疵也范氏乃不能燭其紕繆正告天下而至援以立傳則非應氏之妄而范氏之妄也當時自謂整理無愧又云體大思



精卽此而觀吾不知其所謂整理精大者安在也又夜郎之侯遠在漢先其見於史漢二書者夜郎稱侯則有多同其後封王實惟元狩而牂牁置郡亦卽在元狩年間范氏乃援華陽國志竹姓稱侯之說若夜郎之侯始於漢武帝者且牂牁置郡顯載元狩范氏以爲元鼎豈范氏目未見馬班二書耶況二書西南厓傳於武帝錄至元封二年若有其事馬班先載之矣何待常氏撥拾於後而范氏不據正史而據雜記亦誣且僻矣哀牢之傳謂婦人觸沈木有妊十月產子男十人其小子曰九隆共推以爲王是爲哀牢之祖荒怪不經亦本風俗通與郡無涉故不

辨

陶公壩碑記

張嘉韶

垣名陶公志德也昔范文正公在襄城植桑民號著作桑寇萊公在巴東樹柏人號萊公柏男以鄭字子以賈名其德之小大不一而皆卽物以志其人因事而定以名示不忘也初吾鄉分兩岸各有垣皆起自前朝洪武閒一據下流灌涼兒灘下田坪等處水力平衍垣歷久不崩是爲舊垣一據上流灌向家坪武家灣等處水勢高激工成難堅數築數崩連年補塞是爲新垣卽今之陶公垣也乾隆丙子四月大水田地淤沒甚多新垣崩

裂邑侯陶公親驗謂田之被淤者猝難復興而填之被衝者不修則未淤之田有渴旱患功當先其急者而鄉人懲往事且功難就憚焉雖填長張克相日夜糾工弗應也家君憂之以違令告公乃敕吏督修彌月功成其後歷年田皆次第興復而填堅固無崩裂患田獲水利年遂屢豐語曰成大事者不惜小費規遠計者不屑近功詎不信乎於是鄉人咸感公德請更名立碑於泐波廟中而以記命余余思公之在吾邑重農禮士清弊除奸吾鄉風醇俗樸被德尤深邇來盜賊不入獄訟不興桑麻畜牧蕃殖無在非公德何獨於填名而志之蓋德之普及者不覺

而事之特著者易感亦猶夫桑柏名字之志云爾是爲記

禱雨楠木洞記

黃思芝

邑北二十餘里有楠木洞當盧峯東麓穹窿繚曲莫測其底相傳有龍湫在其中歲丙寅五月不雨邑侯經圍李明府戒壇昕夕祈禱既而念歲有旱潦禱於境內名山大川禮也越六月辛未偕文武同官禱茲洞是日邑父老子弟結旛載旗以從者數千人侯屏蓋笠著芒屨科頭行烈日中攀援踰長坂者三抵洞口鞠脛陳辭亦責亦訴禮甫成俄見陰雲微布似有欲雨意及循故道旋程未半則烏雲滃然起盧峯頂頃刻彌漫半天灑灑

作雨點入夜滂沱大施至昧爽乃止自城達四鄉陂塘盡滿旱苗復蘇士民交口頌侯德侯曰此神之靈也余何力之有雖然茲洞也邑之有事而禱者舊矣然或求之不應或求之久而後應神豈獨靈於今哉書曰鬼神無常享享於克誠侯治漵四載本儒術飭吏治悃悃無華不務爲赫赫譽而介然自克擯金暮夜勵節塵甑所居彌約所操彌堅至兩造之讞公庭者反覆推勘務得其情而哀矜惻怛之心隱乎動人視緣飾爲治者詎不遠歟甘澍之求而應應而速神之鑒視於平日深矣邑士民相率爲詩歌詠其事又繪成求雨立應圖而意未已也復爲記之

貞珉嵌諸洞口夫述賢司牧勤恤民隱之實而代達夫田夫野老感戴之忱是亦士人宜然也時嘉慶十一年七月既望李侯湖北沔陽州人名光笈字寶若經圍其號也僧禱者學博歐陽君紫桓楊君大山駐防千總鄧君秩頌縣尉鄔君柏巖

文昌閣序

邑令汪正燁

自周禮孟冬有祀司祿之文而文昌之祀由此始以其扶翊文運主持魏科故歷代胥蠶弗替我朝尤加隆焉嘉慶六年皇上特諭禮官援武廟例春秋致祭各府州縣拊建廟宇崇德報功典至鉅也漵邑人文爲上數郡冠自來科甲不絕而是廟闕

如惟設位尊經閣歲時舉事不足以昭誠敬前任青菴謝公卜地城西洛陽橋左未幾調遷余因來茲相其地勢山川擁秀足奠神居爰與寅僚邑紳公同籌度捐募以厚其貲購地以廣其基鳩工庀材始於己巳仲春爲宇三棟前奎星閣次牌坊後寢室廟居中左右爲鐘鼓樓翼以兩廊圍以磚垣閱四寒暑而工竣由是向之闕如者今則巍煥宏敞稱壯觀焉非激人從公之勇諸公襄事之勤不及此其勒石以紀名也固宜顧余思文昌在天操福祿權衡爲文章司令其爲教也先德行崇陰功則是廟之建寧惟是謀妥侑邀福祥云爾哉詩曰陟降厥士日監在

茲書曰黍稷非馨明德惟馨暨自今竊願與諸君子合邑士人居處思恭登堂思敬絕僥倖之私敦忠孝之實培心田以爲福田修天爵而得人爵兢兢奉持始終勿怠將見神靈默佑人文蔚起區區培植之意亦不足道而於國家崇祀重典庶無負歟若夫已成之規欲垂久遠嗣而葺之又不能不望於後之君子也是爲記

戊寅橋記

廩生 劉仁溥

環市皆水也東北一溪左折而南西北溪水源流稍遠蜿蜒屈曲右折而出市前有橋曰花橋先是屢設板橋或五六年或四

三年輒隨溪水漂流以故修建無常期夫是橋所通北走濱江南馳沅靖西徂辰永東往寶衡實四達之衝烏可使行人病涉哉爰與市人謀爲久遠計累石爲墩而互以長板復作亭於其上蓋較前制爲甚鉅矣費貲數百金皆資長者力募諸遠近村市以成厥功今茲往來者履坦坦之途遵平平之路莫不以爲便因計是橋自前歲秋九月鳩工庀材至今年戊寅冬十月工乃竣夫百花萬里廿四諸名勝糜貲鉅萬古今傳爲鴻構是雖不過古名橋百之一而其爲要津則一也竊考古蹟丁卯名橋庚申名亭皆以其成之年志之卽今倣古遺意額之曰戊寅橋

橋既成市人索予文而碑以勒之予因爲之記

遷修文廟記

蔡偉光

文廟士民之命脈也在京畿則爲天下之命脈在郡縣則爲一方之命脈昔漢高帝開代英主也過魯以太牢祀先聖讀史者謂漢四百年國祚命脈實基於此我朝定鼎以來自京省以及各府州縣莫不建立文廟堂廡崇宏禮制森嚴煌煌乎一代鉅典也敎邑舊廟在縣治東其地卑庳邑士民謀更諸爽塏歲辛巳請於前署令楊君芥菴先生準其修建詳請府道嗣余奉命莅茲土偕紳士相度地勢卜吉於署後高阜文武兩庠下鄉



勸捐哀金萬餘兩歷三載其功始竣春秋祭奠觀其禮器每低  
徊留之不忍去余乃嘆潑人士能舉其大而心皆篤信乎 聖  
人深可嘉也今歲在癸未董事諸君請敘於余余告之曰此吾  
潑一邑之命脈也以尊 聖道以安 聖靈亦云至矣顧 聖  
人之靈靈於人之心而已人同此心心同此理秉彝之良由來  
不息今潑邑篤信 聖人吾觀 聖人垂教後世所言無非使  
人行道慕義敦忠履信登斯堂者豈惟是肅觀瞻謹拜祝已哉  
謂將志 聖人之志學 聖人之學篤於行詣勉爲端方爲子  
知孝爲臣知忠羹牆如見夢寐常通庶洙泗之教澤互古今爲

周流性道之淵源與天地無終極所謂 聖人之靈靈於人之  
心者卽其命脈也而我朝尊崇 先師嘉惠士林培養元氣邇  
敷文教之意不亦昭然若揭也乎是則守是土者所望於闔邑  
士民蓋有在也是爲記

布政使銜陝西按察使嚴如煜墓志銘

陶澍安化

皇帝卽位之初元首擢漢中知府嚴公爲陝安兵備道四年正  
月復以公宣力於陝有年功在南山特加按察使銜殊旨獎勵  
如漢璽書勞問故事旋實授陝西按察使將大其用而公遽以  
病卒天子悼焉因秦人之恫諭其請俾奉祀名宦歲時享祀勿

絕仍加贈一階以布政使銜入祠酬蓋庸表遺愛也嚴氏出浙之桐廬宋末始遷湖南澁浦明景泰間有諱秀者當方瑛討黔苗時以諸生應募率熟苗破賊而不受官沒祀忠義祠是爲公八世祖數傳至諸生自治有隱德家益起祖應鼎國學生父君極貢生兩世贈如公官生母李夫人方孕公嫡母何夫人夢大星墜懷中光四溢因小字滿星始讀書日十行下年十三補縣學生師事少鴻臚羅先生與於嶽麓先生極重之乾隆己酉以優行貢學使者張姚成稱爲經世才是當大任時海內承平久武備弛公獨留心兵事會乙卯正月黔苗作亂據乾州犯鎮筸

辰沅震動朝廷命雲貴總督福康安公督師進討湖南巡撫姜晟及兩湖總督畢沅以師會於辰姜公固嘗訪人才於學使張姚成者也夙知公延問計所出公草平苗議十二則言勦撫防禦之策甚備其要在急復乾州由乾進永綏可與保靖松桃鎮筸聲勢相通而攻乾道瀘溪必先得大小章人乃無阻大小章人者故土司遺民散處邊界名曰狃狃最勁健與苗世讐苗之攻浦市也假道狃狃不應怒焚其寨狃狃率眾出保浦市兵勇漸集不能禦苗則執狃狃以爲功狃狃忿苗因誘與俱叛官軍頻失利公乃募能爲狃狃語者得向國果數人赴大小章開示

利害挾其酋六人以出公推誠與同卧起咸感動歃血誓不反  
送子第十九人爲質許率其屬陽投乾州爲官兵內應約一舉  
破賊會雲貴主兵者欲專其功嚴檄楚軍毋輕動計遂不行然  
明年卒賴其力以救兩鎮兵於河溪通乾州東路自後復平隆  
戰花園掃諸巢率常爲軍鋒而大小章於大府檄或不奉必得  
公手書始行云公在姜幕凡四年嘉慶庚申始以孝廉方正科  
赴廷試時川陝湖北教匪方熾制詔詢平定三省善後事宜公  
對言軍興數載師老財匱以數萬罷敝之眾與猾賊追逐數千  
里長林深谷之中投誠之賊無地安置則已降復亂流離之民

生活無資則良亦從亂鄉勇戍卒多游手募充慮一旦兵撤餉  
停則反思延亂如此則亂何由弭臣愚以爲莫若仿古屯田之  
法三省自遭蹂躪叛亡各產不下億萬畝舉流民降賊之無歸  
鄉勇戍卒之無業者悉編入屯團練捍衛計可養勝兵數十萬  
餉省而兵增化盜爲民計無出此疏上睿皇帝親擢第一以公  
疏末有迫寸晷限幅未得盡摠愚忱之語傳旨次日詣軍機處  
俾罄所言公乃復條上屯政方畧十二事蒙召見圓明園以知  
縣發往陝西竝其疏交三省大帥督撫采行明年二月補洵陽  
縣縣宅萬山中袤延七八百里與湖北之鄖西竹山竹谿陝西

之白河鎮安安康平利犬牙相錯官兵追賊急往來折窺皆道  
洵公乃力主堅壁清野之議相地險要爲寨堡選置團勇正副  
長且耕且守且戰設卡於高岡瞭望賊至舉礮一耕作者斂農  
具舉礮二人畜皆歸寨堡舉礮三則團勇各據隘以守頃刻閒  
警備逮數百里公念百姓可勝不可敗賊鋒銳勿迎擊俟其無  
所掠必去去則出奇鈔其尾視其夕頓處多方擾之疲其力使  
不得休息又念賊以劫掠爲生所至飄忽而官軍行必待糧故  
追常不及乃擇堅寨值兵衝者貯糗糧備供給由是聲息連絡  
賊勢大感其年四月遂督寨勇生擒賊帥陳朝觀五月殲賊徐

添德樊人傑六月復與官軍夾擊張天倫張三標熊翠兒等七  
股賊於太平寨凡萬餘人一戰平之經署額勒登保參贊德楞  
泰連上其功得旨加知州銜賞戴花翎嗣復擊斃楚北逸匪二  
千餘人於蜀河口計斬賊目王詳擒方孝德伏誅方孝德故戡  
白河令黃衮者也羣賊憚公威名相戒勿入境督撫奏之命以  
同知直隸州用癸亥八月補定遠廳是時賊勢益窮分竄山林  
而西鄉縣界川境多深箐初設廳以公守之公以廳爲全陝門  
戶乃建新城復於廳之西南各百餘里擇地曰黎垣漁渡垣分  
築二石城爲犄角團練武備如治洵陽時賊至輒殲先後擒陳

心元及戕害朱副將之賊馮世周等巡撫方公維甸奏加知府銜旋丁生母憂兼議援金華列請留公以情不可奪名節當全婉辭大府重之聽扶柩歸丁卯服闋入都諭仍發陝西以同知用交軍機處記名己巳三月題補潼關廳同知特旨授漢中府知府公以兵燹後民困兵驕散勇逸匪羣不逞之徒心面未革教養之法宜先於是舉工賑修渠堰完倉廩以足民食聯營伍治堡寨團保甲以固民衛慎訟獄培學校禁邪說以正民俗疏節閘目與民休息南山遂大變以其閒開諭俾回縛獻亡命賊七十二人於華渭散軍功王姓匪徒數百於寧羌擒圓頓教首

陳恆義等於城固皆推誠心置人腹治渠魁寬協從人心悅服令行禁止而十八年煽匪之變至勤大兵勦討說者謂始事時苟得公治之當可不煩一兵雖旋踵撲滅公亦以饒饋無缺加道銜然非公意也公在南山既久亭障要隘村寨徑路曲折無不口講指畫而心縈繚之窮鄉遂谷老兵婦孺皆識其姓字關漢臺選髦雋躬親講授十三年如一日所成就士起家侍從牧令者數十人率有聲然勞於治民拙於事上始大吏咸度外待公嘗歲暮卜築寧陝新舊二城歸而南山晚收大歉已逾請賑之期遂元旦趨撫轅稽首請棄一官爲百姓請命巡撫董教增



卒爲破例奏獲請旨聽計從故得發舒及董公去而公十年不  
得調益懇懇飭吏治勤民事名滿三省聞道光元年特擢兵備  
陝安以諸臣條奏南巴二山情形下陝西四川湖北督撫議時  
期督令大學士蔣公攸銛履道陝安境亟稱公之治遂會奏委  
公總勘公自川入楚反陝數千里相度形勝析官移治增營改  
築條例井井奏入報可邊防遂密然公平日言山內州縣距各  
省官遠鞭長莫及推護牽掣宜仿古梁州自爲一道及明設鄖  
陽巡撫之例專設大員鎮撫而割三省邊郡州縣以附益之庶  
勢專權一卽世無患以更張重大未竟其議也壬午巡撫盧公

坤至特重公隨拜加銜之命仍留陝安道任公愈感激思效盧  
公采其議奏增廳治於蓋屋洋縣界增營兵於商州及畧陽復  
委公興修水利先是公在漢中因平壩田衍艱灌溉履視山河  
五門楊鎮大小百餘堰皆加修治至是欲廣其法於全秦奉檄  
視灃涇灞滻渭泃諸川鄭白龍首諸廢渠疏鑿蓄洩規畫具備  
而社倉義學諸法亦以次推行焉乙酉十一月詔授貴州按察  
使未行丙戌正月仍留陝西按察使人覲三承召見奏對悉稱  
旨歸途感微疾抵任七日卒道光六年三月初二日也距其生  
乾隆二十四年八月二十四日年六十有八公起諸生爲縣令

擢府道至臬司皆出特簡中間小有阻主知弗替今上用賢多不次與廷臣言臺吏才未嘗不首及公特以南山二十年鎮靜之功非公莫屬故雖遷擢頻仍猶若不得已遲留之俾敘惠於一方比任久地方綏輯規畫已無遺天子慨然思大其福於秦民驟用公而公不及待矣於虜惜哉其卒也秦民巷哭如失慈父母願比朱邑桐鄉請其柩入南山弗得則籲請祀名宦而湖南之人亦具公事狀請入鄉賢祠爲桑梓矜式皆得旨報可公諱如煜字炳文生平慕范希文爲人取先優後樂意自號樂園性豪邁去邊幅泊榮利晚更冲粹視之田夫野老人也及其馳

騁古今理亂貫串天文河渠兵法星卜以逮輿地險要形格勢禁若聚米畫沙燭照而龜灼所規畫常在數十百年外遇盤根錯節無不迎刃以解其措施略見於所著書嘗佐兩廣總督那公彥成籌海寇有洋防備覽佐姜公籌苗疆有苗防備覽佐辰沅道傅鼎籌屯田有屯防書又有三省邊防備覽漢中府志又樂園詩文集若干卷後之有志經世者必將取鏡焉公配張夫人佐公治漢中手縑車教民婦紡織棉花之利遂興生子二長芝癸酉科副榜貢生以官學教習分發河南試用知縣次正坊候選府經歷側室胡氏生女一適候補中書南海吳尙志又撫

兄女一適沂州營都司世襲雲騎尉麻陽滕國興孫男女各一以丁亥十月初七日葬本邑會仙亭右之青竹籬公子以狀來乞銘澍之先人與公敦古交知公最詳且將以備史館之采故繁而不殺焉銘曰倬彼南山維石巖巖分陝由之化逮漢南是稱陸海灌翳榛莽所守或非化爲夔魍桓桓嚴公匹馬南來亦文亦武莅此漢臺自公之來再造鶉首披荆刈萊盪滌羣醜訟不再炊畝有餘糧以拯秦人於溝於隍昕聞庠鼓迹屏城闕以革秦人於獠於狢秦人望公如歲如慈秦人敬公如保如師孝廉方正其名甚美如公克稱一人而已載茲蓋篤天子所知貽

爾樂利百姓是思百姓既思天子既知循吏何負而人不爲奕奕南山其大千里公廟歸然與之竝峙公廟在山公墳在南我辭可徵百爾式監

重修盧峯書院記

尋廷鳳

古之教者黨有庠術有序以正人心以培風化書院之制肇自宋如白鹿石鼓應天嶽麓其主講皆當代大儒而士之以文學德行著一時傳後世者亦多出其中則書院之設其卽古庠序之遺制乎余於道光三年秋九月蒞任茲土見夫民質以樸士秀而文並於月課季考察其質地多堪造就而察邑中盧峯書

院創於乾隆十九年徐君栗亭嗣陶魯二任相繼修葺迄今四十餘年已漸頽敝且經費無幾脩金膏火不敷支給住齋肄業者不過數人卽欲倡義興修以邑中土木屢興民力拮据是用中止六年春考棚工竣而予復以公務之黔之滇不遑啟處八月案甫定卽捐廉三百付首事者剋期興作並集邑紳議經久計嚴君仙舫首捐錢八百千置良田二十畝繼起者日益眾或出貲財或捐山田一月之中共得良田三百七十餘畝制錢八百餘千事未竣而予以先太孺人大故卸事矣嗚呼澂邑居萬山中饒裕者少乃肯割祖宗遺產爲寒酸膏火之費其樂善爲

何如哉假令乘其好義之忱以廣爲勸募所得必不止此今竟止於此或亦寒素之不幸也耶雖然經費之多寡不必計而經理貴得其宜茲役也敝者修之缺者益之肄習有所用度有資並擬規程數則勒諸石學者果能刻意苦攻教者復能實心督課董事諸公盡心盡力任怨任勞一邑之人皆知上之人崇重膠庠必以詩書禮教爲先務而一切非禮非義之念隱消於不自覺趨向端而心術正簪筆染翰賢才奮興守法奉公訟獄衰息其所裨於風俗人心者豈淺鮮哉況夫天下事創者難而守者較易澂邑書院創於徐任陶魯因而修治雖以予之不敏尙

知附驥尾而追前躡後之人必更能踵而增之將見經費日多培植日厚人文日上有歷之數十世數百世而不敝者然此固後之守此土與董是事者之責也予三年待罪抱慚良多而惟此區區之心去而彌切願與邑人共諒之耳

修穿巖界橋路記

辰州知府 王見燁

辰州據有山谿之險居者安之行者病焉故山程水驛除道塗立郵表具舟楫成橋梁以官爲之經理歲時有公費焉此外溪徑櫛比縷分官不能兼顧則地方好善之士造橋墾道有力專爲之無力公爲之亦各成其義舉而已澈之北曰溫溪溪之北

曰穿巖水不足以容船山不可以立足險之至矣而出入辰沅必由此路故咨嗟褰裳攀援就道者莫不苦之邑生夏士泮謝世經等憫行路之難興利濟之懷排以雁齒繚以羊腸爲之亭以避風雨貯之茗以解渴渴甚善事也乃橋屢圯於水而夏生等爲善不倦維懷永圖思欲發以磚石則工費而力不支焉乃作眾鑿之舉爲將伯之呼爰立捐簿以求夫好善樂施者而乞予言以倡之夫作事而不期諸久遠一時好名所爲也爲善而不公之眾人一己自負之陋也且橋鞏以石道平以砥亭施以柔功鉅而費自多生等利不自私功歸實用邑人士耳而目之



尚有不見信不樂從者乎是不待予言而後肯爲捐輸也且進而語之曰生等其果無私也人雖不知將見往來行人登橋顧溫溪之洶涌在途忘穿巖之嶮崎憩亭茗話則曰某也賢某也賢不亦與山溪同固也乎

張氏友于記

荆廷琅

琅成童時從從父石渠先生學先生教人以務本爲先嘗誨琅曰人之孝養邑先達頗多至篤於友愛以成其孝足爲士林模範者惟思蒙張氏昆季尤足稱焉張氏爲邑諸生雲峯前輩子長忘其名次嘉韶三嘉顯長理家事俾兩弟得專於課讀韶顯

俱以弱冠入泮旋食餼有聲黌序每學使臨案有兩張之目雲峯先生老且疾呼韶顯而告之曰我家地糧止有一石汝二人食餼各進一石共三石糧吾爲汝兄弟析居所遺老糧一石分於汝長兄汝二人各自分新糧一石再給書庫一具二人唯唯當時不獨兄弟無異議並妯娌亦無閒言其相勸感於平日之女愛可知也嗣二人以教書爲業仁讓雍睦至老弗衰從父下世今三十年矣誨爾諄諄不敢忘而謹爲之記

查義婦傳

荆廷琅

查氏者邑副榜舉人劉景周紹濂之造室也其父浙之世家遊

幕楚南老無子止一女廣積異書濂就其家借讀父奇其才詢  
悉濂無以爲家以女妻之嗣聞濂固有配故查氏爲筮室乾隆  
丁卯濂舉於鄉羈京師十年查氏喪父無歸葬至京隨濂至廣  
西柳州監州任不數年因公事註誤發烏魯木齊軍臺寶客僕  
婢俱散惟查氏從行十餘年濂遂卒於謫所查氏斂骸骨艱嶮  
萬里送至洩安葬濂祖塋旁是時查氏年已五十矣因濂家中  
人不容仍返長沙故居適先夫父西泉先生館省垣緣與濂至  
好勸查氏回洩查曰生事之死葬之吾事畢矣此處南門外墓  
田夫元配之孀葬此善後後祔於墓側他何所云甫一年查故

查生二子俱早世此事先伯父與先父親見確聞爲余道之

黔王廟辨

荆廷琅

有問於余者曰洩城東有黑神廟祀何神也曰以余所聞其廟  
初在東鄉之崑屋田名黔王宮土人譌爲黑神後官斯土者建  
廟於城中仍其譌以至於今日果爲黔王土人乃從其字之偏  
旁而爲黑神先生之言母乃不情與曰古之神廟譌以傳譌者  
多陳州文宣王廟因點畫脫落譌爲一字王寺改塑坐釋迦而  
十哲侍側吳中羽林將軍廟譌雨淋而不覆屋温州杜拾遺譌  
杜十姨肖像女郎又伍子胥譌五絡須相公旋以杜十姨她五

縉須世俗夢夢莫可究詰豈獨黔譌爲黑而已哉曰陶明府修志書以爲南霽雲又以爲雷萬春父老相傳唐叛臣令狐潮據雍邱以六矢射雷其面爲血浸故黑其言似可信曰此與兒童之見無異史稱雷面中六矢初不詳爲黑與白且宋時名將有黑面大王爲尹繼倫而又非雷如必云黑神卽爲黑面此正如平陽丹朱嶺廟前鑿豬形以丹塗之曲阜冉伯牛廟乃塑人身白牛首而又其角鄴中西門豹祠座前設一豹尾其荒誕尙可問哉今之所云母乃類是與曰如先生言是黑神當爲黔王敢問黔王又何神也曰明初功臣沐英封黔國公鎮守雲南沒封

黔王生封公沒封王此明制也史稱沐英在雲南有功德於民子孫世守其地貴州古黔中地屬雲南所轄自鎮遠以上祀黔王與粵東西之祠馬伏波同辰州爲滇黔門戶秦時當屬黔中其祀之也亦宜曰然則黑神廟仍名爲黔王宮不祀南霽雲而祀沐禮與曰南霽雲爲唐忠臣盡節睢陽與張許等載在祀典雖其功不在潞然有其舉之莫敢廢也意與邑士紳商白諸官擇地爲南霽雲祠庶神人悉安是亦正風俗之一端也問者解其意以去爰次其言而爲之辨

善因亭記

澧州學 歐陽倩

邵澂之間有山峻且險迤邐而下澂形若蜂腰繞若羊腸爲我  
郡入黔滇孔道余曩時于役辰州過焉當荒僻處廬舍疏遠嘗  
與旅人藉草爲茵掬泉而飲今四十年不復記憶矣鍾子釀泉  
備諸倩偶過余問隆西百里外有坡名老鷹者乎坡之下有坳  
名黃泥者乎余詰之乃告以道光庚戌由志館歸宿旅店恍惚  
見先人謂志乘須實最忌掛漏老鷹坡下黃泥坳構亭事胡弗  
錄覺乃伏枕思所言地非素歷豈幻耶余始憶之殆向所謂藉  
草掬泉者試往廉焉達坳則石砌當途度之如亭址他無有焉  
詢諸土人知爲賀君昌藻昌聰向君修拔修坦伐石爲基以待

募者爰與諸君謀各輸若干鈔並眾飲若干鈔經始於咸豐辛  
亥夏落成於壬子春於時齊百工化八材四君之功鉅矣而吾  
獨異鍾子之一夢夢有感亦有因莊之蝶鄭之鹿皆是也釀泉  
以一亭之善途所未經欲策足於三百里閒以勦厥成亦茫乎  
無因矣其先子文林先生因好義乃至牖其衷於偃息之餘使  
之馳驅於三百里閒以卒其業無因而若有因矣因思化工造  
物有因乎無實因乎虛斯亭其因者幾乎不然以賀向諸君之  
精明強幹此區區者何難蒞事乃必藉手於釀泉神且默相焉  
託諸隱約難憑之夢釀泉且篤信不以虛虛墜繼志之謀諸君

且驚奇而以善善溥與人之量此其事若幻又安知非神之假  
釀泉以諭諸君使知善之理裕於人而善之心達乎天耶是役  
也諸君因行旅之困乏而樂善釀泉因諸君之植基而集善故  
文林先生又以蘧蘧示昭昭俾各得所因而資善以成善其始  
以創而因既乃由因而創自有此亭而行路之歌頌因之神明  
之降富貴壽考亦因之因之機微矣哉顧安得冥冥者善用其  
因潛驅天下嚮義之士鼓舞振興善以因積因以義感庶善氣  
彌綸布濩於兩間而施之靡窮矣

龍潭正趨書院記

嚴正基

今天子建元之二年武進陸侯子受來宰吾潯時粵氛不清沅  
湘告警邑孽萌芽邊鄙震悚而前之治潯者控馭又乖宜潯幾  
殆而惟帥湘諸大吏恫念茲土瀕危檄侯乘傳莅止侯有幹濟  
才能心朝廷嘉惠兆民之心用綏靖我民人下車前詢疾苦召  
募征繕匪競匪絀錯節盤根拔葵鋤蕘民氣肅矣進邑城書院  
之髦秀而甄治之以時巡行縣都與紳耆宣示矩範申明大義  
情慈德滿儼若父兄師保而我潯士若民亦遂愛侯如子弟之  
昵其父兄敬侯如弟子之戴其師保也蓋不踰年而民志定民  
心固矣其真所謂一夫鳴絃萬夫得情者歟治南百四十里為



龍潭司宋熙寧中八堡之一古諸葛城在焉鄜梁如屏卽鄜道元水經注所謂激源也地控辰寶沅上游爲三郡奧區山深水沃民習慄悍比因良莠不蔣趨向日歧侯以爲溪山秀挺斯蔚人文何乃成遠逃藪乎夫生計豐則儲才自易風氣勁則遷善匪難特以僻在邊隅弗萃其俊秀而詔之學民趨奚由而正用卜基於宅中之地曰營盤山一峯突立萬峯環繞爽塏高朗龍中勝境也議建書塾於其巔進都人士而周諮之僉曰善乃相陰陽乃審面勢首捐廉俸千緡以爲之倡門庭堂廡以次繕矣黝堊丹雘以時具矣誠求響應樂輸者眾矣共置田畝若干計

入租若干完國課外永爲師生修脯廩餼陶獎資不刊盛規於以大備經始於癸丑夏初落成於甲寅春仲臚敘巔末郵書示基基部民也其可以無言哉且夫世運之升沈以人心之邪正定之而人心之邪正以所趨之邪正驅之於齊民之中而別之爲士未有士趨不正而能責人心之胥歸於正者也邑城廬峯書院之設倣古鄉校成規聚一邑之才俊俾之刮垢磨光以樹四鄰標準今建塾於龍潭侯蓋慮士之或阻於遠也因移近而教之又慮士之多廢於貧也爲霑賚之以鼓舞而裁成之殆又師古黨庠里序遺意其牖之以詩書之澤將使邊鄙小子成人

有所激勸而人才以盛其納之於軌物之中將使僻鄉莠民曲士有所懲艾而風俗以純一隅之趨向正則闔邑之趨向胥正經正民興邪慝斯無額書塾而揭其名曰正趨侯之嘉惠龍中士林者在此侯之大有造於全漵民人者亦在此基部民也其可以無言哉抑更有感者先方伯之守漢中也值秦蜀兵燹之餘復修郡城漢南書院集生童以教以養涵濡聖澤帶牛佩犢之風爲之衰息復詔明經書生中之秀傑者置之郡閣漢臺親教之訓以明體達用之學前後凡十八年列侍從歷台司牧令者數十百輩多有表著於時而溫東川高建菴張綱堂諸君子

尤爲海內縉紳稱述先方伯亦遂俎豆於漢上諸郡矣基也庭訓如昨典郡毗陵爲侯桑梓名區會吳中泮洞肆凶偕郡人士蠲辦菑政旰宵靡遑課士於龍城延陵東林諸書院亦思有所振興迪前人光甫十閱月遷官以去事與志違至今以爲憾而侯於時會艱虞風鶴頻警之辰雅意菁莪消弭亂萌拮据以成此盛舉材力之過我何啻十倍昔文翁守蜀立石室獎進郡士而益州人物彪炳江漢昌黎來潮延趙德興教海隅而嶺南文獻並駕中原甚矣山川氣運之開開之於豪傑尤先開之於循吏也侯於邑城廬峯書院籌添膏火田產於治東北五十里之

低莊另設啟秀書塾以迪北鄙髦士其教澤不止龍中一隅以  
今視昔前後賢若合符節哉肄業於此者其勿以偏隅自限其  
勿以小成自域師儒之望公輔之器以之自勵卽以之矜式鄉  
閭周濂溪挺興營道蔚成北宋鴻儒張子壽崛起曲江巋然有  
唐元輔果能志邁等夷所趨表正出爲朝廷楨幹處爲鄉國楷  
模他日四方推美僉以爲龍中山水之所產也侯之教思無窮  
所遺也其爲榮幸當更何如基尤延跋俟之

演武場記

嚴慶垣

朝廷文武並重干城之選與菁莪之育並行所以爲長治久安

之計意甚周也激雖蕞爾一隅應試文武千有餘人文場舊設  
考棚掄才有地惟武試箭道向來借就文棚較閱之日觀者如  
堵踐履號棹泥濘毀折眾皆不便其馬道則憑臨河濱舊址半  
皆崩圯咸豐乙卯邑人羣議於考棚左隙地特修箭道購書院  
右田以爲馬道俾文武各得其所勿相錯雜以各奏爾能各鄉  
捐貲共襄盛舉而所入有限用猶不足有始無卒心滋感焉乃  
得向公沛霖更捐百餘金以成箭道垣置田二畝永爲馬道事  
於是乎粗成若夫繼美增輝則猶有望於後之君子也

記故激浦令陶公逸事

舒燾

南城陶公適齋名金諧當乾隆中以進士宰吾潯外嚴而內慈去殘舉墜善政不可枚舉去今將百年婦女兒童莫不知其賢而以予聞諸長者則尤異其拒大兵保劉姓無反狀一事先是邑之某鄉有劉某者妄人也病狂逾年閒至川鎮川督簡閱軍容甚壯某於營外佯笑縛之詢以故某曰是何足道如吾鄉族人某兵若干馬若干始足威也川督以其語聞時西南諸逆將次削平朝廷方以兵威懾服夷夏特旨命湖南巡撫陳宏謀調兵往剿事機秘密師抵郡始檄公知時公方夜半自鄉歸投枕捧檄大驚易草履急馳百餘里抵軍前跪挽中丞馬首力保劉

姓無不軌事中丞曰上意嚴切設其言實汝一身能自任耶公持益力願以親屬十餘口下獄爲質自往招劉姓兄弟數人至軍訖詰事解歸生葬劉某以狗邑人感之共爲生祠格於例不行後公遷江華去老幼涕泣送者數萬人詩云愷弟君子民之父母古之循良生有德於民死可祭於社如公者殆其人哉殆其人哉

蔣先生墓誌銘

舒燾

潯浦蔣先生沒之明年其弟郵書與其門人舒燾曰先生彌留時猶念子不絕今以墓志爲請先生遺命也子其盡所知而志

之燾因設位而哭哭畢志之曰先生諱光祖字敬齋祖爲諸生父以布衣終先生年十二而孤寡母弱弟形影相弔先生晨負薪夕織屨家賴以存由是廢學年二十有族叔憐其孤苦使附其塾而時恤其母及弟先生遂發憤讀書二年盡解大義無何族叔沒復廢學日儕於田牧雖隴畝之地無日不以書卷自隨會母氏卒偕弟依墓而居三年始去慨然曰吾祖若父有積德吾母苦節子孫當食報今吾年三十弟亦成人而潦倒若是蒼蒼者天豈尙有所待耶聞長沙羅先生名往學焉是年應童子試冠一軍頗自負然久困場屋以授徒爲業里中子弟從者雲

集垂三十年生徒博巍科者眾出爲吏皆瑋瑋有聲而先生鬚眉皓然猶偕子弟就省試嘗語燾曰吾少也艱年二十尙不識字今雖無所就然挾一卷以自終蓋亦難矣汝輩年力甚強境遇亦厚慎勿懈其志己亥先生游江南時家君知鳳陽郡命燾兄弟受業焉未幾歸書來必以力追古人爲燾兄弟勉甲辰六月燾歸就試方幸獲侍函丈而先生已於四月病卒年六十有六嗚乎先生深於史書每至忠義事讀之聲淚俱下音出牆壁婦孺聞其說莫不感泣又性喜爲制藝日可成數篇聞其易簣時案上真草未半也嗟夫以閱世之艱而用心之勤若是乃僅



以諸生終冥漠中固無主耶抑使蓄積之而有倡於其後耶是未可知也娶某氏繼娶某氏生一子年十三將以年月日葬於某山銘曰

險阻其境偃蹇其躬里稱通德門繼儒風雖雌伏於一世庶庇蔭於無窮羌俯仰而無愧怍又何恨乎蒼穹

聖人山寺題壁

向師棣

同治三年八月晦日棣與表弟朱子魯訪禹碑到此秋高氣清木葉微脫山花夾路野草蒙茸登陟周歷茫無所見寺前數十武有石裂爲三段狀若摩巖高可丈許方周約二丈漫漶無復

可觀豈卽爲人所謂禹碑者乎相與摩挲審視徘徊者久之夜宿山寺風雨雜沓而至寒鴉唧唧聲徹夕天明悵然而返又聞此去六十里有仙人洞景物最奇深惜棣有吳中之役未暇往觀漫書寄壁以告後之好遊者

涿浦縣志卷三十一

文徵三

文三

白羊洞記

向先閔

邑東四十里海洋鄉有古洞名白羊相傳其中靈異類鬼斧神工種種不一余聆之神移思一得睹為快己巳館徐氏家夏季苦熱偕童冠往遊焉入門僅咫尺內黝然泉流有聲雲氣吐納不輟命熱炬進劃然高矗地多淤泥曰滑泥坪常留巨人迹俯身而上兩岸峭壁千尋聞風聲怒號燈無瞥影者風洞也頓足

轟然響震逾時者雷洞也穀霧霏霏霑衣欲溼者雨洞也行里許有石凸出如蓮葉中嵌三杯圓潔似鑿成水可愈疾人吸盡則立盈者蓮花池也再行里許石面縱橫斜方形同阡陌水之有無可驗歲之豐旱者千坵田也又里許有二道一自左直上石壁忽合從小竇入水光激灩可褰裳而過者沈家池也又數十武水極深莫測津涯者項家池也一自右折轉里許有石屋穹窿曰觀音樓斗高十餘丈上有石龕嶙峋中豎白石如觀音像旁有石柱一石鐘一皆雪色凡祈雨者至此輒應自觀音樓左坡行數十武石壁四阻有倒洞二焉一則乾隆年閒有老巫

巖正本縫下覺有異懼而返後裂大石塞其口一則至今尚存闊約二丈餘深莫測其底投以火炬下視若螢欲更窮其境則慄風刺骨毛髮俱森從者相顧余亦神悸而返夫以斯洞之靈奇如此固天地奧衍之區鬼神呵護之所有不盡洩以示人者謹記之以俟後來探奇之士云

長樂橋記

劉爾昌

城東里許有立石使之側卧石使之平橫互溪上狀若長虹以往來行人者曰寡婦橋邑志載長樂橋舊名矮湖乾隆閒橋廢有梁龔氏者偕子婦吳孫婦周皆寡婦也倡捐九百餘金重修

之故至今人皆呼爲寡婦橋嘉慶初橋圯有募金再修是橋者更其名曰廣福而人亦無有以廣福呼此橋者橋今復圯矣歲庚午家崧生軍門自黔中歸見其弗便於行也乃出金命石工取石之側立而勢欲僵仆平臥而弗任踐踏者盡更而新之加高廣焉凡路之自橋而來自橋而往者上下數里皆斃平石鋪之使天雨不苦泥淖工旣竣人樂其便於往來而感軍門之能新是橋也將謀易寡婦之名而更名之軍門拒弗納曰是橋之名蓋屢更而人終必以寡婦呼之意其爲人當必有卓卓不可幾及不可磨滅者余今之新是橋也費止七十萬錢耳何忍遽

沒人善且子欲余攘寡婦身後之名以爲名則亦淺之乎視余也言已因笑屬余曰若爲吾記之吾今不欲攘寡婦之名願後有繼吾而復新是橋者當亦毋攘寡婦之名也余笑應焉乃率書此以寄諸石而豎之城東里許之寡婦橋側

梯雲亭記

劉爾昌

新澍之交有大山特立曰紫荆紫荆之高半出雲表五六月雲生山腰腹間或大雨如注溪水皆暴漲而上猶紅日曛曛然則人至紫荆高處其去天固遠而下視已在雲上矣同治歲戊辰陳文鏡清構亭於其麓名曰梯雲而屬余爲之記余漫應之而

心竊自語曰惜無同懷客共登青雲梯康樂當日不過極言石門之高非梯雲莫上耳而世人或借作吉語以況士之聯肩接迹而登巍科者今陳丈之以梯雲名是亭也吾不知其意將如康樂之所謂梯雲者以開豁其心胸耶抑將如世俗人之所謂梯雲者以恣肆其志氣耶陳丈天機清妙當必卓有所見而無待於余言也然余有不能已於言者古之人得志則激昂青雲之上不得志則徜徉山水之間或出或處皆足以自娛皆足以不沒度必有不登覽而快不文繡而榮者陳丈其亦有意於是乎且夫雲上騰之氣也梯上進之具也孔子曰君子上達設陳

丈之所謂梯雲者義取諸上其所到尙復可量哉噫以余學古無所似不苟科名弗宜於今者也不以爲不佞而索敘於余故筆其心所欲言者以質諸陳丈未知陳丈以余言爲奚若他日有來遊於陳丈之亭而望紫荆之高者又復以余言爲奚若也

紹先亭記

袁明曜 寧鄉

激浦大江口有亭翼然臨巖峪閒寶慶邵陽羅生文耀偕其弟文錡文燦所建也生兄弟俱從余嶽麓講院請曰先父某府君治家節儉嘗以歲入贏餘貲爲濟人利物事今以大江口西接滇黔東達吳楚行旅絡繹輻湊顧數里許無憩息所故以先父



所遺羨餘於其地建一亭余曰生其賢乎哉生父既爲善於鄉保世滋大生兄弟俱以秀才負大志由此積學力行以措之世務俾萬物待命者咸有以休息而澤潤之以蒙其蔭而飲其和則所以恢先人緒者大也生益勉乎哉乃名之曰紹先亭以紀其實若其地之山川雄壯風物之秀麗余固未嘗至其地不強贅一辭且非羅生意也顧長途顛頓時勞者忽得息渴者忽得飲有風冷冷然披襟當之心樂而山川景物舉可樂也他日余病獲愈再以馳驅許國倘得親覽其勝尙能爲生賦之

大坳亭記

向先點

天下之所以治平者各適其適而已事無大小勉力爲之以便至此則一致也邑東十餘里有會仙亭吾六代祖元義士公施粥放生使夫人與物各適其適之所也又東行數里有山曰大坳將登山跨溪一橋橋有亭踰亭迤邐而下上者再曰小坳亦有亭而兩亭之間肩者負者徒行者一時筋力告疲憩息無所則步履不適風雨驟至趨避無方則衣帶不適使忽焉而得亭其情之適爲何如哉夫累土爲臺有屋曰榭適己之適者也喬高曰橋停止曰亭適人之適者也適己之適者適之獨其適私適人之適者適之同其適公而何獨留不適之憾於此地乎昔

先大父嘗築別業於山之北所以自適也當夏暑時睹夫肩者負者徒行者藉坐荆棘閒未嘗無意焉以不得專任之人而止是則亭之未建先大父固不適矣今某某等既專其任釀金若干鳩工庇材以地爲吾祖故業而謀諸余余以語從予人慈慈曰先人有志未逮繼之又何靳焉不數月工竣於是酌之酒而語之曰余之爲亭自適也耶抑適人之適耶既自適而人遂無不得其適人無不得其適而卽以適吾祖不適之心異日者倘更有人焉放生施粥於其間則非獨人得其適卽物亦與之共適矣不將與會仙亭媲美乎既以語慈因併爲文以諭將來至

於山樹參差雲光掩映環而望之皆天然圖畫也苟得於心翛然自遠則又適於適之外者矣人有低回徙倚於是亭者其自領取焉可也

低莊鳳翔書院碑記

舒敘玲

夫爲政者值盤根錯節之際罕不以講學爲末務造士爲迂圖者也然而投戈講藝息馬論道光武以培東漢之基宋仁宗值西師未罷用范仲淹言詔天下州縣立學故漢宋之世師儒輩出禮教振興風俗淳厚焉誠以學者天理人心之所寓體國經野之所循而士者上備國家楨幹之材下爲閭閻耳目所寄也

我朝文教誕敷治安二百餘年值今上御極之初天欲以小變開盛治粵西蠢動竄踰長江獨湖南城守嚴固時羽書旁午民情驚疑大中丞駱稔知陸公傳應奇才挺特先命宰澈蒞治之初訓練勇聯民團立義倉裁抑胥役陋規弊除利興上下一體民情大悅而傾軫禮士尤晉接無虛日邑中舊設盧峯書院造士獨龍潭距城最遠而低莊等團次之肄業應課多不便公乃捐廉金於龍潭建立正趨書院復倡捐廉金五百諭低莊等團紳耆就地勸捐以低莊道里居四區之中籌建鳳翔書院擇人董其事公至假市傍神館課生童分別其秀異者獎賞之提撕

教誨不衰視之如家人子弟尤以立品端習爲重士皆感憤激發爭相勸勵鄉中父老觀者莫不驚喜乎耳目所未經退而嘖嘖稱歎其盛於是不數月捐金二千有奇合公所捐并續捐前後置買沃田百畝以備膏火之資有餘則糴存生放現就神館外買地基一所俟他日建立學舍蓋民不勞而規模已具焉先是公得異夢恍惚見楹句曰五羊獨坐雙鳳齊飛因顏曰鳳翔書院蓋望於此土之士者深矣聞者益奮夫龍潭與低莊等團距城既遠二百年來俗樸而風勁前之宰澈邑者率皆以爲難治逮癸丑玲從都下歸里見公至低莊無遠近聞前部鉦聲民

聞紳士父老皆衣冠整肅前迎村墟若狂爭放花爆以就其歡  
呶祝延之意婦女兒童奔走聚觀指公阜蓋曰好官來矣好官  
來矣道路填塞所過處公往往下輿步行與前迎者揖讓周旋  
道旁牽袍嗅靴爭以得識公貌爲幸有自龍潭來者詢之亦然  
不解二士之敬且愛也何獨如是豈俗樸則人心近古雖風氣  
稍勁而服從不貳較他士尤稱良民乎而未敢必其然也蓋公  
本之學以體國經野而知爲天理人心之所寓卽建舍講學以  
造士異日足備國家楨幹之材此日先端閭閻耳目之寄蓋相  
尋於其源以動其降衷之良然則人之欲善誰不如我宜乎施

諸民者風行草偃雖以之宰天下亦如斯矣繼此公翦除邑中  
土匪以治二百年根深蒂固不拔之疾不約而民助之龍潭低  
莊尤踴躍前驅由平日惠政之入民者深亦其拊修書院教育  
士子素伸大義之明效大驗也今歲邑中童試公捐廉作卷費  
低莊等團拔取前列甚夥歲試冠軍亦屬之凡文風之蒸蒸日上  
咸仰公造就之有方使爲士者深思其意將由文章以求忠  
孝裕才猷本末交修鄉黨共式庶幾不負公之厚望而經理人  
遠則惟董事者是責至於探風問俗紹美前型則後之賢令宰  
斯土者其必有意於此乎今公擢守大郡臥轍難留董事者囑

玲紀其事於碑其以此備書院之顛末也可卽以此爲斯土之去思也亦無不可

土匪紀畧

李百濤

澱邑自明末牛賊竄擾後休養二百餘年咸豐二年粵寇竄湖南全楚震動蚩頑蜂起上憲札飭各府廳州縣示諭紳耆舉行團練邑東北隅低莊與安化接壤有土匪或十餘人或二三十人成羣劫掠四門村團首舒士彬等率眾搜捕至橋崑洞山阿中擊戮匪等八九人其餘四散由閒道竄入橋江四十八灣爲嚴姓望鄉坡團眾所殺又一匪走堰塘灣團丁謝爵貴奮勇獨

當死之至丁家村爲丁姓匡姓團眾擒獲解府正法匪巢起於邵陽之望雲山辰守劉公位坦募丁往勦其時官澈者不力是年冬改調陸公傳應來澱乃廣設偵邏得捻香結會之稔惡多年稱帽頂者數人先就駢戮又訪拏餘匪多名相繼絞斬官民始得安堵乃勸民輸粟建立豐備倉製辦軍裝火藥設卡練團此咸豐三年事也至四年夏髮寇復竄湖南之常德府而澱邑土匪復行潛謀蠢動卽時偵知伏法所鉤辰邑土匪袁高連簡老九等倡言復仇潛來窰頭思蒙各鄉城中洶湧十餘晝夜陸侯乃號召四鄉團練極力防護本府劉守帶勇三百鄔都司領



營兵數百來激勦辦陸侯復開設自新局令望誤者自新一面  
緝捕餘黨得匪首訊認即解府正法其黨羽有伏於靈全山菴  
及轎頂山下皆捕獲誅死更有遠逃於蜀楚界地亦遣團丁舒  
發榜劉肇仁誘至鎮稟憲梟示土匪由是漸息逮十一年復  
有不逞之徒為簡老九句結約期舉事其時為鮑公懷前任聞  
知設法捕至即時斬決前後就戮者又十餘人四境肅然激邑  
地交七屬林箐之間不無宵小煽惑然各鄉紳民勇於赴公得  
賢有司倡率無不効力數年之間土匪頻起卒保無虞團練之  
力也其閒如長樂園望鄉團朱灣團太平團皆實力奉行可資

防禦者也

復修萬安橋暨補葺沿溪諸橋序

向紹修

斯橋建於明代名曰仲林蓋邑人劉仲林獨修也載之邑乘未  
疏其義本朝嘉慶時縣尉烏公重修之而更其名曰萬安於是  
仲林之名知之者寥寥矣寒暑數十易亭摧於風雨橋折於輪  
蹄往來者病之邑之士有慨然捐貲以恢其制覆者若穹臥者  
若虹利濟之功亦鉅矣哉橋之左右置屋二閒旅寓者賦其塵  
歲之所入揭燈於竿以導昏夜之失路者而更權其餘以為異  
時修葺資其計畫之周如此距是橋數十步有自生橋者跨石

壑之上筍鬪縫合製若天造故曰自生歷年久而就敝新之如其初去自生數十步橋曰復興前令龍公見田曾繕之殘缺無多工費較簡由復興而上則爲桃谷橋桃谷於澈列八景之一而橋適直其山之麓每際春風扇和遊人絡繹好鳥鉤輶山下清泉湧出時有紅白花片隨流蕩漾灼灼者不知其所自來也履斯橋者如身入武陵源見田夫牧豎都疑其爲世外人也驗其石無多損小爲補苴而規制已如舊去桃谷數百步曰銅鼓橋父老相傳造橋時聞澗底石穴淵淵有金聲出異而掘之得銅鼓一枚蘚紋斑駁色古而質潤不識其爲何代物也因卽以

名其橋橋闊丈許日炙雨淋石理欲泐乃全易之自此而進有山隆然形似荷囊其傍爲大道於陷處置一橋謂之荷包因山名之也趾有傾圯亦急砌之約里許出西山口沿江岸而行向皆坦途也近因水道右徙急流直射潰者非一處矣迤邐而北至段家灣石壁之前舊有巖鹿亭以息行役今惟斷垣數版老棘數叢而已乃總計木工之費而次第督工以復其舊工興於青陽之杪五閱月而諸所治者告竣乃陳祀物迓神庥酬工作採眾議復橋之名曰仲林存其始而俾與志符也仍額其亭曰萬安不欲沒烏公之善也至於新故成敗之相嬗爲物理之自

然而不預爲之謀者則有賴於後之樂善之士爰揭其端末而爲之序

復修澉浦縣志序

齊德五

縣之有志猶國之有史也史以綜歷代之典章志以備一邑之記載體例雖不同而具有關於風俗政教者則一而已顧志必資乎創始尤有賴於補苴查澉浦自國初流賊擾亂後舊志蕩然無存至康熙丙寅古吳袁君來宰斯邑艱難締造始初有成書其後歷七十餘年而南城陶君乃克重修號稱明備自是以來百餘年矣未聞有續修之者若是乎前賢創始固難而後人

補苴亦未易也同治四年大府議修省志檄郡縣各齎舊志并續修新志申送備錄誠盛舉也澹生鮑君疊奉上憲之命集邑中紳士勸捐費貲分都採訪皆欣然樂從十年春余調署斯篆復奉札催修閱一歲而採訪畧備燦然成帙矣惟思志之修也將以信今而示後事必期乎核實文務取乎簡明非誇多闢靡徒絢人耳目爲也古人謂作史有三長才學識缺一不可推之於志何獨不然爰復商諸士紳延請邑中名宿舒河槎先生總理其成博考古今悉心釐正芟其繁蕪歸於體要老成典型於是乎在後之官斯土者徵文考獻得所憑依有以稽風俗而資

政教豈不懿歟

重修文廟碑記

唐 廣昆明

洪惟我國家聖聖相承重熙累洽振興文教溥海荒陬皆立  
又廟而府州廳縣其規模廣狹高卑未詳厥制竊意地有赤畿  
繁望之不同財有豐歉膺臆之各異故不爲限量且春秋享祀  
貴於誠敬以將雖奠於兩楹棖題階祀固期壯麗煒煌然過於  
侈靡於禮非宜聞他邑修建 聖宮或費數萬金敎蕞爾區擁  
厚貲者鮮客歲官紳以舊 廟湫陋傾頽僉議重構勸募籌款  
爲數無多余權斯土下車卽爲諭導並稟請按糧起派初或疑

於滯礙繼竟勇於輸將萬姓歡忻百工豫忭亦足徵 聖教之  
感人者深而人心之好善者切也夫士君子於理所應爲既立  
斯志宜堅而勿畏其難旣發斯謀雖勞而益奮其力好我者譽  
敬謝不敏而弗居其功惡我者毀默省厥愆而奚恤其謗公廉  
自守勤慎爲懷斯措諸施行未有不聿觀厥成者今大工已竣  
廟貌巍然陽馬陰虬鵬騫鳳翥其氣象之崇嶄炫赫視昔爲  
何如耶自光緒元年冬興工迄三年秋蒞事計費錢一萬三千  
百 十緡有奇董理諸紳以碑記請余素厭浮文因質言其  
梗概如此至若頌揚 聖德之高深則天地何可以形撫日月

安從而繪畫由唐湖漢自宋歷明爲廟堂碑文者更僕難數尙  
何待於今之贅辭乎卽謂科名由茲鼎盛亦屬貪榮責報之私  
心非正誼不謀利者所取然則余豈無望於激人士乎蓋在於  
經明行修品端學殖將見實之大者聲自宏膏之裕者光必燦  
處爲鄉曲所推出則朝廷見重其散彩騰輝於廬山鄜水間不  
與此丹雘金碧愈增煥耀也哉

紀己酉饑

舒其錦

己酉年之饑先戊申本有年至是年春三月米一升錢二十四  
及四五月雨澤水漲自常德下至洞庭及大江以達淮海瀕江

郡縣人口田廬多漂沒民無食饑而病病而死不可以數計然  
常德以上晏如也四月中辰屬米漸長朝二十餘錢暮則三十  
越宿朝三十餘錢暮則四十迄五月初每升價須六十四而猶  
無糴處於是郡下一令曰米準錢三十二文一升多取者罰縣  
如其令示於鄉斯時本已至六十餘今去其半有穀家以無米  
辭而或隱販於外於是郡復下一令曰米準一鄉給一鄉私出  
者責縣又如其令示於鄉鄉之無賴者咸喜乃挾三十二錢或  
三百二十錢昂然入有穀家曰給吾米否則官罰責汝或以無  
米辭卽詈辱破其倉困攘取之並糾黨執刀械繞屋捕私糴道



逢筴需者必檢視之於是民之糴與糶兩不便焉然而鄉之中有田多丁少則以一鄉給一鄉而有餘或田少丁多則以一鄉給一鄉而不足不足之鄉斷不能束手待斃求諸有餘之鄉而無賴輩守望甚嚴雖足穀翁之骨肉至戚不敢分升斗索米者無可奈何乃丐於無賴遂以七八八九十錢一升言定託爲自糴強勒有穀者或升或斗或石取其贏大半入己每日醉酒飽肉不獨飯盜已也至若城市尤爲米少人多之區鄉旣自保城中無一粒至鋪戶食麩餅麥豆盡羣訴縣官縣官乃親走鄉中諭有穀家出米或二百石或一百石送城中糶畢以三十二

數歸錢否則人打汝倉破汝屋辱及汝家人不能爲汝禁穀多者曰唯唯磴爲米送縣倉官命紳士素相往來者董糶事吏胥相商曰米價本至升七八八九十卽定爲五十錢一升民亦樂從以三十二歸米主以十八留爲吾輩火食資否則誰爲經理者於是錢五十米一升糶者蜂擁蟻聚有餓數日擠而傾跌傷者有持錢終日不得米坐而垂泣者有得而囊穿米滿地又爲人所攜去跳而號者於是城之匪徒及獍狎阜役謂柔弱者若與吾錢若干吾爲若糶亦取其贏如鄉之無賴者然每日可得數百或千錢初多穀家送米入城猶冀官以錢償糶畢竟不

名一錢遂不復至而城與鄉俱困閒有私糴者須必百錢或百二十錢一升幸時已下六月下浣早稻漸熟農以米價高急刈春以入城城中大喜升予以錢七十越日米多升六十又越日愈多升五十至三十錢而萬頃雲黃糊板聲相接人皆額慶曰今而後當無所苦免爲餓殍矣究之有穀之鄉新穀既升舊穀有餘一二百石及數十石不等深藏人所不經意處或尤之曰六月閒不出糴彼時少減猶勝藏穀者曰吾豈不知自官之令出富者不得財貧者不蒙惠徒爲無賴利且其勢凌虐甚吾是以忍而不糴也及今鄉人語及己酉事輒云是年並非無穀米

而何以翔貴如彼一飯之難得未曾有殊奇卽有人曰是年飯何難吾日爲人糴輒得錢數百醉且飽今雖升米十三四錢固安出語者曰汝己酉雖易得錢使官府不示減價不示各鄉保各鄉汝又烏能得錢其人曰是誠然吾甚感之笑而去論曰救荒固無善政然觀唐宋來遇艱食輒加價以招米至多則自減如盧坦趙清獻所行陳從信所云米之騰貴因官價賤賈人失利商又居而不糴宜聽民自便四方奔湊多而自賤者其說非耶語曰不習爲吏視已成事又曰前事者後事之師史策昭然具如膺民社者杳不知古人有此事何

澧防日記

舒其錦

咸豐九年己未春粵寇洪秀全之黨石達開賴剝皮等自江西南安竄入郴桂境先年冬本省駱撫軍命長勝定勝兩營各率勇千餘守邊賊踰熊巖嶺入定勝營營主猶不知遂大潰郴州牧胡聞風棄城走遂連陷郴桂及所屬之宜章桂東等縣復分股擾永衡永州勇擊敗之乃悉竄衡州圍祁陽走寶慶遂盤踞九鞏橋時四月初旬也寶郡被圍駱撫飛調勦古州苗之田副將興恕及領楚勇之趙劉周李諸軍咸赴寶郡禦賊壁壘相持惟田出關時有勝負寶郡危甚澧之方域自西南東橫互二百

八十餘里與武岡邵陽新化相毗連於是撫道及辰郡守沈飭本縣吳令勸督各鄉團練擇險堵防吳令往龍潭查視南路各隘口五月初七日其錦奉駱撫憲札委總辦團防與吳令商議謂逆氛密邇所獲奸細皆云將假道於澧犯辰沅以窺巴蜀幸有險可守守則需餉現在各鄉團練壯丁使遠守隘口糧安能自備卽令富民捐貲亦難急就惟暫挪官錢一面設法彌補吳侯謂然乃號召團勇得千人率以紳分布於老菴塘土嶺界茅花坪老營坡馬子坡拖峯坡橫陽界兩丫江各處道憲翟旋調土苗三百來亦紮老營坡又調三百紮馬子坡弁與兵皆疲懦

無紀律道憲又不敢親來調度稟請沈郡尊按臨五月十七日  
莅澈命設防堵局擇人董其事時向甥先濟奉湖北胡中丞命  
來星沙駱撫憲命歸協辦澈邑團防並給軍械火藥令擇精健  
者數百人爲策應又家三兄其鎮在省垣奉藩憲委查團防郡  
尊乃飭歸與先濟總理局務命三兄及舒敘玲楊海南郭遠厚  
武正培舒立湘黃士清劉士清劉肇春向郁文李百濤諸君或  
司文諭掌支應管軍裝器械火藥並出外聯團查卡收費勸捐  
二十日郡尊赴南路查各隘口邀錦偕行二十一日住龍潭司  
二十二日查老菴塘二十三日查青山界二十四日查土嶺界

茅花坪由爛草田上老營坡二十五日至頓腳水二十六日旋  
縣謂隘誠險但守者弱且有歧旁小徑除老菴塘土嶺界茅花  
坪老營坡外若界黔陽之龍溪隘邵陽之陽和坪風車衝皆不  
可不備因於三處各添百人紳率以往並嚴諭各卡盤詰奸細  
遇有警卽報團總號召附近各鄉團丁上卡共截勦道路無論  
大小皆掘斷晝架木約通往來夜伏竹弩防人偷越六月初三  
日郡尊命吳令與錦往查東路大雨僅至橋江初四日查畚刀  
界下茶光嶺至江東初五日查拖峯坡至水田莊初六日查橫  
陽界至崑江籬初七日邑侯上低莊勸捐錦自花橋旋縣復命

郡尊謂馬子坡拖峯坡橫陽界兩丫江雖設卡而人太少至小路有東瓜坡由新化而安化若羅盤巖爲由資水入澁之通衢皆宜守復添守者二百五十人又城中留二百勇以備緩急防內亂共計招募丁勇二千五百五十人皆本縣給發其自撫道調遣來澁者由省庫籌餉本道憲及撫憲因賊勢披猖復札調統領靖筭各勇之兆太守及吳郡丞自靖州來澁助防兆守至江口畏蕙觀望住七日始到縣郡尊因請兆守駐土嶺界吳丞駐老營坡各帶千餘人相捍衛而兆吳所帶數多虛冒人復疲弱月糜二萬金尤不足恃且盡屯於老營土嶺之間當此際黔

芷不逞之徒冒稱官軍或十餘人數十人暴鄉曲閒初七日思蒙小江等處有人數十自稱爲古州勇將赴兆營者氣甚橫居民疑懼夜鳴鉦謹言詰朝台大團備土匪眾村皆應數十人者聞卽逃走又九溪江桶溪等處亦有百餘人分匿山谷畏團眾而遁初九日大江口對岸清江屯三十餘匪入旅店肆擾店主呼團丁攻捕擒十有七縛送嚴鞫供稱係多年逋寇楊豔三徒黨豔三四月內屯八面山眾千餘遣人投石賊石賊欲其劫洪江破澁浦以入寶慶令彼等四出勾引會茶起事云云立梟其九餘再鞫辭猶舊晉駢誅之而各卡盤詰奸細有自賊營爲勾



煽土匪來者有本地土匪貨鹽馬投賊營去者訛實皆後先正法適已六月望寶慶圍益緊文報不通賴剝皮統千餘人渡石馬江擄殺及巨口鋪草鞋鋪大橋邊等處邵新土匪亦起燒隆回司而新化之守牛山卡者各潰散於是栗坪楊溪觀音橋顏公廟皆爲賊所蹂躪避難者日數百至澁土嶺界已聞賊銃炮聲正惶惑聞忽探報云李希菴廉訪提師五千自北來南於廿四日抵寶慶廿六日由郡北門松樹灘搭浮橋攻賊廿七日賊至至與戰而田總鎮之勇橫衝而出賊大敗乘勝踏賊營七斬馘及溺斃者三四千降者千餘獲馬匹器械衣服錢穀無算凡

在北擄掠於栗坪楊溪者悉斂而南與據九鞏橋者合寶郡北門圍解七月初旬復數戰無大勝負至十四五日李希菴復率勵趙李諸軍作壁上觀者皆起薄賊營賊遂大敗十六日夜燒營遁十七日官軍起追賊分三股逃由祁陽新寧皆入東安竄全州與郴州賊黃金亮合轉犯粵西省垣而寶境始靖沈郡尊於十四日旋郡乃散勇撤防所有董事諸人稟請上憲保舉加銜各有差惟此次賊犯寶慶非田興恕之戰則寶城不守非李希菴之來則寶圍不解寶郡如失澁事正未可知也郡尊命紀其事乃敘其畧如此郡尊名元泰號墨莊紹興人以庚子翰林

出守辰吳令名廷諤號質菴懷寧人以癸卯舉人來權澧也

澧防再記

舒其錦

咸豐己未夏初粵賊竄楚圍寶慶澧浦戒嚴秋初兵勇擊賊敗歸粵寶慶圍解澧防撤次年庚申十月賊復自粵竄陷綏寧攻靖州走梅口陷城步犯武岡爲官勇所禦竄新寧仍歸粵澧浦亦辦防旬日罷又次年爲辛酉矣春三月賊復自粵踰黎平入楚圍靖州州牧張堅守得不破兵勇稍集賊竄去傳言匿八面山製造器械欲甘心楚復走江西乞師得二千餘人八月由入粵粵撫軍劉出省防勦是時粵地民多死亡山耕荒歉賊

糧無所掠剽包穀稗以食竄抵粵楚分境之清涼界先是界上已屯有靖州周副將勇千餘人防守賊至力鬪不能過乃分股潛越別嶺抄出周營後上下夾攻周營潰散入靖州城賊大股逾界經臨口至通道及綏寧屯據綏屬之東山場建醮演據且休養焉分黨四出擄掠淫殺延及若水瓦窰甘棠坳不一地有城池兵勇處不犯而鄉村則蹂躪甚苦擄脅之人約二萬勢大猖九月底棄東山場出陷會同會同官民早去僅空城沿途擄其鄉里而犯黔陽芷江境擬攻黔城方渡沅水礮船至擊賊船破遂竄害各鄉村至中方中方黔之大村落也多富戶召團練

禦賊賊初敗既麇集不能支鄉團潰故中方遭屠焚視他村尤毒當賊之在東山場也傳言有必至寶慶復仇之謠又有由洪江入澧浦走煙溪窺益湘之說上憲聞之調江中丞帶勇二千餘取道寶慶由城步達綏寧調趙總戎帶勇二千餘亦取道寶慶由澧浦至洪江均迎頭截剿計良善乃江勇至綏寧所屬之與賊遇戰而敗損勇二百餘趙勇至洪江相近之

亦與賊遇戰而互相傷損數十人賊於是不敢下洪江而遂上竄黔芷焉江軍遁入沅州城趙軍猶與賊相持賊掠黔芷閒地名難更僕數其大股屯據榆樹灣榆樹灣市鎮也楚滇通達

由榆樹灣直下懷化驛交辰谿屬傍走焦坡接澧浦境游騎已至而辰澧之民惶惶郡城戒嚴常德亦震動飛章告急上憲復遣兵勇礮船駐辰州遏其下竄方是時先來之勇駐沅郡後至之勇駐辰州實與賊相追隨者無幾而芷黔麻辰瀘各邑不過邑令所募之勇二三百各鄉所集之團數十人草草從事謠言四起遷徙紛如危急甚十月賊在榆樹灣探知沅距其前辰躡其後於是假道澧浦之說沸騰矣而邑侯鮑淡生蒞任方兩月勸團查卡頗著勤勞念勇不難招而饒無可籌防何以爲費因請各大戶開導不寫捐輸立印券暫借自二三百串至二三十

串爲止以濟口糧而資捍禦事畢按糧派捐歸款極力苦口各戶勉湊得三千餘緡招勇千名以二百護城餘令紳弁帶赴焦坡清江屯江西界大江口一帶防堵每隘僅百餘人或二百眾本烏台數又不足總局設城中董其事者錦與家三兄其鏃及向甥楚仙向君宗尹黃君思清舒君敘玲楊君海南等急報頻來中夜數起上憲嚴札督辦事勢如此不得不竭蹶措施十一月初旬賊前隊至八斗灣將入辰潑分途處傳聞擒一土人問何處走潑土人慌懼誤指走辰谿之細篾籠云入潑走此遂走細篾籠細篾籠有場市數百家實慶業鐵工者多聚此聞賊將

至商同近地居民齊團厲及誓殺賊氣甚壯及賊至多死後隊大至眾寡不敵又無官勇相援助團敗逃不及逃者皆戕於賊良堪憫也既越細篾籠乃走桐油坪王安坪石馬灣馬路坪已於辰谿縣城隔河相對矣知辰谿城空直奔浦市浦市商民輻湊閭閻誼闋財貨多登舟而未解纜賊掩至望見旗幟者猶謂鄉團來通判署點名一人趨而視賊戕之乃羣譁爲賊來市遠未知者尙貿易如故少頃大隊擁集擾攘滿街巷居民或死或擄或逃不可數計時爲十一月十五日也是日天昏晦朔風慘慄適吾潑近城各鄉皆以團練赴縣署察驗技藝刀矛旌旗布

滿道路後有激人在沅靖被擄逃歸者云賊探激浦消息旋言激之團練約數萬甚精壯賊意沮其實不過三四千也夫賊探至激爲是日與否不可得而知而前此指路之氓與此次來覘之匪不可謂非爲吾激造福無窮者但浦市上二十里爲辰谿縣又二十里爲修溪口自修溪口入激至城僅七十里又洪傳賊將從此竄激以走寶慶激人愈恐土匪亦潛思亂乃議移屯江口焦坡各卡之勇守小廬坡桃李坳鹽井石山關而天寒地冰饑餉人凍艱難萬狀因自備口糧遣子弟數十人赴老屋場以候小廬坡動靜並勸近村夏武向舒各姓及板溪焦板溪山

中各村團亦量力募丁或三五十前往穿巖界蕨菜坡防探兼勸督彼地鄉團有事時相應援蓋以又有賊至沅陵搶掠荔溪之語也賊住浦市五六日搜括金銀細軟物約十之二三二十一日起行二十三日行盡次日江軍始抵浦市乃肆搶掠焚店宇浦市遂蕩然一空辰州兵重堵嚴賊乃走瀘溪穿城過經河溪營達乾州時湖北水師提督楊乞假在籍督乾協兵置大礮城門內賊至轟斃數人懼而走取道士人境及苗寨沿途頗爲土苗所殺傷山徑崎嶇不能成隊在後者多被邀截錦至保靖猶聞人太息言自乾至綏有絕險地名高巖河者峭壁千仞



中涵深溪石磴侵雲鳥飛難度當賊踰此得數十人投以石可盡殲旃乃前無人阻後無人追竟令其堂堂而過保靖攻永綏屠里耶走龍山以與川匪之陷來鳳者合賊既出險至來鳳辰沅兩城暨各營兵勇皆尾送賊亦至來鳳旋偕湖北兵復來鳳城又尾送賊竄四川之彭水黔江西陽賊去遠遂各報捷班師以歸財物之獲多寡有差縣邑之防先後俱撤時已爲同治元年正月初矣竊念涪浦防堵三次徼天之幸視各郡邑獨免於難當何如洗心爲善仰答天休乃練團勸捐保固桑梓多不見聽其如子規啼血東風不回可慨哉第己未之防荷沈墨莊郡尊

臨澂調度籌款約四萬串除防費用二萬餘串剩萬餘串作捐輸解繳省局出資多者以一半爲請獎敘庚申之防爲日未久止用二三百串亦卽於前項開除均易籌畫若辛酉災尤切近費則毫無捐輸不能再寫不得不向富人告貸而慳鄙性成囊難慨解事平後議案糧收捐入官銀一兩捐錢一千以完借項勿令失信於民以便後圖乃官或恐礙於稅徵民又吝於資助事竟不行此次旣食其言將來事何由濟使從此枹鼓不鳴昇平永享幸甚幸甚否則澂之百萬生靈不知何恃以無恐也不亦深可慮哉願有心者悉思之

復修社稷壇記

舒其錦

綿上齊侯以名進士來權潑既下車卽捐葺考棚牆垣越明年壬申過社稷壇睹其階址傾頽幾若平地旁有屋爲祀先農並公廡壁破櫺穿椳楣敝倒過者懼覆壓又慨然捐錢二百餘千交城守修君華亭延石庀材鳩工重構於是壇高三成墉周四達棖題檐宇煥然一新而激之爲潑復有社稷矣夫邑之有宰孰不曰躬膺民社乃於祀典所最重者任其圯廢荒蕪是不有其社遑有其民不有其民遑有其職其何以仰副聖朝土穀惟修政在養民之意乎古之賢宰民思其德輒以配社然則社而

稷之者不有明徵歟數十年之所不葺而一旦葺之斯年竟大熟不可謂非社公之有以報也以社以方我田旣臧豈但農夫之慶哉工竣修君謂侯宜志數語侯以簿書旁午轉命於錦錦不自揣其不文也而謹爲之記

重修 文廟事實記

舒其錦

同治十二年夏縣志旣成於學校中言 文廟傾頽現議重建實有望於官斯土者督勸士民急爲興修也而謀多未合越二歲爲光緒元年十月知永順縣事唐侯移權潑甫蒞任謂事孰有重於此者卽捐廉倡勸紳富並詳請按一年糧以助經費人

盡樂輸逮三年秋而大工告竣侯命綴記其事因分爲原始諏  
吉拓基籌款選材五條以志其營構顛末

原始 漱之有 聖宮也前訓導吳公肇基文云作於宋毀於  
明我朝定鼎後至乾隆二十四年凡一遷五葺皆在桃谷山麓  
卽今考棚地基也道光元年辛巳乃改建於華蓋山之頂勸捐  
得萬餘金三歲始成其出入數日均無碑記迄今同治十三年  
甲戌寒暑五十四更矣春三月久雨棟折垣頽四月初十日廩  
生舒升堂向紹鑑約同學十九人從兩校官詣 廟省視議重  
修遂呈請於署令孫孫旋以事去至十月署令左至次年爲光

緒改元四月後請於左五月十二日左令同兩學登山相度復  
以眾議紛靡罷秋初諸生鄉試晉省籲請上憲飭修闡後撫軍  
王命知永順縣唐侯夔友權漱諭以 聖宮之修當從漱民請  
十月初四日蒞任十五日登山審度地勢揀選吉期侯精於風  
鑑及陰陽家言故台司委之來以期有造於漱云

諏吉 將議修造之際擇吉爲先而業青烏子術者各以其說  
進幸唐侯研究斯道於十月十五日登山環視謂地最吉但須  
本年營構遂先捐廉鳩工庀材十月二十日平 廟後地基加  
寬培厚二十八日折 崇聖祠留 大成殿不折以新殿基移

後六丈餘故可從緩暫安 神主十一月十一日申時建 崇  
聖祠二十七日辰時建 大成殿 大成門十二月初二日巳  
時殿門兩處定礫上梁次年三月初始折 大成殿唐侯以棖  
棟牕櫺堅緻可用命移於 聖廟右水星閣左文氏所捐隙地  
爲皇殿俾拜祝有所於材無棄於禮尤宜四月初三日未時建  
東西兩廡及鐘鼓樓六月初二日寅時建致齋所祭器庫其餘  
階砌垣墉門牕藻井皆以次成又於九月二十八日建明倫堂  
於 宮牆右以爲宣講聖諭所堂後置房屋兩間額曰特敬齋  
爲經理首事栖息處又其後屋三間以一間爲守 廟者居焉

拓基 聖宮基址月牆外地今長二丈餘舊六尺牆內今長三  
十丈舊二十四丈橫廣今八丈舊六丈自月牆起至 大成門  
前簷泮池櫺星門所占長七丈八尺 大成門基長二丈八尺  
六寸較舊加一丈六尺橫廣四丈六尺較舊加一丈八尺高二  
丈二尺六寸較舊加一丈八尺門左爲名宦右爲鄉賢各寬一  
丈五尺六寸較舊皆有加自 大成門內簷至 大成殿前簷  
階墀拜臺地基今長六丈五尺六寸舊五丈四尺廣三丈四尺  
六寸東西兩廡各占二丈一尺 大成殿基今長五丈六尺九  
寸較舊加九尺六寸橫廣今五丈六尺九寸較舊加九尺六寸

高今四丈八尺六寸較舊加九尺六寸殿左右兩廡各長二丈一尺各廣三丈六尺六寸各高二丈一尺六寸較舊高加五尺六寸廣加六尺長加六尺八寸鐘鼓樓各高二丈三尺九寸較舊加三尺長廣俱一丈一尺六寸較舊加三尺 大成殿後崇聖祠前拜臺墀院長二丈五尺六寸 崇聖祠基長四丈四尺六寸較舊加六尺廣三丈七尺六寸較舊加一丈高三丈九尺六寸較舊加一丈四尺致齋所祭器庫各高一丈八尺六寸廣二丈四尺六寸長一丈五尺六寸較舊加高五尺加廣一丈加長五尺泮池擴廣三尺櫺星門高二丈二尺八寸較舊加二

尺二寸竊念循規蹈矩古勝於今踵事增華今愈於古尙有謂此未極寬宏峻麗者則以巒頭狹隘若再開拓則坍塌可慮矣籌款 邑動大工必賴捐輸然勸捐則弊端易出此次重修聖宮初議勸捐按糧並行既而傳諭十餘姓僅獲五六百千時爲光緒元年乙亥夏初也六月初三日設局備辦器具砌路買樹用至七月初旬僅餘五十餘千再爲追呼謗訴紛如十月初四日唐侯下車墊錢四百千爲大戶倡因將前令所有罰款并郡尊遺詠如太守退還武軍門捐款二百千文頓姓捐款百二十千俱交局用於是劉崧生軍門捐三百千張賀各姓或百千



或數十千或數千姓名均登碑記然知其終不濟事遂稟請撫藩憲來歲按糧起派以一年爲限而各都始有先上按糧之費準於來歲抵銷者丙子正月二十二日開局繕造各都糧冊票據定議五斗起派不及五斗者免每斗百文每石千文二三五六都在本城考棚收一四兩都在龍潭低莊公所收自二年春季開征起至三年功成止城局共收按糧費八千八百七十一千九百九十一文一都分局收按糧費一千九百六十五千五百七十八文四都分局收按糧費二千四百六十千零八百一十二文又收各都捐輸入籍因事撥歸之項二千六百三十九

千二百文通共收入錢一萬五千九百三十七千四百八十一文竊思復修重舉初議按糧恐礙正供詳司難免駁飭乃賢令不惑於人言而慷慨上請大憲不拘乎成見而準許施行士民不憚於財匱而踴躍輸將上下交孚功速費省非託 至聖靈爽曷克臻至

選材 天生五材民並用之 聖宮重修能廢一乎所用樑棟皆合抱梓枅其餘材木圍四五尺二三尺者居多牆根柱礎下用礮石五六層以植其基上用青石二三層以期弗泐加以櫺星門泮池蟠龍前後墀階闌干之屬其青石每丈二千文其礮

石每丈一千一百文鋪地及階用百斗溪青石片每長一丈寬一尺五百八十文鋪路自山頂至學署口用礮石片每塊三百一十五文 大成殿遵制用黃琉璃瓦及龍頂寶頂龍脊鴟吻望獸鰲魚花脊字脊壁當滴水壽頭又本地三開溜瓦長五寸小瓦長一尺二寸大瓦方一尺二寸厚二寸五分大磚二四八小磚他若銅鐵石灰紙根南竹繩索耨畚諸匠器皿並恭修主牌香案匾額祭器鐘鼓及几棹竹簾燈彩倉櫃諸件則金箔銀箔銀硃山漆桐油石膏顏料雜物備焉其匠作工價木鋸瓦各匠每名錢一百五十文小工每名錢一百二十文并興工祭

儀公事應酬城局分局經事人火食雜用通共支用錢一萬四千六百八十千零六百八十一文餘置田五十一畝二分并陳廷功兄弟捐田八畝二分三釐五毫共五十九畝四分三釐五毫共去價一千二百五十六千八百文招佃納租以爲 聖宮歲修緊要用費其田畝坐落租穀另泐碑記以昭久遠夫前事者後事之師不嫌瑣屑筆諸簡端將來邑有興作庶藉以資考鏡云

孝感橋記

廩生 劉吉榮

孝感橋遺蹟在花橋下素無橋聞之父老昔牛兵竄激時肆殺

掠有子負母而逃賊追之甚力子與母倉皇河上水深無梁母謂子曰事急矣吾老不以累汝汝急泗而渡吾目瞑矣其子負母悲啼終不捨倉猝間倏有橋互水上遂疾趨而過及後之逃者至無橋也後之追者至亦無橋也於是共相詫異名爲孝感橋云惜哉母若子姓字弗傳然於此見天佑善人雖危急之際鬼神庇之而人之承天眷者亦本無他術也今橋成故仍以孝感名之

建修鄜梁書院記

張厚德

世皆謂人材之崛起必有佳子弟而又有父兄之培植與師友

之觀摩會湊以觀厥成吾則謂尤必得佳山水以爲絃誦之地關講堂構精舍讀書十年尙友千古乃能陶鑄其性情而開拓其才識昔者朱子鹿洞陽明虎谿皆以山水清奇得於學問文章深有資助是故書院之建良非得佳山水不可吾潑處萬山中而鄜梁乃潑水廢源之山受龍潭諸水北折東流逕古義陵縣治前至溪口渡黃塔腦而其上曰鹿鳴山爲吾區一大關鍵又山水最佳處也辛巳夏族子山之暨賀君佑卿潤之鄧君雪廷哲人陳君惠臣彤安李君修天戴君繼唐奠君凱臣慨文風之不振議修書院卜地於茲而雲翥鄭先生園橋戴先生囑顏

之曰鄜梁盈科後進必有本源取義於此意深遠已嗣是勸捐則賀君春伯廡丞少韓京元向君實秋宋君品五周君燊栖監修則賀君鴻莊合三錫臣李君宣三及族兄人文友全諸君力居多書院凡爲廡爲堂爲室及所修東西兩齋曰松塢曰桂林曰欣賞室曰詠歸軒曰鹿鳴精舍曰蕉夢山房更於其地之南建三閭大夫廟其後廳曰懷忠書屋曰求志艸堂自經始以至竣工木石磚瓦及襍用資費共二千餘緡復以邇年餘蓄併置左右附近山田又費數百金而始葺事方余與山之輩建議時皆年二十餘其志銳其氣盛慷慨自負不知事之艱難也閱歷

未深不知人之疑阻也而精神所注幾若書院一日不成卽無以快於心者山之天姿卓絕好吟咏嘗於風雪中同余登鹿鳴山種梅桂諸花兼賦詩紀其事又每歲扃課諸生約同人來院樽酒論文頗極一時之盛無何山之始而病終而狂余亦屢困棘闈去年又幾陷危機憂患之餘髮亦斑白非復曩年意氣矣且回憶同事諸君半多物故存者僅三數人更懼書院落成之無日也今幸金碧輝煌內外整潔閒當春秋佳日約賀君聯垣龍泉翟君芬泉彭君柳堂及從弟叔棣共檢圖書晚眺黃塔腦覺鹿角樵歌蝦潭漁唱情景悉在目前且遠望西南九峯羅子

諸山有若形家言所謂文筆插天近瞰江水往復繚曲宛似太極一圖天機暢塵慮消山水之勝洵足供人登眺而大氣旁薄鬱久必發安知鄜山激水間不有偉人奇士應運而生展雄畧宏遠謨爲天壤閒建不朽功業無負山川鍾毓之靈者乎是言也於山水卜之庶幾於書院徵之歲庚子距捫始已二十年矣冬十一月爲垂久遠計將各戶所捐田錢及續置山土付勒諸石因并敘述其緣起而爲之記

民國元年壬子水災記

向志鵬

河腹小則水性慄悍易於衝激河身高則水勢汗漫難於防遏

中外各河之通患也而吾激浦尤甚激浦縣治上游河流有三曰一二區河曰四區河曰三區河而總匯於五區之長樂坊洲尾源之遠者一二區河將二百里四區河亦百餘里三區河約六七十里大概兩山夾水則河腹多小兩岸豎防則河身多高諸河同時暴漲汎濫衝突爲災較烈前清之乾隆戊申是也各河有漲有不漲其勢稍殺害亦微減前清之同治甲子丁卯己巳光緒己酉丁未是也民國新建之元年五溪毒洗十激安瀾民方思出陷溺免淪亡矣乃六月廿五日一區河水陡漲於辰巳二刻之交山崩者三沙石壅沒良田約計三千餘畝廬舍亦



皆蕩然橋梁惟巖灣新建者無恙二三四區各河競長爭雄綜計田地漂沒二區共二百餘畝三區共一百六十餘畝四區共一百八十餘畝五區受四區河巨浸委輸亦損田地百餘畝而房屋之被劫於波臣者以二區頓腳水龍王江高明溪爲最三四兩區則差少焉縣治東西南三面彌望皆成澤國其距里許之廣福橋浮水面去如乘肩輿然淺擱縣治下游橋中十餘人皆溺斃縣城則知事署中最高處亦水深四尺有奇較乾隆戊申獅子巖壁勒洪水至處高逾六尺通城商家惟東門內外諸店安堵如故餘則儲存貨物概被浸漬耗銷綜覆呈報全目計

在十萬金左右縣治下游爲六區六區則鍾旭陳荆諸村隴畔淤泥墳起畛域不分仲夏沿水店舍盡歸烏有下如思蒙小江罹害尤酷思蒙下崩巨山橫截江流水勢愈高雷姓屋宇遂如箭脫弦矣小江近場屋宇一任河伯肆虐僅一店靈光巋存大江口下則如長江之出三峽黃河之出龍門奔騰砰砢茫無涯涘云合計彼區湮沒田地亦在八九百畝外時縣知事邵陽羅公佩恥方公出龍潭廿七日聞耗馳歸抵署已四鼓矣次日卽躬詣六區災區踏驗復遣邑紳分行察勘赴一區者羅君教培也赴二區者熊君正隆黃君佶世也赴三區者舒君鑑淵文君

遷甫也赴四區者宋君質文也赴五區者舒君延福也其議賑平糶則鄒君士楨舒君玉衡李君祖閻舒君立渭謝君希夷等鵬適龍潭司卸篆來城得晤吳君盛鯤歷述罹災救災勘災各情事兼述知事欲令邑人士作記之意鵬作而起曰此吾潞歷來未有之奇災也誠不可以闕而不記然而竊有說焉中國治河無善策大抵與水爭利遂至因水受害歷代河防歲糜數十萬金其前鑿也鵬向謂歐美治河培森林以杜水脈用機器以刷泥沙頗得神禹秘鑰蓋水就下者也順其性則患日減而日少逆其性則患日增而日劇邊遠各河無論矣就黃河長江言

之黃河則龍門以上河腹小患尙微龍門以下河身高患較鉅長江亦然由金沙江至三峽尙無大害由三峽至楊子江恆多奇災腹小身高故也河腹小水性慄悍則沙石隨之俱下而屋宇之漂沒恆多河身高水勢汗漫則隄防因之崩塌而田地之壅滯更甚嘗見黃河長江流域河身高出民居不知疏導滄濬之法惟築隄防以排之捍之一經決口而蛟龍之窟魚鼈之鄉比比皆是矣潞浦河腹最小之處莫甚於一區二六區他區亦各有之河身最高之處莫甚於三區二五區他區亦偶有之近來水勢稍增卽水災徧告不知歐美治河之法故也夫上醫療

病急則治標緩則固本培森林以杜水脈固本者也用機器以制泥沙治標者也今議彌患劉君漢秋謂以修林政疏堰填二事為急務標本兼治與歐美治河之法吻合操是以往治黃河可治長江亦可非獨有利浚浦也而更有進者浚浦蛟窟最多蛟水易漲冒雪探穴以神伐蛟之術乘漲鳴金以張制蛟之權雖非治水正式亦足以補固本治標所不及河腹縱小河身縱高可使安流順軌矣何陷溺淪亡之憂哉

浚浦縣志卷三十二

文徵四

詩

題白霧驛

宋辰州守陶

彌祁陽人

草市人朝醉畚田火夜明瀧江入地瀉棧道出雲行

一曲清溪一曲山鳥飛魚躍白雲閒溪山豈要行人到自是行人到此閒

人到此閒

題郭主簿惜日軒

宋曾幾

羲和鞭白駒秋日淒以短向來曬書地欲作炙背暖郭侯開西

海浦縣志卷之三  
軒棗下歌纂纂前山隱半規悵望支手板我慵類天賦身世兩  
不管著鞭慙祖生運甓謝陶侃銅壺一百刻夜夢分去半午窗  
又爲宗長閉讀書眼勉旃崇明德己事不可緩作詩非爲君實  
自警疏懶

柑木洞有序

柑木洞者素爲禱雨之所今年夏大旱縣官乞取其水以禱  
民猶以爲未足因作是詩以遺諸公致再請之意焉

傾心閉山雲如渴望梅嶺朝來有佳士拄笏不見頂豐隆駿奔  
走列缺兀馳騁雨不到人間風伯乃爲梗生來食官倉四海無

二頃歌詩視天漢一念極耿耿階前發清泉洮額冰雪冷乾喉  
欲生煙空平百尺縷幽軒竹三四柯葉殊秀整邇來頭搶地生  
機懼不永以斯占稻梁應如魚在鼎潛蚪民司命膏澤浸茲境  
邑官樹嘉政責報甚形影餅罌走十里豈憚一再請君其潔齋  
俟百穀正延頸客子無遠謀空腸望遺秉

淘金詞

元蔡明

淘金可淘金大江側水深沙淺淘不得夜聞追呼來打門官司  
追課如追魄呼童挑燈取金看囊中祇有分毫積課多金少輸  
不及里胥怒嗔遭拘執賣金買寬限金盡限轉急往來坐牀頭

妻子相對泣相對泣徒為輸官難再運南莊有田尚可鬻莫教  
過限遭鞭笞獨不見西家賣金仍賣屋戶戶逋金猶不足

郵居

張鎮卿

誅茅結屋傍清溪水東引領蓬山望欲迷舉網得魚鮮可食開

籠待鶴晚來樓雨餘遠岫雲飛緩夜靜疏林月挂低燕子又銜

春去也門前綠草自萋萋

悼張鎮卿

明荆政芳

日從千官侍早朝歸來時復憶雲樵其地號雲山當年張緒真

堪羨此日巫陽不可招鶴返遼城天杳杳雲山曾在遼東總制煙迷青塚

草蕭蕭鳳毛零落清溪上明月山阿弔寂寥

過牛頭渡

張文晉

罷釣歸來欲莫天扣舷詞詠過前川林疏驚見猿猿語水暖偏

宜鷗鷺眠幾樹松篁明落照半江蘋蓼起秋煙時人問我生涯

事詩在青山酒在船

夏日苦雨禾苗不實

張文觀

多稼連雲秀饑期備早餐三旬廿日雨六月五更寒漢粟終難

腐虞廷試為彈我因勤稼穡屐齒未嘗乾

泊潞浦江口

王守仁餘姚人



激浦江邊泊雲中見驛樓灘聲回樹遠崖影落江流柳發新年  
綠人歸隔歲舟窮途時極目天北暮雲愁

激浦旅居卽事

明修撰羅洪先  
水

院古曇花隱門幽徑草侵三年尋故侶孤月到深林閉戶空人  
影彈琴雜鳥音流塵雖滿席終覺少塵心

夏日雲洞山寺

瀘溪進士李樂

孤峯八面何峻峭清寂樓臺半古藤小徑雲閒松繁馬上方禪  
定鳥窺僧雄觀曙海三千界秀覽煙山幾萬層蘿風六月涼如  
許此景人間得未曾

盧峯懷古

鄧啟愚

鳥道猿聲第幾重半天藜杖夕陽峯陶唐難起煙霞癖荆楚空  
遺巖壑蹤碧水一池秋浸月綠蘿千尺曉凌松蓴鱸不待西風  
起洗耳懸瓢尙可從

石盤山

殘夜慘不樂晨積苦未蠲攬衣抱神期曙景翻可憐清暉蕩前  
除晶晶明遠天借彼求羊侶兼茲勝引賢尋幽不憚遠途徑隨  
蜿蜒環溪倚白竹水竹映澄鮮林薄鬱青松龍虬相糾纏翳絕  
紛瑤草霏微散紫煙盤空石犖确勒銘待誰鐫得非天路近莫

尋陌與阡登高聊騁望野曠何芊  
蘇涉蹄洞庭波培塿九嶷巔  
游目極天表馭氣干星躔東瞰陽谷  
瞰西睨弱水堦恍然御瀨  
渺超忽排冥筮聞說采三芝可以望  
九仙信美非吾土况乃俗  
尚牽願承雲閒路斷絕區中緣儻逢  
王子晉笙鶴長蹕蹕

招屈亭懷古

去國孤臣作遠遊楚天今古一亭幽  
遭回正是消魂地搖落堪  
悲何處秋夜雨常懸湘水恨寒雲不  
斷武關愁譽予欲續離騷  
賦香草年年杜若洲

送許少尹病起之騰越

幾年激浦一官貧白髮空齋泥酒人  
夜月有情頻得句野棠無  
地不生春寒雲楚道遲歸馬疏雨滄  
江渡遠臣不為茂陵愁病  
渴漢家仙掌露華新

題楊救音守節卷

手理寒絲到五更辛勤哺子涕縱橫  
年年萬里瀟湘月冷照空  
閨機杼聲

贈鄧秀才希曾

秀才博虎活母作此贈之

校官胡仰明

茂才豪氣軼今古為母捐軀搏猛虎  
不是精誠格鬼神可曾虎  
口活孀姥孟宗之竹王氏鯉董允之  
身郭氏子子母一體屬天

親爲親死孝應如此咄咄茂才膽力強綱常重任慨以當明廷  
選舉及賢孝德行當標第一行更祝茂才顧名號孔門宗旨期  
慥慥北堂日永鳳毛新聖域賢關漸可到

紫荆山

流寓高應雷  
真南人

雲白山氣蒼山蒼日光紫上下數千尺風煙水中起木蔚濃春  
陰石花繡紅藥茸茸碧苔閒游鹿紛如螳鶴寢千歲松獼猿拾  
松子乍接梅城天忽送辰江水遙望大壑東恍惚靈巖址行者  
憚高迴庸僧潛棲徙我欲躋其巔酒榻浮雲巖諦問菩提金云  
何結山髓

同門人遊石盤山望盧峯

緬昔拄瓢處於今生白雲倚天孤閣迴人望萬山分似有閉關  
衲曾無招隱君謝家遊屐爽相挈眺斜曛

弔石盤寨

巉巖百仞岡嵯峨一片石出入盡荒草白骨煙中積何年構戎  
寇汨此含冤魄春韃杜宇聲酒酌狐狸宅成敗盡一夢惡報天  
所厄孽者能復醒悲哉長醉客

戊子兵退過潑浦

明米肇瀨  
辰谿人

數月驕兵此地居望中邨落盡成墟雕梁火燼灰難冷香稻風

飄穗不餘白骨縱橫人迹少青山寂寞路途紆淒涼最是孤猿  
嘯觸起歸心念舊廬

劍州臨難寄楊閣部文弱

舒高崑

憑將肝膽報君親日盡途窮語亦辛相見黃泉慙孝子垂名青  
史愧忠臣官無寸補難偷活死有餘情忍化燐厲鬼儻能多殺  
賊精魂仗汝定楓宸

登紗帽山

張士亨

著屐經奇嘯捫蘿愜勝遊虎蹲驚怪石蚪卧見丹邱樵語煙嵐  
暮蟬嘶水木秋曠懷何處賦一笑小滄洲

哭族叔昆山殉難劍州

舒自志

無端小醜肆烽煙痛殺嗣宗一命捐熱血淋漓應化石忠魂聚  
散總歸天枕戈縱有同袍客報國空存正氣篇流寇猖狂何日  
了西瞻劍閣淚潸然

澱浦道中

舉人 米元倜 吉人辰谿

城是何時破空憐草木存荒巒春雨冷舊院野花繁白骨經霜  
雪烏鴉長子孫故鄉戎馬在對此哭黃昏

蓮花洞避暑

清 向春藻

何處堪消暑言尋古洞幽凌空天地迴遺勝古今留塵淨渾忘

俗涼生早得秋歸來不覺晚明月照當頭

盧峯仙隱

邑令袁丕基

人說仙人隱此峯求仙無訣道何從延陵燼後雲霞在

吾鄉常州郡即

古延陵亦有善卷山其洞與寺皆以善卷名寺建自六朝邇年被焚矣

弱水流分洞壑封

激水西流入沅

故以弱水爲比

三月煙花迷鶴騎寒年筠節識虬松恩慙愧塵勞吏

句漏量砂屬正供

激浦硃砂例入貢然實非激產也

桃谷春風

桃源洞外繪成真六曲屏風錦繡春度索無端湮化劫河陽應屬後來人分池密種窺晨鏡繞谷深栽藉落茵婦子壺漿歡笑

日太平佳境軟紅塵

櫟壠樵歌

邑令李長祚

深山岑寂憶前遊日午羣歌伐木幽洞外觀棊忘歲月林閒停斧讀春秋紛紛落葉飄柯上片片寒雲拂擔頭莫笑樵夫工俚曲已能清切變蠻謳

蘆潭漁唱

悠悠潭影落花深漁艇參差出柳陰一曲蛟龍騰古窟數聲煙雨霽平林機關早識蘆中士哀怨難回澤畔吟網罷有魚償酒債醉謔流水覓知音



桂坊秋月

天空一鳥下滄洲叢桂含芳碧樹秋神女掃雲歸大壑仙人乘  
月上層樓銀河澹澹星光燦玉露瀼瀼花氣浮攀得數枝香滿  
袖清風曾向廣寒遊

盧峯仙隱

奇峯飛翠勢回翔萬樹虬松挂夕陽子晉吹笙常馭鶴初平叱  
石盡成羊青蛇脫殼餐花露丹竈餘灰化土香隔斷紅塵千萬  
里白雲深處傲陶唐

龍堆積雪

西風飄泊蓼花殘江上蓑翁一釣竿有客騎驢迷去路何人泛  
棹問前灘早烹學士金鑰冷夜渡將軍鐵甲寒非是陽和消不  
盡深潭知有玉龍蟠

招屈亭懷古

忠臣去國意蕭條遠涉蠻溪寄寂寥花落離魂依槳棹月寒幽  
憤侶漁樵嶺猿日暮悲流水山鬼秋深嘯斷橋聽罷騷音人不  
見蒼茫煙雨隔江招

桃谷春風

向禹門

武陵疑似卻疑真曾見桃花幾度春撲鼻香風遲過客緣溪流

水引漁人幾家煙火山鋪錦一徑林泉草疊茵  
鄴下穠華須退舍何如拂面送芳塵

小江口道中

向淑俊

盡日不離巖壑寒雲自抱長川夜坐驛亭殘月曉行山店疏煙

龜山

舒弘訓

神龜未出洛山勢已巍然陰洞疑無底懸巖欲到天猿啼幽澗  
裏僧老白雲邊戎馬郊原日惟茲獨保全

印潭釣磯春眺

解綬歸東畝持綸來溪曲和風扇清景坐觀春水綠上下古釣

磯光潤紅如玉願學舍瑟人童冠共沐浴

同緣蘿菴冰印和尚觀印潭踏車漑田聯句

千轉萬轉轉不休功夫全仗腳跟頭冰印夜來吸盡寒潭月句

引碧波向上流

招屈亭懷古

鄴山南峙水西流岸芷汀蘭處處幽芳草一亭憐過客王孫千  
里繫孤舟遠遊不盡懷沙意忠憤惟深宗國憂自去汨羅千古  
恨年年煙霧爲君愁

登黃鶴山

庠生 譔 濬

偶然著屐踏層巒放眼從知宇宙寬  
天逼乍疑雲路近山深常  
覺雨聲寒芝田日暖招黃鶴  
丹竈煙凝跨紫鸞華表千年歸也  
未應思採藥是無端

留別澈江諸子

教諭 劉慧珠

一甌不計冷十載喜相知  
風月窗前畫雲山江上詩情深  
難得醉老別易生悲  
僅有講堂在羣公慰所思

鎖子洞

舒俊鯤

春色滿天地乾坤半草堂  
白雲封古洞丹帙列匡牀  
喬木攙藤古寒梅夾雪香  
敢從母意叟坐此習齋忘

月夜遊文蔚山

邑令 陶金諧

不謂中天月能令舊眼新  
雙流浮素練一氣俯蒼旻  
山色宜良夜春風似故人  
英靈如有意未必羨蒲輪

兩丫道中

雙崖補天色角立非一狀  
如彼黃池盟爭長不相讓  
煙松樹前旌風竹森嚴仗  
月吐青壁間晦明殊背向  
我行穿詰曲疑出青天上  
蕭晨登絕頂前峯正相望  
安得役五丁鑿此千崇障  
遠遊戒垂堂臨風默悵悵

再憇靈鷲菴

下界煙初暝上方鐘未歇野寺無經聲薄霧滿林樾少住便有  
情悲愉緣愛結三宿記枯桑扶筇待明發

弔石公子墓

將軍捐愛子歸骨此山岡不復稱家督翻令弔國殤關山紛雨  
雪陵谷慨興亡向晚悲風起蕭蕭古戰場

自老菴堂至白水崗

兩山恰對門上下六十里眾峯如連鼇鱗次脊相倚仰視何巖  
巖少進益嶮巖磴道盤虛空冰滑不受趾攀援藉危藤蠱屨連  
羣蟻首下尻反高目眩心先靡棧危崖欲仆雲擁山忽徙絕頂

稍開豁暉暉漏餘晷其下有寒泉清冷碧玉委居民四五家几  
席雜雞豕趨前競慰勞未覺村野鄙白鳥自閒適見人忽驚起

白霧山

山行如無山蒼蒼積煙霧披尋榛莽閒曲折緣樵路頽陽漸匿  
光新月已流素松林翠未明楓葉丹微露征伐想昔年於此勞  
屯戍碧血膏野草鬼燐如螢度老樹嘯鶴鷗空原走狐兔嵐氣  
襲人衣蒼茫難久竚

雨中出江口

瓜瓠嫩綠水沄沄徐鼓蘭橈破浪紋春半花將飛作雪雨中山

欲變爲雲漁村寒食新煙色鳥迹平沙古篆文孤棹亂峯江上路令人長憶杜司勳

西湖塘

滄波一勺傍菰蘆裊裊秋煙淡欲無莫厭蠻鄉風味少東坡元合住西湖

瓏玲灘

月出眾山靜空江秋氣深瓏玲灘上水如聽穎師琴

大雪入龍潭

雪色滿墟落溪流清可憐天低重嶂外路斷小橋前孤鴈捎寒

影饑鳥就午煙候門煩父老情話故殷然

菩提寺羅漢松歌

赤雲燒山山如燬渴虹下飲長江水入門煩暑轉清涼千尺驚濤坐中起眼明見此蒼髯翁磊砢似是青羊公何意幻作窮禪客逃名未受大夫封銅枝鐵幹謝婀娜阿誰爲友法潛可卽看五葉一花開西方早結菩提果土花斑駁古牆敲掩抑摧殘誰惜之惟有碧眼方瞳僮侏子曾見移根初種時鐵鎖繡澀鐘文古寺鐘嘉靖年鑄相戒不改擊局鑰甚固父老流傳自成祖甲人言永樂時松燕已亭亭百尺矣子飛來杜宇愁天人翻是旃檀主佛桑澹澹三千劫金粟飄零



一抔土沙蟲猿鶴怨未銷更化虬龍戰風雨羊脾纔熟歲月淪  
桑田滄海幾窮塵君不見天壽山前松與柏半被樵人斫作薪  
魚服傳疑多訛僞髯也定記前朝事羅縷問松松不語肅肅清  
風生晚吹

再過龍潭雨中煙景可愛詩以記之

大冶鑄名山施設羞雷同幽奇必蘊蓄意匠勞天公龍潭僻蠻  
徼巉巖千萬峯蜿蜒分蜀翠微茫辨霍宮凜凜如壯士望見千  
夫雄高人無俗韻谿刻少春容昔遊及秋節霜氣刪榛蓬空障  
千里目懶支九節筇昔入龍潭有句云平生最有扶筇興自大深山卻厭山豈知清妙景

獨在煙雨中暗泉灑石壁駭浪戰虬松空濛浮元氣隱見青芙蓉  
雲破漏日光碧海磨青銅晦明倏異態變幻莫能窮溪山留  
畫稿荆關猶未工昔遊悔鹵莽山英闕奇蹤乃知良賈意用晦  
若愚蒙堂下儻無言執手將安從

義陵懷古

楚天風雨怨靈修招屈亭前野色幽公子未歸芳草暮王孫已  
去桂花秋斷雲殘照空今日長鈇高冠誤昔遊擊汰揚舫來往  
路遄回江上獨離憂

無復攬雲古驛樓兩山崖影落江流

王文成過江口有雲中見驛樓崖影落江流之句江

口驛  
今裁 虎谿尙憶薪傳在 鴻爪爭誇雪迹留 半夜濤聲殷地起 連宵瘴雨拍天浮 上沅入澁回翔久 他日何人紀勝遊

啞節婦 節婦張氏生病瘡及夫向志倫亡乃能言無子撫姪爲嗣

一片冰心默自持 黃昏寂寂掩孤幃 可憐擁髻悲啼夜 無復如皋射雉歸

賣珠補屋事酸辛 螺贏空呼類我頻 兒女成行翻有恨 無言羞殺息夫人

由江口至澁浦縣城道中偶成

澧溪令 顧奎光 無錫人

羣山過雨溼雲收 落瀑潺潺與耳謀 幾處水田纔布穀 涼風拂

隴麥先秋

溪流春漲釣魚磯 兩岸青山翠滴衣 無數野花爭豔發 澧蘭沅芷近來稀

桐花滿徑落毵毵 萬樹青陰宿雨含 遙見歸農驅犢返 煙蓑霧笠似江南

側嶺橫峯曲折通 籃輿徑度翠微中 鳥聲嚦嚦青林晚 林外殘霞一抹紅

寄澁浦盧峯院山長楊二雍度

去年五月五喜君來 澧浦今年榴花紅 憶君住盧峯 盧峯學舍

何軒敞絳帳高寒對朝爽春風桃李花開時融融洩洩忘所思  
所思不見可奈何平子曾賦四愁詩欲銷愁尋五柳棟葉粽膏  
蒲酒龍江競渡年年有懷槩齋素問方言端陽大小君知否

文蔚山春望

楊鴻觀 金匱

陽律乘時令郊原入望新嶺明山戴雪林暗柳矜春戲蝶依芳  
草遊魚聚綠蘋丹鉛多暇日吟賞趁良辰

書院夏日卽事

琳館遺塵事溪山得幾重小橋連郭路斷岫補雲峯沙淺灘聲  
壯村陰樹影濃晚涼微度處隔岸聽疏鐘

盧峯書院晨起觀雪效禁體呈陶明府

詰旦關荆屏朔雪呈清景四望何茫茫千山失形影江寒咽不  
流野渡橫孤艇凍雀簇窮簷駭犬奔荒町一畝占蕭齋背郭耽  
幽靜爐紅火始然樽綠酒方猛不學袁臥秦竊效客歌郢明年  
百穀成共樂華胥境急報彭澤知蒼生信多幸

竹枝詞

教諭 周宣智

山中到處是生涯春去秋來慣作家收拾禾場無箇事背攜兒  
女撿棉花

水激灘高網不施家家漁戶養鷓鴣大江中去風波惡且向舟

頭坐片時

景星觀

令邑

石文成

招提暑不到水石此中佳馬滑新晴路人攀欲墮崖松風清入  
戶竹影亂侵階坐久微鐘動山僧供午齋

雲洞橋

橋在雲洞寺前

典史

賈倬秀

出郭蔥龍碧樹齊小橋橫鎖岸東西山邊徑滑苔粘屐谷口花  
香稻滿畦宿雨膩雲遮古寺新泉漱石韻前溪鍊蛇仙客歸何  
處帶月裴回記舊題

雨後宿靈鷲菴

策馬穿山曲徑幽晚投蘭若雨初收雲霑衣袖痕猶潤風度松  
梢氣已秋碧水一灣鳴石上寒花幾點綻枝頭禪牀分得蒲團  
夢又撼晨鐘動客愁

秋登水星閣

乘閒登傑閣望望動吟情水德應勝火山居即在城林丹秋色  
老天碧晚霞明故里今何處長空一鴈橫

白雲山

劉紹濂

白雲遠自天際來蹲身江干尙嶒嶒雲去突兀橫煙鬟雲來翩  
躚擁鶴蓋精藍選勝雲窩閒戶牖六月生寒煙霜皮皺成百龍

虎濤聲瀉出千琅玕我生百事苦拓落名山緣分幸不薄危樓  
擁卷當窗哦茲山咫尺窗前羅高人傑士靜相對使我逸興凌  
嵯峨墖院三年侍古屋山前攀陟山背宿予少讀書山後墖院等閒襟帶  
雲飄搖幻作下方雨霖霖面目摩娑日有取雲山許我迭賓主  
頗怪左肩驛復撐絕壁矗空無寸土往來不敢正目視熊羆猱  
獬犀象喫傳聞勝代銅馬徒亂如蝟毛毒如蠱斗大激浦恣虐  
劉眼看赤子填坑溝樹幟鳴鉦結黨拒一時寨柵森戈矛雞公  
烏龜賊鋒斂石盤龍鳳寇氛慘茲山荆棘成離披逃竄多應盡  
崖崖及荆棘皆邑寨名何當鋌鑷變桑麻承平福及山煙霞

鏗鐃齋鐘度林樾悠揚仙梵調僧伽邈來策蹇走燕豫與山契  
闊幾霜露歲暮歸里申綢繆咄咄山容罩冒絮似嗔丫峯懶開  
顏龍從雲氣封回環搔首一嘆透巖岫山靈爲我念宿舊須臾  
霏霽收天風嶙峋現出青芙蓉

遊白雲山經塔菴

劉紹濬

雨歇雲生白來遊蘭若家香風翻貝葉鉢月映曇花谷口鐘聲  
動松閒塔影斜老僧何所事閒坐煮新茶

櫟隴樵歌

向嵐

我從山下來不識山中路山中有白雲其下多櫟樹時有採薪



人長歌入雲去

鷹渚回波

偶隨灘聲行還逐灘聲止灘聲近不喧紆餘石齒齒江勢離鞢  
鷹修翎眈徙倚遠浪低虹飲澄滋朝日起緒風簫鼓中流雲蒼  
翠裏顧瞻望四方滄桑亦何已兀兀碧波前坐看源頭水

蘆潭漁唱

誰為殿上吟頌德與歌功誰為道上吟賢勞奔西東誰為江上  
吟騷人運不逢漁者何爾達乃學披裘翁潭水清且漪蘆荻深  
以崇向晚來好月況復動清風寂寂蒼茫裏欸乃一曲終得魚

便沽酒渾忘窮與通淡淡閱人代浩然萬象空

桂坊秋月

何年斲冰輪皎皎飛上天清光正在手空明浩無邊雜坐就花  
陰婆娑桂影圓

龍堆積雪

蟄龍睡難醒滕六聊相嬉玉塵灑九斛覆其鱗之而不受雷霆  
鞭轉為瓊瑰姿潛懷精白意見待文明時同雲自舒卷崑壑失  
嶽崎會當階尺木莫然謝塵緇

同友人登回瀾閣

偶然聯客袂隨喜到禪關舊徑無人識老僧獨自閒數層江上  
閣幾點樹頭山此處多佳趣危梯約再攀

文蔚山春望

舒才博

三春恰好日遲遲文蔚山頭入望時如雨落花紅萬點弄煙垂  
柳綠千枝丹青難寫王維畫錦繡堪吟杜甫詩最是子雲登眺  
處韶光滿眼不參差

盧峯懷古

紫氣亭亭接上清曾聞隱者有盧生世傳秦時盧生隱此菴有遺像三山不與  
安期遇十澈還同善卷行霧鎖半腰占久雨雲封絕頂課新晴

居民以山雲氣占晴雨幾回欲上盧峯望棊局一秤識世情山有石似棊局俗傳為善

卷奔碁處

紗帽山玄字路

兀誰巨筆可如椽寫作銀鉤挂碧天宛轉蛇驚荒草裏回翔鳥  
戲白雲邊只應載酒探奇字未許操觚擬太玄自笑毛錐真不  
濟夕陽古道且留連

書院門前栽柳

已睹公門桃李穠更栽五柳繼前蹤雙株不數鼇山杏百尺還  
高鹿洞松漫說無心成蔭早定知有汁染衣濃他年若化藏經

老易道精微莫與攻

遊普化寺

出郭違塵俗禪房靜且幽涼風敲石竹慧日照經樓洞鎖雲常在橋橫水自流鍊蛇人去後若箇繼仙遊

回瀾閣

回瀾傑閣障西流結伴登臨恰九秋浙瀝金風翻貝葉晶明白日晃沙洲三層欲接清都景一線纔通曲徑幽停覽不須驚薄暮滿城繚繞爨煙浮

蘆潭漁唱

荆自才

蕭疏蘆岸一漁翁忽發狂歌意自雄舉網有魚烹活火傾囊得酒酌秋風臨江月出看歸櫂如絮花飛笑轉蓬曲盡夜深高枕臥扁舟不繫任西東

盧峯書院咏懷

張嘉顯

名山藏几席天地賴仔肩予茲渺中處結習何茫然詩書非糟粕展卷晤聖賢知有津梁在願言濟長川  
梧桐高百尺結根山之陽伐作琴與瑟清徽諧宮商誰能聽其真獨有蔡中郎臨風理高曲慷慨自激昂

鐵牛山寺

舒才大

霧鎖空山冷雲藏古寺幽修篁侵徑曲危石咽泉流瀟灑宜長  
夏清涼得早秋禪心邀皓月莫更覓騎牛

櫟隴樵歌

向世翥

夕陽紅向擔頭催隴外高歌逐伴回那管白雲行忽住且無爭  
道貴人來

蘆潭漁唱

偶泊蘆花傍水眠楚歌高唱入雲天等閒識得忘機趣煙雨蒼  
茫不繫船

夢遊紫荆山

嚴如燈

名巒突兀扶桑東晴天削出青芙蓉徑梯盤盤九千仞閭闔只  
疑呼吸通白帝離宮竦西嶽一樣兒孫俯羣峯我欲因之乘羽  
葆飄然謁帝清虛宮天門羣仙相揖讓碧雲腳底生蓬蓬三十  
年來苦羈絆何曾探勝扶瘦筇悵然供奉李學士時時天姥游  
夢中我與此山緣分薄乃爲恍惚登崕從蛇徑灣環闢巖岫捫  
蘿徐上趾難容徙倚礧石一回首下視萬壑煙重重城市一氣  
不能辨素光蕩漾混鴻濛力窮絕頂耳目異林端颯颯來天風  
古幹怪木森千萬霜斂雷剝蟠虬龍亦有秀條與芳蘂嫵娟鬢  
鬢紛龍蔥只恐山精白日見或者巢居巖下逢手中苦不攜長

鏡茯苓未刷雲間松又覺有人奏流水幽泉落耳聲淙淙從此  
鈞天聆廣樂咫尺竟可攀璇穹平生結思玉皇側跪拜瑤階獻  
微悰不信九關有虎豹到此忘我山林躬卿雲縵縵星爛爛一  
聲驚人村落鐘嘆息人寰有絕境胡爲咫尺遺遊蹤輿地圖經  
都不載負此萬尋碧玲瓏名山煙雲貯洞壑奇人星斗羅心胸  
名山奇人喜相遇精誠緣之感天公起倚危欄一帳望翠崖朝  
旭方曛曛

盧峯吟

紫峯居士松爲關啟關日夕見廬山黛色嵐光滿眼底時有仙

鶴飛往還善卷隱處三千年丹洞夜來光射天非煙非霧隱還  
現至今靈氣留層巔漆園僂僂語多寓秋水南華妙天趣箕山  
有冢稱許由會稽亦傳善卷墓是耶非耶定誰信蠻觸夔蚺共  
其故往往風雨生古壇疑有先靈彷彿遇楚越中閒數千里飄  
然往來忽彼此化人行迹如天風定難草木尋起止少室山人  
官拾遺終南捷徑汚明時深源之輩知何用出處至取卜安危  
至人真乃戀煙霞大千到處是吾家倏然而逝雲離岫倏然而  
來鴻印沙蒼苔紫蘚封洞口清風皓月滿松牖搖尾長安空乞  
憐何如雲根醉五斗茯苓巖下成人形柏子盤中作珠走留此



高蹤令人思何必真無與真有澹澹兮谷煙濛濛兮礪泉滌我  
胸中萬斛之塵埃無爲名韁利鎖愁羈纏竟須身跨崖前老白  
鹿直圖腰佩尋飛仙

招屈亭懷古

鳳翔千仞嫌未高翩翩雲中張九苞人閒德輝覽而下安能心  
惻傷雉膏靈均瑰璋好奇服蠻兒獯女相侶曹辰陽山峻紛雨  
霰深林杳藹巢狄獠乘船擊汰三千載至今使我心怛怛靳尙  
子蘭彼何識王明受福悲兼號商於已紿武關入掌中環玩西  
帝驕國殤年年郢都急太息宗臣何所逃欲攀九關扣靈鎖虎

豹啄害豺狼嗥荷裳荔帶本修潔蛾眉眾妬淫余謠黃鐘之聲  
競毀棄齊鳴瓦缶方嘈嘈木末芙蓉誰能採心異恩薄媒徒勞  
東皇司命悵難遇瑤席虛陳糝申椒痛茲舉世眾皆醉醒者又  
羞哺其糟白螭青虬不可駕終步余馬來山皋激浦遭回知幾  
日荒亭萬古風颺颺僻遠自昔憐端直窈窕山鬼徒囂囂神風  
靈雨舊遊地攜鏡須爲劇蓬蒿嗚呼天地幾劫灰秦關百二煙  
沈銷不須荒亭痛天問猶哀江南歌楚騷

弔張烈婦蕭應兆妻

烈婦攜子行丐過雷打洞有惡丐見  
溫不屈被害

舒正載

牽衣中路鬱裴回母子零丁信可哀風雨無情陰洞惡一時亡命逼人來

半腔碧血灑荒山援救無人絕往還底事豐隆徒打洞不將強暴擊人閒

山鬼含悽夜叫閻巫咸不復問奇冤彩毫縱有香如麝難返貞孀墓下魂

九重鸞綉貢鄜梁廟祀千秋俎豆芳取義舍生歸乞婦堪悲十主事瀛王

節婦舒才熾妻楊氏專一

舒正增

終風多譴浪悲歌綠衣裳女子能思古高情邁敬姜嗟哉鄉曲女派衍關西楊不讀大家訓行比芝蘭香十五于歸早所倚何不良竟日挑鄰婦窗月冷半牀荆布甘寒素侍姑歡高堂生育逢彼怒陰雨嗟荀梁狂且旋云逝志節凜冰霜由斯茹苦辛從于蜀道長豈意子復殞肺肝摧悲傷生死兩無依負骨還故鄉遠歸見娣姒痛哭相扶將女紅仍故業富貴謝求凰心如冰在井身如松在岡迄今抔土閒花草含芬芳

節婦舒正炳妻梁氏瑀音

卓哉巾幗侶軼彼丈夫行坎壈持苦節誰云不可貞堂敲推砥

柱魂慘疊墳塋朝餐供薄粥夜績燃孤檠北堂萱忽萎骨立悲  
淒清竹林幸有子螺贏負爲嬰魄安身將死神勞病乃生卽今  
年八十春爨猶經營歲歉尋遺秉心憂忘采蠶肺枯痒鎖項淚  
涸翳蒙睛不作呼天語畢世耐孤熒碩節誰能抱幽芳豈爲名  
聞風敦士氣濡筆綴鄉評

節婦向紹鑽妻舒氏少桓紡績歌

萬轉千回夜挽車單微一縷恆咨嗟開門七件手中紗緒引木  
棉無盡處未亡人守故夫家

老姑高枕夜無驚唧唧蟲催紡織聲來朝炊爨績中生手引木

棉斷復續涼風殘月照雞鳴

樓外香秔接隴黃不耕盼得粟盈倉機頭細布憑尺量莫向黃  
姑看織女紡車一轉一回腸

課兒夜讀傍孤檠孟母三遷說古行祖父宰邑有循聲幾回怒  
欲斷機杼怕教兒哭老姑驚

有女相依影不孤木棉縷縷同縈紆冬寒製得齊腰襦手挽紡  
車風在袖心緒和紗共細麤

流光荏苒擲金梭坎壈長途倏已過勤勤天柰寡幾何一架紡  
車身世了青絲鏡影鬢皤皤

貞女舒其麟妻向氏育蘭

盧雲高復潔澂水深且清禮宗生其閒字壻壻遠行或聞過黑  
水或言入青城大半非人世杳無形與聲兩家謝媒妁謂可寒  
前盟髡髮告阿母靡他矢志誠願依高堂老不向別舟生餽粥  
藉鍼黹衰謝依弟兒冰霜越六十端操通神明菟絲不爲弱獨  
活偏能生熙朝重風教卓楔彰殊榮

鶴鳴山

舒正璧

一城環澂水古寺綠陰中日暖花香遠鳥啼山影空倚牆疏古  
木啟戶沐清風石磬聲飄逸行吟曲檻東

沙堆守風

劉之煜

何處歸舟泊沙堆舊釣磯風能驅水立雲欲挾山飛漸覺鄉音  
近還歎客路非猜他小兒女日日候柴扉

廣福寺

向肇隆

樓勢欲凌空倒影入潭底禪關不著塵庭院清如水

竹枝詞

鄧大猷

二月中和天氣淑東風幾日草痕綠白雲深處有人家不種桑  
麻便種竹

子規聲裏雨如煙村少閒人四月天惱殺農夫忙不住爭先打

鼓插春田

一炷香曾到處焚天孫七夕會郎君怪他多少癡兒女半夜起來看巧雲

梨園子弟不知耕一擔傀儡隨處行但過重陽風雨後村村演劇賽秋成

曉行赤壁道中

舒其鏹

五鼓人行趁早涼水禽驚起繞回塘露盈豆陌鞦全溼風送稻花衣亦香白竹溪聲喧暮雨紫荆山色隱朝陽先塋未展晨光出且自敲詩破寂荒

秋日登中華山

邑庠 舒其鏹

深林藏古寺微雨淡秋光幽徑入寒翠亂山明夕陽苔痕侵石瘦幡影落壇長小住尋禪悅趙州茶正香

過穿巖界

巖正基

百尺霞關曉翠繁義陵山色似仙源諸天日月懸雙闕絕頂雲煙劈一門石棧鉤連看直上丹梯鑿空記重論勒銘須仗如椽筆鄙閣涪溪氣象尊

激灘

沿江石穿壁江面瀾翻雪辛苦盪舟人開船便愁絕



泊江口寄向子松坡新甫昆玉

舒夢齡

男兒生當左佩黃金右綰綬離合聚散何足數但恨出門知己  
難不及管鮑貧時友憶昨君等餞我行搦戰曾輸三十斗新雨  
欣談日午時長條又折斜陽後臨別贈我無他言但道工夫莫  
放手丈夫須存遠大謀肯哉此語意殊厚太上立德次立功立  
言與之稱不朽鄒魯河洛關鴻濛三代而還無人偶汾陽睢陽  
勳業隆工部吏部文章祖二者之中隨出處芳徽皆可銘岫嶺  
我生原無北海才如公不在謫仙右相期立志共磨礪渭北江  
東如聚首白蘋江上日又曛綠楊如絲菱荷芬子規啼罷鷓鴣

天竹雞一聲隔岸聞孤舟漂泊春色晚水面雙槳如犀分今朝  
直下蘆潭去回首家鄉是白雲

石盤寨

劉肇璧

危崖高矗勢凌空幾萬生靈殲此中一寨血流山壁赤三更火  
閃鬼燐紅遺骸自昔填坑谷怨魄至今泣雨風紙甲難消青犢  
慘摩雲徒望立蒼穹

穿巖

溫溪西去萬峯連處處危巒峙偉然山合雲煙難辨樹水分沅  
澗未成川崇巖上躡千尋磴巨石中通一罅天絕境不知誰設

險還疑鑿空是張騫

盧峯書院書懷

向紹湘

自到京師游翻然悟正學雖守公家言未敢旁門託讀史濁酒  
下點易梅花嚼每到賞心處鐙花發兩萼時復吟一篇生意隨  
手著始信三百年人閒無此樂朝露滿牆頭夕陽在屋角時還  
讀我書安問狸與貉

蘆潭漁唱

錄二首之一

荆 塘

漠漠煙含翠莢多漁舟款乃發清歌月明振徹潭千尺花落披  
殘雪一蓑灘上裘尋人宛在蘆中劍贈客如何餘音婉轉西崑

外可有游魚聽碧波

古鄜山

庠生 謚 瑤

序水之源高且雄金紫北來飛一峯百折千盤勢鬱積呼吸直  
可青天通犖确崔巍幾千丈石筍凌空少倚傍金鐘大鑪挂碧  
霄勝概奇形逞萬狀腳根不帶齊州煙振衣欲謝塵外緣若非  
身到最高頂安得四面峯巒歸眼前鬼斧神工不能鑿插天芙  
蓉更秀削舉頭但見紅日開手招羽衣控白鶴上界忽作雷雨  
鳴白光亂湧飛瀑聲丈夫意氣壯如此倚天拔地風雲生世間  
名山亦不少五嶽峯高願未了登峯造極何許人此身未合鄉

關老

唐貞女墓

翁姑猶未面夫婿後時還  
瑤瑟湘妃怨歸來蜀道難  
松筠百年節冰雪一身寒  
苦志憑華表龍章後代看

招屈亭懷古

宋世鑑

屈子今何在荒郊尚有亭  
地涵江月白松共岫雲青  
節義彌今古忠貞貫日星  
騷經讀罷後蘭芷亦流馨

小江道中

張文人

石路塵清一徑幽  
遙天露洗滿林秋  
行人莫厭蠻荒地  
曾得靈

均幾度遊

詔詰菴二首

邑人張文理

村居隨所適古刹一登臨  
徑曲山盤帶崖懸水弄琴  
虛堂蠲俗慮靜室住禪心  
餉罷伊蒲饌慈雲結暮陰  
皓月旋東上清光燭寺樓  
松窗經韻寂蓮座篆香浮  
小飲消長夜輕寒逼早秋  
衛城休鉢乞齋粥滿溪頭

九日登鶴鳴山

邑人賀嗣英

九日蕭蕭葉戰秋登臨端愛四山幽  
仙蹤欲覓空鳴鶴機事難忘轉羨鷗  
短鬢怯風防落帽香萸釀酒暗銷愁  
歸來路澀天將

晚城郭參差月滿樓

柑木洞

張志揚

崎嶇開別境嘉樹夾溪源地僻人蹤少天晴鳥語繁輕煙疏雷  
穴斜日逼穹門尋勝無窮處班荆漫引樽

柑木洞

岸生周文淳

古洞隆穹別有天雲窗巧透日光圓雙池清勝華巔井一掌平  
如谷口田碁局草荒春蚓亂石牀風冷夜猿眠武陵畢竟非仙  
境放出桃花引釣船

過澈江石壁偶興

錄二首之一

朱鳳英

石壁危千仞遙遙俯碧川天圍千嶂翠舟入一溪煙樹穴叢棲  
隼藤垂果誘猿興來思潑墨畫稿滿漁船

過龍潭偶興

夏國漢

劇憐山水勝遊屐此初經谷靜生空白江虛送晚青鐘聲沈梵  
閣漁火溼沙汀但覺一天冷時聞雲氣腥

烈婦舒奇才妻梁氏珣璉

邑人李芩品

骨月乖睽未忍言終教蕙質獨含冤捐生莫挽姑嫜怒抵死寧  
從伯氏婚荒冢有誰憐勁節夜臺何處慰芳魂而今姓氏標青  
史始信幽光發九原

過蘆潭漁家醉後短歌

岸生 梁芳燾

蘆潭側花如雪扁舟一夜趁寒月長歌短笛聲悽絕五溪之水  
秋泠泠三閭一去誰醒醒

自隴西至澂浦

甘肅寧周錫溥 麓樵 朔知縣

邊沙吹面苦微薰尚有楊花為拂堤笛裏西風無鳥度舟中秋  
雨一猿嘯天光大峽看疑甕石路穿雲覺有梯大敘山前回首  
處謝家詩草昔曾攜

秋日同向亦棣游龜山

嚴 咸

山風吹夢飛入雲秋林月黑老魑嘯淒雨敲瓦天猶昏野煙蒼

蒼鬱古廟藉草雖溫睡難鼯爭起披衣然荆燎汲水滌釜烹朝  
餐坐俟天明恣譴笑東方倏起出門看白雲連捲未入竅四山  
一色渾不真俄頃千狀畫難肖扶筇魚貫陟峻嶒尋幽詎容辭  
泥淖眼前老樹糾復拏耳畔山鳥啾呂噪喟然浩歌天地深百  
感茫茫起憑弔世事何代無盛衰叔季互古紛奸盜安得良牧  
臨茲邦編氓長年樂耕釣山澤險夷亦何常有時雄區非衝要  
況聞善守重門戶經營豈獨堂與奧

游杜潭 二首

眷言夜行游啟扉出西里清暉既媚日湛露未霑展寥寂謚羣



居屏營眺幽涘洲渚近回衢林巒遠邈迤淙淙新湍厠澹澹孤  
煙靡入舟揚吳謳遵陸唱楚只野草豐長坂樹影沓積水翫景  
獨有得遇物咸可喜回顧紅崖幽極眺來谿泚坦步幽人貞周  
道君子履寒裳就歸涂嗒然忘所以

明月似半珪湛淵如匹練雲氣濛空水原野凝霜霰天際層巒  
碧溪中白石爛瀨淺響不輟林貞色常精

明月洞

鄭如霆

古洞長明月重巖別有天秋聲聞五月世事幻千年橋說仙人  
渡門看怪石眠依稀來福地覽勝比張騫

貞女易紹俊妻唐氏嬌鳳

閩秀 唐雨香

蜀道崎嶇遠香閨望更深窈禽千點血孤鴈一生心白壁還天  
地清霜照古今吾家多俊秀敢爲表徽音

江口望月歌

失名

江口月出照江樓下有千里之孤舟孤舟人起月中望煙光山  
色合成秋亂石磷磷水清淺沙鴈南翔一何遠推篷獨坐戀清  
光霜露沾衣夜已晚霜飛一夜遍江村胸橫萬端那可論但聞  
浦上漁歌發水疾舟遙聲尙存漁歌蕩漾綠波裏沙際暝禽復  
驚起蘆花漠漠杳無人殘月蕭蕭猶在水

文蔚山春日用先大父原韻

舒其錦

攜將遺硯感來遲滿目山光憶昔時出谷新鶯流逸韻巢松老  
鶴借高枝業勤欲進韓公解德述宜陳謝客詩學海春融瀾有  
本激江西下綠差差

遊柎木洞

良既爲覆盃山宜多靈洞不知結峙初刻款竟何用扶輿鼓磅  
礴石骨巧鑿空谿訝神工施峯粵鬼斧弄門巨堪建標廷廣足  
飛鞚層巖形恢宏疊厂勢狂縱鯽鯨霞作梯廊康雲爲棟稍進  
半沮洳漸狹不容眾其上忽通明一綫天有縫魚貫更深入幽

黑等幘幘嗜奇著屨行賈勇束蘊送蜿蜒蟻穿珠甃雞飛甕  
蛇伏偕宗親孫升呼伯仲崑鼓折踝驚乳垂撞頭痛崎嶇抵其  
極有窟沙磧擁奔泉直下趨駭耳風雷闕朱明肆歎蒸此內含  
凝凍早時祈雨來挾纒懼寒中冥昧得殊觀恍疑清夢桃源  
及華陽怪險難與共磴溼苔滋斑土陰草抽蕪遊倦尋徑歸斜  
暉集禽呀

招屈亭懷古

郭遠厚

鴟夷泛五湖遺像尙鑄金況抱忠貞志誰弗同仰欽激水沿浦  
入汪洋亦何深水深汨羅似水清孤臣心死生豈不惜忠蓋鬱

胸襟遂令千載下憑弔及山林競渡存遺風建亭表德音精靈  
應常在蹤迹何處尋徙倚夕陽渡徒慨澤畔吟昭昭人已去茫  
茫古與今魂兮歸來未倚檻望碧潯往來坐臥者長此感不禁

秋杪登盧峯絕頂尋善卷棲隱處

劉紹業

杪秋理遊屐盧山履岷嶠絕巘指顧閒紆徑逾十里初登石峻  
嶒再上峯邐迤樵唱亂雲中人行衰草裏扶筇臨絕頂奇境復  
何似中凹三面凸形勢如設凡生就煙霞窟登高合棲止緬懷  
古善卷軒冕輕敝屣不受陶唐禪遁迹乃來此豈博高尚名中  
心良有以渺然擴天真窮達行其是遺迹今何存悵望徒引企

遊龜山

艾作模

山高骨立雲爲魂雲氣靈幻山勢尊我來荆莽紛塞徑巨石巖  
巖鬱怒蹲叢薄有聲人不見幽險漸入尋蹊痕法鼓鏗錡古刹  
近天地俱失一氣渾短竹中分褰衣步老僧笑語立迎門佛光  
黯淡入座久依爐爲我開山樽空相無生談寂滅羅縷道妙忘  
緇髮山境高寒無夢寐重衾凜冽不能溫清晨出戶恣徧覽飛  
雪回旒杳無垠朗然如行玉山上銀樓羽闕皆仙村長飈怒號  
震林末樹動冰落蔓瑤琨山陰絕壁看崿峭下瞰深谷裂厚坤  
側足凍石心慄慄纖蘿弱滑詎可捫二百年前四海沸遺黎此

地曾雲屯賊勢虎狼氣咆哮擬翻兔窟恣噬吞雄英奮起刀花  
落觸髓飛血濺盤殮巨魚一擲墜雲隙鱗飛鬣張賊馬奔豈曰  
天險資憑據當年智勇堪討論不然劫火高岡烈萬鬼愁哭絕  
後昆奇姿颯爽瞻遺像猛毅彷彿育與賁至今山人剔荒谷土  
花斑駁古戈存時事循環紛理亂南國又見風塵昏世人仍拾  
堅壁策門壘高築鑿雲根智足聊堪虎負嵎術拙恐致牛僮豚  
安得良才清四海臨風浩歌心紛縕

遊紫荆山

春居不自適中心鬱糾紛東風吹我意飛入亂峯雲紫荆峯高

摩天頂谿隨山轉路幽迴飛泉百仞風雨號終古雷淵浪恣騁  
是時春氣吐菁英尋芳躋險身亦輕天風颯然落飛翠翠陰暗  
處落花明千花送香人人語一徑蹢躅矜霞舉但覺真氣襟仙  
靈不妨高歌驚豹虎亭午憑崖眺四遐灑氣鮮新彌天涯平疇  
錯繡爭春色遠水浮煙搖日華靈境萬態頻睠顧不盡閒愁散  
煙霧淨性默窺天地心春意徧滿林泉路安得直從汗漫游覽  
旌雲車御風去夜靜歸來月西流餘情猶挂山中樹

盧峯吟

羣山怒擁東南來波濤滔天勢崔嵬盧峯爭長特西起虎視昂

頭向東回我發逸興尋高岡山風驟起天蒼茫雲霧冥冥生衣  
裳似有遐心隨風長不在區區望八荒一線幽蹊獨縈繞煙巒  
層疊迷昏曉白草連天虎氣腥幽篁嘯風鬼語擾俄紛霰雪雨  
霏霏雲昏冰崖自生輝百神來往虛無裏嘈然有聲下翠微傳  
聞善卷隱林藪漆園寓言原十九況復後人恣荒誕此中頃刻  
忽大酉是非有無何足求高士意自輕王侯千古興亡一棊局  
黑白未分事已休冥鴻高翔不可羈中懷落落空無依此遊我  
亦得真趣山之風雲送我歸

遊黃茅寨

賀紹周

振衣千仞立斜暉雲樹蒼蒼鎖四圍仄徑苔含朝雨潤遙峯黛  
隱暮煙微蝶爭叢薄穿林出鳥掠平原貼地飛最是多情回首  
處巖花含笑送儂歸

詔誥寺

張厚德

蒲團兀坐靜忘機深院無人晝掩扉欲待烹茶親汲水半山紅

葉一僧歸

題岳陽樓

謹梅號戰雪淑浦龍潭人

巴陵城外日初斜忘却漁竿在酒家惟愛洞庭湖上月數聲鐵笛入蘆花  
是誰扶我上扁舟一葉乾坤萬里秋自笑醉中全不醒如何下了岳陽樓



# 本部书完

本片卷含： 卷20～卷32